





THE PENNSYLVANIA  
STATE COLLEGE  
LIBRARY



2787









**D'r Bester aus d'r Galy.**









J. Kf. Sellen

Gedruckt v. J. Bueker in Mannheim.

# D'r Wetter aus d'r Palz.

---

Dichtungen in pfälzischer Mundart

von

J. Philipp Beller,

genannt Wetter.

Mit dem Bildnisse des Dichters.

Mannheim.

Verlag von Tobias Köffler.

1863.

831

722d

MAHLL  
STAT. 1911  
101110

## V o r w o r t.

---

Da erscheinen nun die längst erwarteten Gedichte unseres guten *B e t t e r s*. Daß er diese Freude nicht erlebt, bleibt tief zu beklagen; für manche Entbehrung, manche Stunde gedrückter Stimmung hätte ihm dies reichliche Genugthuung gewährt.

Der im Leben bei seiner bedächtigen, zögernden Weise so Manches verspätete, hat uns durch sein plötzliches Hinscheiden schmerzlich überrascht, und statt der launigen Vorrede des Verfassers, welche diese Stelle des vorliegenden Werkes zieren würde, muß der geneigte Leser einige magere Notizen des Freundes hinnehmen, der nur mit Mühe seine Wehmuth unterdrücken kann, um also fortzufahren:

Das Leben und die Thaten des am 5. März 1824 dem ehren-



## VI

festen, geschäftspunktlichen Rheinbrückenmeister Melchior Zeller von seiner gemüthvollen, heitern und emsigen Gattin geborenen Söhnchens Philipp, nach Würde zu beschreiben, kann hier nicht die Absicht sein. Wie er mit gleichgesinnten Kameraden vom Lyceum zu Mannheim für die alten Deutschen und Herrmann den Cherusker schwärmte, wie er die Zeiten der Ritter pries und im Spiele vergegenwärtigte, wie er, nur mit Schwimmhosen angethan, den Speer in der Hand, den Neckarauer Wald durchzog, Laubhütten baute und kühn in den Rhein hinausschwamm; wie er später den Schläger handhabte — er schlug auch links! — und als erwählter Kaiser beim edlen Versteinsaste dem Reiche präsidirte, das Alles muß einem besondern Gesange vorbehalten bleiben! Hier sei nur erwähnt, daß diese Spiele des Knaben, dieser Scherz des Jünglings, Symptome eines Gefühls waren, das sich bei dem Manne in eine klarbewußte Liebe zum großen Vaterlande geläutert hatte, dessen Einheit und Macht der heißeste Wunsch seines Herzens war.

Als aber die Zeit sich erfüllt hatte, zog er, unter dem Namen „Bettler“ allbekannt und geehrt in seinem zwanzigsten Leuze und im Herbst des Jahres 1844 mit seinen Alters- und Studiengenossen gen Heidelberg, wo er sich aus unbekannten Gründen

als Mediciner immatriculiren ließ und in der That auch bei dem berühmten Liedemann Anatomie hörte. Was er da gesehen, gehört und durchdacht, das hat ihm sein ausgezeichnetes Gedächtniß treu aufbewahrt — leider aber konnte er sich nicht überwinden, noch weitere medicinische Kollegien zu besuchen. Ebensovienig, und zu noch größerem Erstaunen der Freunde, trat der renommirte Schlagger in eine Studentenverbindung, sondern verblieb in zwanglosem Bunde mit seinen alten, intimen Kameraden. Gleichgültig gegen Bacchus, widmete er sich einem geordneten, regelmäßigen Dienste des ächt germanischen Gambrinus, dessen Fahne er mit neugewonnenen Freunden wie früher mit den alten, für und für in Ehren hoch hielt. In heiterer, beschaulicher Lebensweise, die ihm auch der Sturm der Jahre 1848 und 1849 nicht wesentlich trüben konnte, hing er seinen Träumen und Ideen nach, nahm zu an Menschenkenntniß und allgemeiner Bildung, reinigte als geübter Taucher den Grund der Bootsischen Schwimmschule von lästigen und gefährlichen Felsen, und machte den Studentenauszug nach Neustadt mit, woselbst er die berühmten plastischen Vorstellungen in der höheren Schwimmkunst gab und schließlich durch unzeitig explosirendes Pulver bedenklich im Gesichte verletzt wurde. Nach mehrwöchentlichem Krankenlager kehrte er aber guten Humors nach Heidelberg zurück. Und

als die Zeit wieder abgelaufen war, und noch Etlliches darüber, kehrte er von der Universität zurück ins Vaterhaus, vergrub sich des Tags hinter alten Büchern, Schriften und Landkarten, und überließ es Freunden und Bekannten, sowie dem verehrlichen Publikum, zu errathen, was er eigentlich studire, und ob und wann er das medicinische Examen machen werde. Denn zu schweigen verstand Better trotz Napoleon III.! Des Abends aber erschien er regelmäßig in gewohntem Freundeskreise und würzte die gesellige Unterhaltung mit den Einfällen seiner unverwüßlichen, stets gutmüthigen, öfters originellen Laune.

Und als die Zeit abermals abgelaufen war, machte Better das medicinische Examen nicht, sondern ein Gedicht in Pfälzer Mundart auf seinen alten Freund „Hannes“, bei welchem das Examenmachen damals, dem Anscheine nach, ebenfalls zweifelhaft geworden war. Und damit war Better, anno domini 1852, an dem Wendepunkte seines Geschickes angelangt, d. h. er wurde sich über seine eigentliche Bestimmung klar. Der Beifall, den dieses Gedicht im Freundeskreise gefunden, regte ihn an, nach dem Vorgange Nablens, eine ganze Reihe Gedichte in Pfälzer Mundart zu fertigen. Gründlich aber, wie Better's Wesen war, machte er sich nun das Studium des Pfälzer Dialects zur ernsten, angelegent-

lichsten Aufgabe. Er rief sich die körnigen Redensarten seiner alten verehrten Base zurück, belauschte die naturwüchsigcn Ausdrücke der aufgeweckten Kinder seiner Hausfrau, horchte auf die derben Unterhaltungen der Spanner und Sackträger, verkehrte mit den Schiffern, wie mit den Nachtwächtern, und durch leutseliges Benehmen überall im Volke beliebt, sammelte er allenthalben in munterem Verkehre charakteristische Ausdrücke und Redewendungen, die er dann nicht nur in seinen poetischen Erzeugnissen mit Geschick zur Anwendung brachte, sondern auch, Dank seinen erworbenen sprachlichen Kenntnissen, mit Scharfsinn in ihrer Grundbedeutung nachwies, und aus ihren Sprachwurzeln herleitete. Leider hat Vetter an einem unglückseligen Abende mit seinen Werken auch das kostbare Wörterverzeichnis verloren, und seitdem nur die ersteren aus seinem vorzüglichen Gedächtnisse mit rühmlicher Beharrlichkeit wieder hergestellt!

Allmählig trat er jetzt mit einzelnen seiner poetischen Erzeugnisse vor ein größeres kompetentes Publikum, indem er bei festlichen Anlässen in dem zahlreichen, jovialen Kreise des „Mannheimer Sängerbundes“, zu dessen beliebtesten Mitgliedern er zählte, theils ältere, theils eigens für diese Unterhaltungen verfaßte Gedichte vortrug. Der schallende, allgemeine Beifall, den er hier er-

rang, wirkte wie Frühlingsregen und Sonnenschein auf sein Gemüth, er lebte neu auf in dem Gedanken, daß er nun seinen eigentlichen Beruf gefunden habe, und hegte wohl die stille Hoffnung, der „Hebel“ seiner geliebten Pfälzer zu werden. — Und, wie selten ein Glück allein kommen soll, so öffnete sich unserm trefflichen Vetter in den letzten Jahren noch ein zweites Feld zu verdienstlicher Thätigkeit aus Neigung.

Anlässlich der Auffindung einiger, ungewöhnlich gemodelter Echerben beim Brande eines Nachbarhauses hatte sich scherzweise in der mit gutem Humor gesegneten Stamm-Gesellschaft am runden Tische des Gasthauses „Zum silbernen Anker“ ein Verein gebildet, der neben einigen eilig beigebrachten Antiquitäten auch verschiedene Raritäten, wie z. B. einen großen Frosch u. dgl. als Alterthümer vorzeigte und die staunenden Gäste zu Beiträgen aufforderte, die dann auch unter Anderm in alten Münzen, Gefäßen und Waffen geliefert wurden. Vetter, der selbst früher alte Münzen gesammelt und sich Kenntnisse in der Münzkunde und Heraldik erworben hatte, machte nun den gründlichen Ausleger der beigebrachten Gegenstände und — durch Mischung von Ernst und Humor erregte er bald ein solches Interesse für die Sache, brachte einen solchen Schwung in das Unternehmen, einen solchen Eifer in

die Leute, daß richtig unter seiner Präsidenschaft ein förmlicher Alterthumsverein im „silbernen Anker“ sich bildete, der nicht nur Zimmer und Glasschränke sich beschaffte und mit interessanten Alterthümern anfüllte, sondern auch auf eigene Kosten Grabungen nach römischen und fränkischen Alterthümern mit schönstem Erfolg anstellen ließ, und sich nun sogar die Anerkennung und Theilnahme hervorragender Gelehrter und Männer von Fach errungen hat. Auf Better, so zu sagen einen geborenen Alterthümer, mußte dieser Erfolg einen erhebenden Eindruck hervorbringen. Zeuge deß ist die Geduld und Ausdauer, mit welcher er aus den gefundenen Bruchtheilen in oft viel Stunden langer Arbeit das betreffende Gefäß mit kundiger Hand zusammensetzte, die Münzen entzifferte und bestimmte, die Waffen erklärte und die Grabungen leitete. Da zeigte sich, welcher Thätigkeit er fähig war und welcher Beharrlichkeit.

So hatte sich nun aus dem früheren räthselhaften Thun und Träumen der Dialektdichter und der Alterthümer entpuppt, und wer kann bemessen, welche Zukunft dem einen oder dem andern, oder beiden noch geblüht hätte! Leider freilich war über diesem Entwicklungsprozeß Betters Vermögen aufgezehrt worden, und was noch schlimmer war, was tragisch geworden ist, in seinem kräftigen Körper hatte sich in letzter Zeit ein todbringendes Herzübel

entwickelt. Gleichwohl bewahrte Better eine sokratische Ruhe und Heiterkeit, und scherzte über sein Leiden bis in die letzte Stunde, die ihm unerwartet frühe schlagen sollte.

Am 19. Sept. d. J., als er das altgewohnte Rheinbad genommen, setzte ein Hirnschlag seinen Tagen ein Ziel, zwei Schwestern und zahlreiche Freunde in theilnahmevolle Trauer!

Better war ein Original, ein guter, begabter Mensch, ein treuer, bewährter Freund! Vielen hat er Freude bereitet, Keinem hat er wehe gethan! Ehre seinem Andenken, besonders in seiner Vaterstadt Mannheim, der er mit wahrer Pietät zugethan war.

Betters ausgesprochene Absicht war, das Buch seiner gesammelten Gedichte den Mäusen seiner geliebten, schon im Jahre 1840 durch den Tod ihm entriessenen Mutter zu widmen. Ihr Name war:

**Magdalena Zeller geb. van Seil.**

Diese Widmung sei im Namen des dankbaren, nun bereits wieder mit ihr vereinigten Sohnes hiermit vollzogen!

Mannheim, im December 1862.

**Die Herausgeber.**

# Inhalt.

---

	Seite.
1. 's Fröhjor . . . . .	1
2. D'r Fröhjorsmorge . . . . .	6
3. D'r Fröhjorsmiddag . . . . .	9
4. D'r Fröhjorsowend . . . . .	13
5. Die Fröhjorsnacht . . . . .	17
6. D'r Summer . . . . .	21
7. 's Schbätjor . . . . .	27
8. D'r Winter . . . . .	32
9. 's Chriſtſſinnel . . . . .	36
10. D'r Neujorsmorge . . . . .	39
11. Gedanke üwer die Faſenacht . . . . .	46
12. D'r Appelbaam . . . . .	52
13. Aller Anfang iſch ſchwer . . . . .	63
14. Wie's Chriſchbeddhum zu de Deutſche kumme is . . . . .	73
15. Die Pſlicht . . . . .	85
16. 's Schickſal . . . . .	92
17. D'r Zappe . . . . .	98



	Seite.
18. D'r Verliebde . . . . .	101
19. D'r Maimark . . . . .	105
20. D'r grose Kumeet 1858 . . . . .	110
21. D'r Junggsfell . . . . .	115
22. Aschtronomische Betrachtunge durch's Schoppeglas .	120
23. Die Schdorke im Frühjor 1860 . . . . .	126
24. D'r Dorchtel . . . . .	134
25. Bleib im Land unn nähr Dich redlich . . . . .	137
26. D'r luschtige Duwad'sraacher . . . . .	142
27. 's is kee' U'glück so gros, 's is immer widder e Glück d'rbei . . . . .	145
28. 'n Schbay in d'r Hand is besser wie e Daub uf'm Dach	152
29. D'r Glaawe macht seelig . . . . .	154
30. Mit Schbed' fangt m'r d'Mäus . . . . .	157
31. Ehrlich währt am längschde . . . . .	161
32. Untreu schlächt ihren eegene Herr . . . . .	165
33. Wäsch m'r de Belz unn mach m'r 'n nit naß . . .	170
34. Wie m'r in de Walb nei'kreischt, so schallt's aa wid- der raus . . . . .	174
35. Wenn Zwee minnander prozesse, gibts for de Dritte e Fresse . . . . .	176
36. Gedanke sinn zollfrei . . . . .	180
37. Was recht is muß recht bleiwe . . . . .	183
38. D'r Mensch denkt unn Gott lenkt . . . . .	193

39.	Wer nit höre will muß fühle . . . . .	203
40.	Prowire geht ünwer schtudire . . . . .	215
41.	Wie gewunne so zerrunne . . . . .	218
42.	Gleich unn gleich gefellt sich geern . . . . .	222
43.	Er unn Sie; e Räthsel . . . . .	226
44.	Ebbes Abes waß immer neu is; desgl. . . . .	230
45.	D'r Schbaziengang; . . . . .	232
46.	D'r Batter; . . . . .	237
47.	's Schäpel; . . . . .	241
48.	Ebbes for Jedermann; . . . . .	244
49.	Die Kraniche des Piffikus . . . . .	246



## Vorbemerkung.

---

Der „Vorredner“ hat des bedauerlichen Verlustes erwähnt, welcher Zelleru begegnete, als ihm ein Theil seiner Gedichts-Manuscripte und das Wörterverzeichnis abhanden kam; der Mangel des letztern ließ es dem Schreiber dieser Zeilen, welcher die Vorbereitung zum Drucke der Zeller'schen Dichtungen übernommen hatte, als zweckmäßig und sogar theilweise als nothwendig zum bessern Verständnisse derselben erscheinen, einzelne wenige Aenderungen in der vom Dichter beobachteten Orthographie vorzunehmen. Mehr als prosaische Aufsätze verlangt das Gedicht, deutlich und fließend gelesen zu werden, ohne Störung für den Rythmus, mit schnellem Erkenntniß der leitenden Idee; dieß ist, insbesondere bei Hervorbringungen in einer Mundart, nur zu erreichen, wenn von der üblichen Schreibweise möglichst wenig abgewichen wird.

Wäre es dem Dichter vergönnt gewesen, die Herausgabe dieses Werkes selbst zu leiten, so würde er ohne Zweifel durch seine Erläuterungen dem Leser das Verständniß seiner Orthographie in einem Grade zu erleichtern gewußt haben, worauf der nunmehrige Herausgeber zum Voraus verzichten mußte. Es sei nur noch bemerkt, daß sowohl dem Originale entsprechend als in Uebereinstimmung mit Nabler die mit einem Circumflex bedeckten „ñ“ niemals ausgesprochen werden, sondern lediglich zur Bezeichnung des Anflangs vorhanden sind; daß ferner „feññ“ etwas gedehnt, dagegen „feññ“ ganz kurz lauten soll.

---

## 's Fröhjor.

---

Letstcht haww ich schunn for mich gedenk:  
Dr Winter is jek ganz v'r'schprengt  
— nooch sellem Schdurm; 's war hell umm flor —  
umm bin glei naus emol vor's Dhor.

Noû — sag ich — du hochscht alls d'rheem,  
umm 's bliie schunn schier alle Bääm  
umm friche Blätter. 's war e Pracht,  
's hot Alles eem norr angelacht.

Der himmelsvile Schnee war hiû;  
was weiß war, war jek alles grûn.  
Die Kinner hawwe do, im Gras,  
schung gsucht alls nooch em Dschderhas.

Ja, haww ich gsacht, s'is noch zu früh;  
vor Dschdere kummt der jo nie! —  
Wann awwer so desß Wetter halt't,  
schlächet Alles aus jek, mit Gewalt.

In zwee, drei Dag, do wett ich druff,  
sinn schunn die Märzeveilcher uff. —  
Was hatwe dann die Rinner do?  
Da! alleweil, do sag ich's jo!

Warrhaftig: ganze schöne Schträus  
vunn Märzeveilcher bloo unn weiß; —  
Guck! Schmetterling siun aa schunn do,  
die sinn so wuß'lig unn so froh!

Dhut narr em Gude nit zu vil;  
wie gschwind werd's Dwend, noht is's küll.  
Die Sunn bleibt zwar schunn länger do,  
's schön Wetter — sag ich — gfallt 'r so,

unn Dag unn Nacht war aa schunn gleich,  
jetz is se widder Herr im Reich;  
d'r Winter der hot aus jetz gherrscht. —  
Gebb Acht, wie du glei gschdümwert wercht!

Do guck emol een Mensch jetz um!  
Wann ich narr trude heem noch kumm!  
Sunscht laast's alls one Rege ab,  
wann ich mein Barplee bei m'r habb. —

Unn so hot's ewe, Dag unn Nacht,  
bei verrzeh Däg schier, fortgemacht.  
Ball Schdurm, ball Rege'n odder Wind,  
unn Blitz unn Dunner grad so gschwind.

Unn meent m'r mol, die Sunn scheint heut, —  
goomedelt's widder wie nit gscheit.  
Husch! werd's nachts hell unn gibt 'n Froscht,  
wo manchem Blümmche 's Lewe koscht.

Dann: „D'r Aprill is nit zu gut,  
„er schneicht em Bauer uf de Hut!“  
Die Sunn macht sich zwar wenig draus,  
die lacht so zu de Wolke raus:

vor schdrenge Herrn haww ich kei'n Wang,  
dann die regire jo nit lang.  
Unn richtig! 's is heut widder schön;  
die Sunn scheint 's Wetter zu v'rschdeh'n. —

's is wie v'rzaunwert jeh do haus.  
Wie schön sicht so e Herd nit aus  
mit junge Lämmcher! Guß narr! Ei!  
do sinn zwee schwarze gar d'rbei.

Die dhun sich Guts uf ihrer Wiß. —  
Die Äppel blie'n, unn die Rüß,  
unn aach die Vire. 's is e Schdaat;  
's gibt lang im Freie schunn Salat.

Do guß nor's Feld: 's is jo e Freed,  
was Alles schunn so prächtig schdeht.  
Do fricht m'r widder neue Muth,  
unn, hilst uns Gott, werd's For aa gut.

Die Biene hawwe schunnt e Gsumm  
unn schwärme'n an de Blüthe rum;  
unn wenn 's an Kässer mangle sollt:  
do sinn, so vil d'hr hawwe wollt! —

Ich geh mol niuwer jetz an 'n Rhein;  
do werd's e Bißel lustig seyn.  
Guck ija! do is 's prächtig küll,  
die Butte mache do ihr Schbiel.

Ihr hatt 'n gude Platz gewählt,  
— Wie der sich mit seim Drache quält! —  
Jetz hot 'r doch Gen ufgetroßt,  
der wo deß Uudhier schdeige löst. —

Wie Mancher hot's als Buh gedhañ  
unn dhuts als Mann — unn denkt nit drañ!  
Die Bleech, die isch schunn voller Wäsch;  
un kreische nit aa schunn die Frösch?

Macht narr so fort mit demm Gequack,  
do hot euch ball d'r Schdorf am Frack;  
er kummt schunnt an de Bense dort:  
He! guter Freund — mol uf e Wort!

Bringscht meiner Hausfraa deß For nicks?  
Wann d's nit kannscht selwer bsorge, schicks!  
Du Narrle. An was habert's dann;  
du förtscht dich doch nit vor em Mann?

Als wann d' nit wiüsch, daß der nicks sächt!  
 Du nuckst mim Kopp? Noñ, deß is recht.  
 Leb wol! Ich wiüsch gutt'n Appedit!  
 Hosh ghört du? — Unn vergeß m'r 's nit! —

Die Schwalwe sinn jo aa schunn do  
 unn zwittsere unn sinn jo froh.  
 Gott's, do schlächt aach e Nachtigall;  
 jek hamn'r se dann widder all!

's Frühjor bringt all die Vöchel mit,  
 norr die gebrot'ne Danwe nit. —  
 Wie gsacht: heut war en Frühlingstag  
 so schön m'r 'n sich norr wiüsch mag.

Unn Mancher hoßt d'rheem am Buch,  
 unn macht 'm lieve Gott kenn B'such;  
 unn's wär keñ Gang umjunscht gedhañ:  
 m'r trifft 'n jo doch immer an. —



## D'r Fröhjorsmorge.

---

Die Sunn is aa schunnt widder do!  
 Noñ, noñ, for die bin ich dann froh;  
 halt Gens mit dere gleiche Schritt  
 im Uffschdehñ, die verschloft sich nit:

Je schbäder die in's Bett dhut gehñ,  
 je früher is se auf de Been.  
 Sie guckt durch's Naschloch in de Schdall  
 unn weckt de Han; noht is es all.

Der kräht unn kräht unn hot keññ Ruh,  
 als hätt 'r 's gröschde Recht d'rzu,  
 unn weckt, waß norr im Haus drinn wohnt;  
 sogar d'r Hausherr werd nit gschont.

's is aa — genau genumme — Zeit;  
 's gibt freilich widder anner' Leut,  
 die denke: Reen! jez schlof ich erscht, —  
 Wann d', Gockl, nor gebrote wärscht!

Unn sinn se atwer endlich haus,  
 weesß Reens vor Langweil recht wonaus:  
 ball Deß, ball Sell, deß is e Qual,  
 's fehlt nergends als wie üweral.

Neeñ, neeñ, do halt e'n Annrer mit!  
Die Narme sinn die Närmfchde nit:  
die schaffe schunn zeit zwee drei Schdund  
unn sinn v'rgnügt d'rbei unn gsund.

M'r därf nar naus in's Freie gehñ. —  
Die Böchel schlage gar zu schön;  
sie singe halt for Schbeis unn Trant  
glei unserm Herrgott ihren Dank.

Wann 's Unseereens aa nit v'rschdeht,  
bei demm gilt's for e Dankgebet.  
Do hot keeñ Dhierle mehr jets Ruh  
unn macht sein Musik aa d'zu;

eß denkt: 's dhut Jeder wasß 'r kann,  
Gott is jo so en guder Mann! —  
Do schafft sich 's noch e Mol so leicht,  
's werd Manchem zwar sein Hemm alls feucht;

wann 's awter aa an's Frühschbüd geht,  
braucht Nimand Willbert unn Vasscheet.  
So eenfach 's is, 's schmeckt Jedem doch:  
d'r Hunger is d'r beschde Koch!

So morgens geht e gsundi Lust;  
was schdärkt eem narr der Blüthedust!  
Die Biene schwärme um den Baam,  
m'r meent jo grad sie wäre zahm,

so surrt's um purrt's in alle Rischt. —  
 Guß, wie sich unser Morle wäscht!  
 heut regn'ts noch. — Do hamn'r 's jo:  
 drum kräht aach unser Hahn e so.

Sich, wie se uf die Schwalwe schbannt!  
 Ja liewi Albie, vord'rhand  
 guck du alls nor uf deß, waß kriecht:  
 — fang Mäus — um loß in Ruh, waß fliegt.

Der Schdorf hot keen so Plän im Kopp,  
 der fangt die Frösch wech im Kalopp.  
 Die denke: Mir sinn grüen wie Gras;  
 vor seiner eeselange Nas

sicht der uns uf d'r Wiß doch nit, —  
 um uze-n em alls gar noch mit.  
 Die, wo deß dhune, fricht 'r all:  
 Hochmuth kummt immer vor em Fall! —

„Do is 'r, Batter!“ — Sey doch schdill  
 um hör 'mol, waß die Mutter will!  
 Hörscht! „Ob d'r Fritz sein Sach schumm kana?“ —  
 Noñ ja! Ei wibel Uhr is 's dann? —

Boß Höllewetter! 's isch schumm schbäd!  
 Gelt wann m'r dir nicks sage dhät,  
 gingscht nit in d' Schul? du böses Kind!  
 Kumm, kumm! ich üwerhör dich gschwind.

Wie oft hatw ich d'r nit schung gsacht:  
 „Glei morgens an dein Sach gemacht!“  
 „do geht's wie gschmiert;“ dann: „Morgeschdund“ —  
 wie 's Schprüchwort sächt — „hot Gold im Mund!“

---

## D'r Fröhjorsmiddag.

---

Komm Herzele! geh aus d'r Sunn;  
 du frickscht jo Koppweh sunscht d'r vunn.  
 Komm, komm; heut is es so so heeß.  
 Noß, in Gotts Name! Wamm'r weeß:

's kann ohne Sunn nit warem seyn,  
 do nimmt m'r geern die Hitz noch drein;  
 vorab wann's doch nit annerscht geht.  
 Wann nor der Herr so denke dhät,

sickscht? mit demm grose Schtroohut dort.  
 Der knottert jo aach ewig fort  
 unn macht sich mit seim Deckel Wind.  
 Des is was, wo m'r häufig find't,

Windmache könne se schier all,  
 der gar fricht mit d'r Sunn Kravall:  
 die gingt noch nooch em alde Schdil  
 emol zu wenig, 'mol zu vil.

's dhät's aa die Hälft vunn dere Gluth,  
unn 's Annre kämt eem winters gut.  
Deß gäbt noch so e Hix, am End,  
daß Niemand meh'n do rausgeh'n könnt,

so — sächt 'r, — nimmt die Sunn eem mit.  
Unn deß wär Gottes Wille nit,  
dann 's dhät nicks in d'r Bivvel schdeh'n  
vum Schwiße beim Schbakiregeh'n!

Mein — sächt die Sunn — loß mich in Ruh!  
du alder Weltverbesser, du.  
's ganz For een Wetter — ei bewahr!  
deß wär nit halwer unn nit gar.

Do giengt's am End — Gott sey d'rvoor! —  
als wie im siemwegehder For.  
Sickscht do die Mäer? hoscht noch ghört,  
daß sich vunn denne eener bschwert?

's is wohr, sie hot ganz Recht die Sunn;  
deß wisse halt die Mäer schunn,  
daß 's warem sehn muß — deß wär schön —  
der Dollbatsch soll in 'n Schatte geh'n.

Betracht een Mensch nor 'mol die Frucht,  
ob die nit ihres Gleiche sucht!  
Die schöne Ähre, wo die hot.  
Unn die Kardoffle do, weß's Gott!

so schön, ich wolst, sie wäre mein,  
 daß müße Frühkardoffel seyn.  
 Unn aa die Trautwe blühe ball;  
 wann 's awwer kalt wär, do wär 's all.

Gud Piewes; sickscht die Mäer do  
 im Schatte liche? die seyn froh,  
 unn kenneer klagt mehr iwwer Hüg. —  
 D'r Michel bukt sein Peisefschbig

unn schdobbt sein' Ulmer unn denkt: Halt!  
 bis schbäder; sunscht werd's Eße kalt. —  
 Ach was e Hutschele! wie schön  
 dhut's newer seiner Mutter gehn.

's is narr en unvernünstiks Dhier  
 unn folgt doch besser, wie du mir.  
 Weescht, wer hent morgent nit hot ghört,  
 wie ich 'm habb so oft gewehrt,

unn hot daß Mädele so gschdumpt?  
 waart, wann d'r Schornschdeseger kummt,  
 heut middag nimmt 'r dich 'mol mit;  
 sunscht sollscht du sein Lebtag eem nit.

Gell, jey willst brav seyn? — Noñ, geh her!  
 unn dhu m'r 's awwer jo nimmehr.  
 Wer werd d'nn greine! Waß e Schand!  
 Do jag die Hinkle aus 'm Sand.

Sag: Gehst 'r aus meim Gärdel fort! —  
 unn fickschde jetz die Schdorker dort,  
 wie hoch die fliege im 'me Krees  
 unn gucke'n ob nicks fehlt? Wer weesz!

Die bringe jo de Kinner oft  
 e Bobbele ganz unv'rhofft,  
 unn, wann se brav unn orntlich siinn,  
 aach noch e Dutt mit Gutsel drinn! —

Sickscht dort! des werd d'r Vatter seyn.  
 Gebb Acht; fall nit in 'n Kandel neinn.  
 Dhu langsam unn sag hübsch: „Gunn Dach!“ —  
 So, Fränz, richt an jetz, allgemach. —

## D'r Frühljorsowend.

So! mach emol die Lade uf,  
 sunscht geht m'r jo vor Hiß noch druf.  
 Unn gies hernoht die Gäß aa; hörscht?  
 daß 's kenn so Schdaab gibt wann de kerscht.

Deß bräucht m'r aa noch; gell lieb Kind?  
 Gott Lob! 's gibt scheint's e bissel Wind,  
 dann 's Laab bewegt sich, wie ich seh.  
 Wie gut deß Hai riecht, — grad wie Thee!

Gotts neen! deß Lindeblüth riecht so;  
 's is gar e gsunder Trank deß do.  
 D'r Kaffee awwer — Gott sey Dank! —  
 deß is doch noch e gsündrer Trank.

Kaffee mein Lewe! — bring enn rein!  
 ich rief's Fränz, er muß ferdig seyn.  
 Wann 's 'mol im Himmel kenne hot —  
 do mag ich nit nein; bhütt mich Gott! —

Die Eva hätt die Welt gerett't,  
 wann 's selwigsamol schunn gewwe hätt,  
 unn hätt den Appel nit gschdwißt —  
 unn hinnenooch vor Augscht so gschwißt,



wie schäuder Gott gerufe hot:  
 „wu schdeckt 'r dann, ihr Sabberlott?“  
 Die hätt die Schlang gejagt unn gsacht:  
 „Fort Laschder! Kaffee werd gemacht!

„Mein Adam der trinkt Appelwein,  
 „der werd 'm nit d'rbotte seyn?!  
 „Eun Appel anwer — nit for Geld! . . .  
 Do schdünds jek annerscht mit d'r Welt. —

Ei Fränz, ei Fränz! Was denksch de dann?  
 Mach doch nor fort; sunscht kummt mein Mann,  
 eb d' fertig bischt. Du Schneegans du!  
 Schberrt alls eß Maul uf unn horcht zu.

Do schaff! geww Acht, ich mach d'r Füß;  
 m'r sinn nimmehr im Paredies!  
 For 's Nicksdhuu halt ich mir feñu Maad. —  
 Wann d' noht gekehrt hoscht, butsch Salat,

unn wann d' 'n schön gewäsche hoscht,  
 daß d' m'r 'n do nit im Rümwel loscht;  
 sunscht werd 'r hart. Schbell Wasser bei  
 unn mach zwee Njer odder drei

for Jeds vunn uns, unn Millichsupp  
 for's Kind, vunn demm sein Ruchelupp.  
 Er werd zu trucke sunscht. Was schad't 's,  
 wann er 'n nit all iszt, frichts die Rag. —

Komm Kind! m'r gehn e Bissel naus;  
's is jek gegosse vor em Haus.  
Komm, ob m'r nicks vum Vatter sicht,  
's werd ennder doch nit angericht't.

Gell wie schön kül is 's uf d'r Gass!  
Do ge 'mol her, ich zeig d'r wasß.  
Sickscht do die Wölkelin so schön,  
wie Hämmelcher, am Himmel gehn?

Sickscht wie se laafe; gell wie hoch?  
's Neschtquäckel troddelt himmenooch,  
's hot schunn nimmehr de rechde Schritt.  
Geww Achtung, Kleens, v'rlier dich nit!

Do guck emol die Schwälbcher do,  
die sinn so puscher unn so froh.  
Sie rollse noch e Bissel. Mein!  
Wer soll dann do nit luschdig seyn

an so 'me schöne Frühlingsdag!  
's schön Wetter freet so Dhierlin aach.  
Die Schbaze kreische immer frisch  
ihr „Zwillich“, „Zwillich“ im Gebüsch.

Die Hämmelin sinn awwer all,  
so vil m'r sicht, jek schunnt im Schdall.  
Die Sunn denkt aa: sie sinn d'rheem,  
unn duckt sich hinner sellie Bääm;

dann nooch unu nooch geht Alles jo;  
ich denk, mir mache 's aach e so. —  
Ja, grammel norr unu mach e Gsicht!  
Wann dich d'r Nachtrabb awwer fricht,

nobt höscht's. — D'r Batter bleibt zu lang. —  
Hörscht do die Schwälwelin, im Gang,  
noch püschbere im Nescht drinn; hörscht?  
Wann du norr aa schunn soweit wärscht! —

Sickscht do dië Bibie jek im Hof?  
die hamwe'n aach allmählich Schlof. —  
Ba Leib! — nit schlage! — Do geh her! —  
Sunnjcht legt d'r 's jo kei'n Gackai mehr. —

Fränz, bring em Kind sei'n Supp jek mit!  
der Brote ruht m'r doch sunscht nit.  
's Wäschwaßer bring m'r aa glei rei'n. —  
So! jek werd's ballvoll gschehe seyn.

Ich sag's jo! glei wie ich en habb,  
so schloft 'r aa. — Deck's Bettche ab. —  
Plumpsack do licht 'r! — Bhüt dich Gott! —  
Wasß der for e Paar Backe hot!

## Die Fröhjorsnacht.

---

He Jakob! nemm mich aa noch mit.  
 So arg presirt des Ding doch nit.  
 Du raakscht jo aa dein Peif noch aus? —  
 Noß ja, do geh ich mit do naus.

Des frische Lüstel dhut eem gut.  
 M'r hätt sich's nit am Dag v'rmutht,  
 wo's heut so schmodig war. Nit wor?  
 Drum kummt's eem aa so küll jeh vor.

So Alder; guck do simm'r jeh.  
 Ich hätt noch geern e Bißel gschwäzt,  
 weil's so e schönie Nacht is heut.  
 Wann d'awwer uffschdehñ muscht bei Zeit,

do leggsch' dich rechder glei uf's Ohr. —  
 Gutt Nacht, schlof wol! — dann 's Gschäft geht vor. —  
 Jekh geh'n ich noch do hinne rum,  
 wann ich aa schbät in's Bett heut kumm;

des Schlose des is keñn Profit:  
 was m'r v'rshloft erlebt m'r nit.  
 Die Schdern sinn jo all aa noch wach;  
 des Gschäft schlächt freilich in ihr Fach.

Gott's Wetter! was gib't's anwer dort?  
's schleicht eener nooch em annre fort.  
Die denke, scheint's: for heut is 's aus,  
dann jek kummt jo d'r Mond ball raus.

Uun die Laderne brenne'n aach! —  
Do wär's jo heller, wie beim Dag!! —  
Neen, neen! Do loßt uns nor mit Fried,  
dann deß gingt iwwer's Bonelied; —

uun mache richdig sich d'r vunn.  
Guck 's is aa wor, do kummt 'r schunn!  
uun batſch! empfelt sich een Lader  
alls nooch d'r annre, wie die Schdern.

Jek wehr dich Mond, jek ſichſcht, wie 's geht,  
wann Mondſchein im Kalenner ſchdeht. —  
Schdill, ſchdill! Wer kummt do? — So, ſinn Sie's?  
Noû! aach ſo ſchbät noch uf de Fües?

Was dauſend! Sie ſinn aa d'rbei?  
Deß gunn ich Jhne, meiner Treu!  
Nachtwächter? Ei deß ſag ich aach!  
Jhr ſchafft keen Schtreech de ganze Dag,

v'rſtirt e Lewe wie bei Hof,  
uun 's Geld v'rdient 'r aa im Schloſ;  
uun bei d'r Nacht ſchbargire gehû, —  
bei dere' Arweit kamm'r bſchdehû.

Was geht e frische gesunde Luft,  
m'r meent 's wär lauder Blütheduft.  
Die Nachtigalle schlage aach  
Nachts noch vil schöner, wie am Dag . . .

So? 's is nit alle Dag wie hent?  
Deß glaunw ich; ihr wärt gar zu gscheit.  
Is 's euch nit Angst, daß 's regne dhät,  
weil do der Hahn e Bichel fräht?

Ich sag's jo. — Seyn Se do nar schdill;  
der schickt eem doch nor in 'n April!  
Dann freische nit die Frösch jo aach  
in eem Schdück fort schunn zeit zwee Dag?

Do gibt's kenn Rege, 's werd nicks draus;  
die mache's schunn minnanner aus.  
Der Bäckerraach? — deß seh ich wol,  
der errt sich awwer aa manchmol.

Hör narr 'mol Gens die Schdorfe hent!  
die klapp're jo als wie nit gscheit.  
Die Schnoke geige, 's is e Freed;  
m'r kann druf danze, wer's v'rschdeht.

Unn reguts ganz, do habt 'r doch  
zum Zeitv'rtreib alls Gschbenster noch!  
Nachteule, Schbeckmäus, 's wilde Heer;  
d'r Kuckuk weesß, was alls noch mehr.

Ich hätt gut redde — meene Sie?  
 Noûn, narr Geduld, bis morge früh,  
 do lös ich Ihne ab bei Zeit —  
 verschdanne? — wann's mein Aldie leid't.

Ja, waarte Se e Bißel do,  
 ich frog se glei; do won ich jo. —  
 Wart Fränz! Ich hab m'r 's doch gedenkt:  
 hot die de Lade nit einghenkt.

Jetz werd m'r 's aûfangs doch zu bunt;  
 dann wann die nooch d'r Feierschdund  
 bei ihrem Herr Drachhoner schdeht,  
 v'rgißt se 's ewe früh unn schbät.

's licht schunn, scheint's, in d'r Art so drinn,  
 dann: „Lange Röck unn forzer Sinn“  
 hot als mein Vatter seelig gsacht.  
 Er hot ganz Recht ghatt. — Noû, gutt Nacht!

## D'r Summer.

---

### I.

Die Sunn schdeht jetz in voller Kraft.  
's is nöthig aa, dann jetz heest's nu: g'schafft,  
vunn morgens früh bis owends schbät.  
Weeß Gott! sie dhut eem orntlich leed.

Sie hot doch aach e rechdie Plog:  
geht Mensch unn Vieh em Schatte nooch,  
do därf, 's ganz Jor, die Sunn eleeñ  
aach nit en'n Schritt im Schatte gehñ!

Sie hot 'n harte Dinscht, 's is wor,  
sie licht nit lang mehr uf em Dr,  
unn wie se sich aach dummle mag,  
's wär nöthig schier, sie kämt vor Dag.

Is nit, eb norr d'r Dag recht graut,  
waß grünt unn blüt, schunt ünwer-dhaut?  
Unn bis du aus de Fedd're bischt,  
is Alles sauwer abgewischt,

unn nit v'rdorwe, wie im Herbst  
du alls die Quetsche glei v'rfärbst,  
wann d' fülst unn denst sie sinn ball gut.  
Sichst, wie die Sunn so sachte dhut?



unn nit nooch Kellermädelsart,  
husch! mit em Pumpe driiwerfahrt!  
Ja fell mich! deß geht nit e so;  
menscht? 's is e scharfie Uffsicht do.

D'r Sunn ihr Duch is zart unn feiß;  
's werd wol vunn Sunneschtrale seyn. —  
's is freilich wor, sie hot im Schilf,  
uf Gras unn Kräuter manchie Hils.

Wie manches Dhierle fliegt nit rum,  
vunn Halm zu Halm, vunn Blumm zu Blumm,  
unn trinkt feiß Schälche Morgedhau  
unn wäscht sich mit, unn 's dhut 'm glau.

Unn weefß aa 's Dhierle nicks d'r vunn,  
do hilft's halt doch d'r lieve Sunn;  
drum denkt se: Ihr fricht aa waß bscheert,  
dann een Ehr is die anner werth,

unn schtärkt e jeds mit gsunder Lust,  
mit Sunneschein unn Blütheduft;  
unn bis mar ee ñ Sach recht betracht't,  
sinn dausend annre schunn gemacht.

Sie haucht ihr Licht nar driiwer hin,  
unn alle Planze werre griin;  
unn denkt m'r, deß war ball gedhañ,  
do schtreicht se schunn die Blumme-n an,

Unn macht nit Alles uf d'r Schdell  
vull Schpriger, wie en Dünchersgjell.  
Sie färbt se, durch die Bank, wees Gott!  
mit alle Farwe, wo m'r hot,

die Rose unn Vergifneinnicht,  
unn alle Blumme, wo m'r sicht.  
Wer meent, die Sunn hätt's nit gedhañ,  
der guck e Planz im Keller an! —

Neeñ, neeñ, die Hix! noñ 's is nar gut,  
daß m'r jetz widder bade dhut;  
sunst wär d'r Summer jo e Plog. —  
Wer geht d'un dort d'r Sunn so nooch?

Demm dhut se wol; der isch, scheint's, krank.  
So, Alder! setz dich uf die Bank  
unn wärm dich an d'r liebe Sunn.  
Wann 's geht, die hilft d'r geern d'rvunn.

Da Frigel! brings demm aarme Mann,  
der wo jetz nicks mehr schaffe kann;  
's is — lietwer Gott — en Invelidd:  
er war in Schleswig-Holstein mit. —

Wie geht's mim Aarem? noch so schlecht? —  
So, macht sich's widder? des is recht. —  
Noñ, bhüt Euch Gott! — Fritz, kumm, 's is Zeit;  
du weescht, m'r esse Welschbeis heut! —

II.

Schad', daß mein Fritz kenn Schbiel-dag hot,  
der wär geern mit m'r heut; weß's Gott!  
Ja, 's Wetter is aa gar zu schön;  
ei, 's juckt eem orntlich in de Been.

Deß küle Lüftel dhut eem wol;  
's isch schöner wie am letschdemol. —  
So, Wolke! macht euch narr d'r vunn:  
Platz for en'n Mann! do kummt die Sunn!

Sich! wie se mit de Äppel lacht  
unn wie se 'n' rothe Backe macht;  
ich glaab, daß sich e Manchie schminkt,  
die wo 's nit halb so ferdig bringt.

So Backe sinn nit roth wie Krapp  
unn färwe, wamm'r schwigt, nit ab. —  
Ja, ja; 's sieht Alles prächtig aus;  
m'r sinn en'n Monat schunn voraus.

Deß For hot sich die Sunn geregt.  
Sie hot schunnt all die Frucht gebleecht;  
sie hot ihr Schuldigkeit gedha'n;  
's sinn schöne, volle Äre dra'n.

M'r merkt's 'r an: se scheint recht müd;  
drum peist jed's Böchelche sein Lied  
unn denkt: Ich mach se widder froh,  
die Sunn, die gut, ernährt uns jo.

Unn, wie die Lerch nuf zu er schdeigt,  
do werd's der Sunn uf eemol leicht;  
die sächt 'r heemlich waß in's Dr,  
unn glei geht's widder, wie zuvor.

Sie schmunzelt mit d'r Lerch, ich wett,  
die hot 'r recht in's Herz geredd't. —  
So dankbar sinn die Mensche nit;  
die nemme ungfrogt Alles mit.

Die Sunn schafft denne in d'r Fron,  
unn doch is Undank noch ihr Lon.  
Sie hot jez nor noch wenig Zeit  
unn soll aa bleecher noch for heut.

Die Wäschfraa dort, die schäumt unn bässt:  
als Gott'sprich: Deß is dein Gschäft!  
Sie giese alls drufflos, wie blind;  
da! sächt die Maad, jez trüekels gschwind!

Ja, schpricht die Sunn, deß sag ich aa,  
meensch, 's gingt wie bei d'r Äppelfraa?  
M'r nimmt's nor, wie m'r 's grad geern hätt!  
wann's Zeit is, will ich aach in's Bett.

Do laaft die Maad noht rum, unn knorrt  
vor Uügeduld, unn wär geern fort.

Unn wann dann gar ihr Dammboor kummt,  
werd Alles feucht in 'n Korb neifigfchdumpt,

unn glei, bis in die finkend Nacht,  
e Schdänderle mit demm gemacht.  
Werd ümwer so e Wäsch noht gschännt,  
fricht die Madamm waß ufgebrennt.

Wer fricht die Schuld? ich weeff eß schunn:  
kein Mensch, als wie die aarem Sunn! —  
— Jez bißcht erlöst! Noñ schloß recht wol,  
du liewie Sunn. — Do guck emol!

Waß werd's uf eenmol doch so trüb!  
Ei! 's tröpfelt schunn. Des is m'r lieb;  
do fricht doch unser Herrgott Ruh:  
sie muthe's 'm jo lang schunn zu.

Die Baure sage: In d'r Ärnd  
hot 'r sunscht 's Regne nie v'rlernt.  
Der awwer hot gedenkt: Waart't 's ab! —  
Ich weeff wann ich zu regne habb!

## 's Schbätjor.

### I.

Wo bleibt die Sunn dann widder heut?  
Ich meen emol, 's wär hochie Zeit;  
sie is doch sunscht früh bei d'r Hand.  
Am End is die heut gar im Schdand

unn fahrt im Dummel, grad unn frumm,  
alls mit d'r Schdang im Newwel rum!  
Bei dere Forszeit geht's 'r schlecht,  
do find't se alls de Weg nit recht. —

Do kummt se jo, der aarme Tropp  
unn hot en'n rizerothe Kopp.  
Sie is in eener Hitz unn Wuth  
unn blost unn schafft unn macht unn dhut,

mit Händ unn Füß; 's sicht gfärlisch aus:  
sie kummt nit aus 'm Newwel raus.  
Wann heut d'r Wind nit helse dhät,  
sie kämt e ganzie Schdund zu schbät.

Der jagt de Newwel vor sich her;  
do fällt's 'r nochher nimmer schwer.  
W'r sicht 'r vunn demun Schtreit nicks an,  
unn wer 's nit weef, der denkt nit dran.

Schdünd Baam unn Acker nit so leer,  
do wüßt m'r nit, daß 's Schbätjor wär:  
dann 's Wetter — ich muß 's offe gschdeh'n —  
is oft im Summer nit so schön.

's glaabt's Mancher nit wann id's v'rzäl;  
dann 's Raab is ümweräl schung geel,  
die wilde Reme feuerroth,  
unn mit 'm Wein hot's aa feññ Noth.

En guder wosf'ler Wein wär recht,  
narr daß 'mol widder 's Bier abschlächt.  
Do hot die Sunn jeh vil zu dhu'n,  
unn doch nicks wie die Ehr d'rvu'n.

Do guck narr, wie se widder eilt  
unn nergends e Minutt v'rweilt!  
Die Däg die nemme halt so ab,  
drum laast se jeh im helle Trapp

unn redd't feññ Wort unn guckt nit um; —  
's kämt manchie Schbadtfrabas nit rum.  
Sie hot e hardes Gschäft mim Wein,  
bei Allem muß se selwer seyn.

Vil hunnert Meile, do unn dort,  
am selwe Dag — deß is e Wort!  
unn ganz alleeñs — feññ Maad, feññ Knecht —  
nicks hilst 'r, unn — 's werd Alles recht!

Sie färbt e jedie Art — ich glaab,  
 sie kennt se durch die Bank am Laab —  
 unn scheut kei'n Arweit unn kei'n Müß.  
 Sie kocht vunn aller Herrgottsfrüh

de ganze Dag narr an demm Wein,  
 unn dhut Gewerz unn Zucker nei'n.  
 Do guck — die Trautwe! Awwer gell,  
 die sinn schunn wie Kryschtall so hell!

In verrzeh Däg, do glaaw ich alls,  
 sie herbschde drüwwe'n in d'r Palz. —  
 So Fränz, jez wäre m'r so weit!  
 Mach, 's is ball Middageßzeit.

Trag norr denn Korb Gemüs do heem!  
 „Die Äppel?“ — Wasß dann? ganz bequem,  
 mit zsammit de Quetsche — schwäg doch nit —  
 nimm ich im Rückweg selwer mit.

Unn Trautwe bring ich aa noht nei'n.  
 Sag meiner Fraa, ich gingt an 'n Rhei'n,  
 mim Fritz, e Bissel noch vorher,  
 bis daß es Esse ferdig wär. —



II.

U! wie sicht unser Badplatz aus!  
 's is gar nit lang, war ich noch haus;  
 d'r Herbscht, der hot uns awwer gschwind  
 v'rtrinne mit seim kalte Wind.

Die Sum, die hot's 'm nit gedankt  
 unn orntlich mit 'm rumgezankt.  
 „Ei! Better! — sächt se — sey er gscheit;  
 „was hinnere dann ihn die Leut!

„Er schickt in seiner Wolk do drinn,  
 „do kummt ihm 's Bade nit in 'n Sinn. —  
 „Mein, halt 'r 's Maul — 's is jo nit wor —  
 „so macht 'r m'r 's jo alle For.

„Er is en rechder wüschder Ding!  
 „Vertreibt m'r all mein Schmetterling,  
 „schier alle Vöchel jagt er fort;  
 „enn Growwjan is er, mit eem Wort!

„Er haust druf nein, wie blind unn daub;  
 „vunn alle Bääm do reißt 'r 's Laab — —  
 „'s is jo nit wor! — Losß 'r m'r Ruh —  
 „do hot 'r gar nit 's Recht d'rzu!

„Mach er d'r heem e sauer Gesicht,  
 „wann ihn sein Atzelaag alls schickt. —  
 „Ach, mach er m'r keenn Raach in d' Schdubb;  
 „schunscht geww 'r Acht, wie ich ihn dupp!

„Er ünverschämter alter Mann —  
 „weil Er 's nit mehr vertrage kann,  
 „do solle 's Annre aach nit dhun;  
 „deß is d'r ganze Witz d'rvun.

„Er weesß es jek, jek sen 'r schdill!  
 „geht's ihn an, wann Gens bade will?  
 „Ich bad noch alle Dag im Meer;  
 „mir hawwe halt mehr Sitz wie Er.

„Gutt' Nacht, Herr Herbst! ich geh in's Bett.  
 „Geh Er jek aach; Er hot sein Fett! —  
 „Wann nor der ünwurzwerche Mann  
 „Die Lent recht kujenire kann!“ —

Noß — denkt se — denn hoscht orntlich gschännt;  
 du hoscht e gudes Blanderment.  
 Bei dir heest's aa scheint's: Wie du mir,  
 mein lieber Better, so ich dir!

Was hoscht jek awwer ganz d'rvun?  
 Du bischt unn bleibst jo doch die Sunn.  
 's Gscheitscht is: m'r macht sich gar nicks draus,  
 demm Herr sein Zeit is doch ball aus.

Dann wann m'r recht am Nene'n is  
 bei Käschde'n odder gschälde Müß,  
 unn meent, m'r hätt 'n jek in Ruh,  
 do geht's schunnt uf de Winter zu.

's dhut Noth aa for die Sunn, weß's Gott!  
daß die e Bißel Ferie hot. —

D'r Wechsel macht die Welt grad schön,  
's schwägt Mancher unn dhut nicks v'rschdehñ;

ich kenn hier selwer so en'n Mann,  
wo Alles besser weeß unn kann,  
unn doch nicks hinbräacht, — gilsts die Wett? —  
wann er e Welt zu mache hätt!

## D'r Winter.

D'r Winter is e schönie Zeit;  
gar wann d'r erschde Schnee 'mol leit,  
dann is de Buwe so ihr Freed:  
Schneeballe mache wo's narr geht;  
Jo nooch d'r Kält, do kräht keiñ Han,  
's laaft Alles uf die Glittschuhban,  
unn fart do Glittschuh oder glemnt  
unn holt sich kalde Füß unn Händ. —  
Sich Fritz! so was macht frisches Blut;  
Was schmeckt 'n Appel do so gut  
unn Brod d'rzu; du Pienz! des merk:  
's is gsünder wie dein Zuckerwerk.

D'r Winter is e schöne Zeit  
 — wie glagt — aach for die grose Leut,  
 unn wann er norr am Schnee nit schbart,  
 gibß manchie schöne Schlidesfahrt.  
 Unn daß die Sunn schbät ufgehü dhut,  
 is widder for die Schdadtteut gut:  
 im Summer sehe die 's jo nie,  
 do is eß denne vil zu früh.  
 Je schbäter als se kummt, die Sunn,  
 je ehnder macht sie sich d'rummy;  
 unn waß m'r an de Däg v'rliert  
 werd an de Dwend profedirt.

De Kardeschbieler is deß recht,  
 do werd druf los gschbielt unn gezechet,  
 unn wann's am End alls heemgehü soll,  
 do sinn se 'ostmols frodddevoll.  
 Unn waart't die Fraa mit Ungeduld,  
 do kricht d'r Winter noch die Schuld.  
 „Ja“ sächt so Gener, „lieves Kind!  
 „heim Glatteis do geht's nit so gschwind;  
 „noch glaaw ich, daß eß Alles braucht,  
 „daß ich m'r nit hab 's Been v'r'schdaucht,  
 „wie ich am Eck näkschd gfallt wär;  
 „'s is gar zu glatt am Haus do her.“  
 „Schämscht dich dann gar nit vor de Leut?“  
 — sächt Sie — „Ja, guck narr, gfallscht m'r heut!“  
 „Nor heut?“ sächt Er, „ei ei, is 's wahr?“  
 „unn du, du gfallscht mir doch 's ganz For!“

„Sey froh“ — lächt Sie — „du Sabbermoscht,  
„daß d' heut keißen Veeß gebroche hoscht!“ —  
Noißen — do lacht Er, unn Sie — lacht mit;  
so waß gíngt all im Summer nit.

Wann ich die Sach so iimwerleg,  
haßt grad die Kält for forze Däg:  
wär so en Winterdag recht lang,  
wär's Manchem vorr em Schaffe bang.  
Deß weeß jo jeder Lustiggus,  
daß 's grad im Winter kalt seißen muß.  
D'r allerdeutlichschde Beweis  
is der: 's gäbt schunscht jo gar keißen Eis!  
Unn gäbt's keißen Eis, hätt Keens getraut:  
Eiskeller hätt keißen Mensch gebaut,  
unn Summers — ich sag nit zu vil —  
wär's Lagerbier nit halb so kül!

W'r weeß aach, wie's mim Wetter schdeht  
im Winter. Hier is en Prophet,  
wann's kalt is, fült der's an d'r Nas  
unn braucht noch gar keißen Wetterglas!  
Unn wann die Sunn, mit knapper Noth,  
am Achte morgens feuerroth,  
grosmächtig am Gebirg usgeht  
unn so im Dannewald drinn schdeht:  
deß is e Pracht; do flíegt d'r Duft  
unn's flímmert in d'r ganze Luft!

Unn durch die Schdämm durch glüt die Sunn,  
 die Wolke sinn v'rgold't d'rvunn,  
 die Lage dhun eem orntlich weh,  
 so blinkt unn glitzert do d'r Schnee.  
 Noñ heut is 's aa gehörig kalt:  
 D'r Schnee, der graunzt jo mit Gewalt.  
 Gott Lob! daß der die Früchte deckt,  
 bis daß se 's Frühjor widder weckt!  
 Ja ja, der Schnee is gar zu gut  
 for Alles, waß im Boddem ruht,  
 for Kässer, Puppe'n, unn so Zeug, —  
 unn aa 's Geplänz v'rfriert schunscht gleich.

De Hase gfallt 'r freilich nit  
 dann denne schbielt 'r ümwel mit:  
 e Glück, daß Mancher uf d'r Facht  
 de Hase nicks wie Aengschde macht! —  
 Guck, guck! do laaft 'n Has ganz frei.  
 demm Jäger an d'r Nas v'rbei!  
 Er kummt noch immer näher her —  
 gell, Jäger! wann 's so kalt nit wär,  
 daß m'r de Hane schbanne könnt,  
 do häscht 'm schunt eens hingebrennt?  
 Ja freilich! — Jetz is 's vil zu schbät:  
 do guck narr, wie der pleede geht! . . .  
 For desmol hoscht 'n nit v'rwischt.  
 Meensch, wann d'n selwer fange müsch?  
 Noñ bleib narr do, dein Hund laaft nooch,  
 ob der 'n fricht is aa die Frog. —

Die Kält war heut demm Has sein Glück,  
dann do kummt schuun d'r Hund zurück,  
unn — hot 'n nit. Ich habb's jo gsacht,  
daß der dem Dhier nor Ängschde macht!

## 's Chrishtkinnel.

Hör uff mit deinem Gegeig! — Ja jo!  
's gibt doch sunscht noch e Scheib.  
Butz Gens 'mol 's Fenschder ab jetz do;  
unn Joseph, ruh! Da Leib!  
du Unart! Wann 's Chrishtkinnel hört,  
daß d' böß warscht, do frickscht gar nicks bischeert.

Gelt? jetz bischt du uf eenimol brav  
unn frohscht, wann's kumme dhut,  
unn meenscht, wann ich 'naus zu em laaf  
unn rus 'm, noht wär's gut. —  
Was säckscht? „Wann's nor ball kumme dhät!“  
Warum? Hoscht Bang, daß sich's verschbät't? —

Ja nohñ, 's muß aa zu anner Vent.  
— Gell? do bischt schdill d'rvuñ —  
unn 's hot doch jetz nommit d'r Zeit. — —  
So? „Was hot's dann zu dhun?“  
Guck nar an 'n Himmel! sickscht, wie roth?  
Lebbkuuche backt's unn Zuckerbrod.

Dann wann's 'mol gege Chriſchtstag geht,  
weeſcht, wie die Sunn do ſchpringd?  
die hilſt 'm — wann ſe deß nit dhät,  
ich wüßt nit, wie 's 'm gungt; —  
drum geht ſe däglich früher fort  
unn all ihr Hitz verbackt ſe dort.

Sie hilſt 'm backe druff unn druff,  
unn backt Neujorsweck aach  
for's Neujorsmännel; noht hört's uff:  
dann am Dreikönigstag  
do ſcheint ſe länger ſchunn, gewiß,  
unn wärmer — wann's nit kälter is.

Wann's fertig is, mit vieler Müß  
mim Backe'n, unn 's is kalt,  
daß Schdeen unn Breen gfriert, ſelts doch nie  
unn kummt durch Feld unn Wald,  
vum Himmel nachts, — unn hot ſo ſchwer,  
unn 's Geſele laaft newe her.

's Schutzengele vunn jedem Kind,  
deß fliegt voraus als Bott,  
unn ſächt 'm allemol noch gſchwind,  
wie's jed's getroffe hot:  
wer böß is, der kriecht nar e Ruth,  
mit gold'ne Nüß: Du weeſcht wie's dhut . . . —



„Wie's reinkummt?“ ja, deß sieht m'r nit;  
's is halt uf eemol do,  
unn bringt eem schöne Sache mit:  
grün, goldig, roth unn bloo.  
Guck jo nit zu dein Bettche raus!  
schunscht blost d'r 's glei die Lage'n aus.

Wann d' also brav bischt wie sich's g'hört,  
do kummt's ganz sachte, wupp!  
mim Eselche do h'rein, unn leert  
sein'n Sack aus in die Schdubb;  
unn bringt en'n Baam, mit Lichter draß,  
unn schdeckt se all uf eemol an. —

Hoscht was zu bschdelle noch? do dhu's;  
nor schreib dein Brief jetz ball;  
's is Zeit. Em Julius schreib en'n Grus  
in 'n Himmel vunn uns all.  
„„Christkinnel,““ schreib, „„ich bitt dich sein:  
„„darf 's Brüderle mein Engel sein?““ — —

„Geh, Mutter! greiß doch nit e so. —  
„Komm! seh mich nar 'mol an:  
„„Was Gott dhut,““ sacht d'r Batter jo,  
„weescht? „„deß is wol gedhañ.““ —  
„Ei! 's Brüderle hot's doch so gut,  
„wo's jetz, beim lieve Herrgott ruht!“ —

Ja! merkt nor, was d'r Vatter sächt,  
unn denkt an's Jesuskind,  
unn merkt 'm änlich, des is recht,  
do fehlt d'r 's nit so gschwind:  
dann, wo d' nocht bischt, bei Dag unn Nacht,  
's Schutzengle gibt uf dich Acht.

---

## Dr Neujorsmorge.

---

Ach, gutt Morge! wie geht's? — Gut, säckscht de?  
do sag ich: Prost Neujor! —  
Jo! ich bin aa noch zufriede; do losse m'r's, denkt ich,  
beim Alde.  
Awwer, des heescht, nit e so wie du v'rleicht annimmscht:  
m'r fahre  
fort, wo m'r vorremjor schdehst sinn gebliwene unn  
gehne'n in's Werthshaus!  
So is des Ding nig gemeent, weescht? geschtert war ewe  
Sylveschter.  
Wamm'r do aach e Mol ganz, e Bißel als, üwver die  
Schmir haut,  
— eenimol is keenimol, verschdehst? — keen Regel is  
jo one Ausnahm'. —

Wo ich noch hinwill? Donaus; 's is lang Zeit  
noch in d' Elfuhrneß.  
Mach m'r kenn Krom doher, mein! m'r gehne jetz noch  
um die Schdadt rum;  
's Wetter is heut e so schön, umm d'r Dheewald kann  
aa nonnit dort sehn.  
— Wann ich d'r 's dann e 'Mol sag! — grad wie ich  
jo alleweil bei 'm war,  
war er jo doch nonnit uf. — Do loß d'r 'mol ebbes  
verzähle! —  
Mach denn Schbakiergang nor mit, 's is doch jo dein  
erschder for deß Jor,  
wamm'r denn Zickzack heut Nacht nig grad for de erschde  
will nemme.  
Guck narr! jetz will er's nit seyn! Mein, Peter, jetz  
mach m'r kenn Bosse!  
Weescht, wie mar sächt als: en Rausch is gsünder doch  
noch wie e Fiewer.  
Geschttert war halt so 'n Dag; do dhut m'r d'r Zeit als  
die Ger an. —  
Ja! wie d'r Dheewald! 's is wor, do hoscht Recht;  
awwer deiner war nit so.  
Denn seiner langt noch forr heut, dann wann er 'n e  
kleen Bißel ufwärmt,  
schbart er forr heut schunt e Miih: er braucht sich kenn  
neue zu trinke. — —  
Guck 's is aa wor! ja so! die Gschicht do vum Dhee-  
wald, die hätt ich

schändlich vergesse; 's is gut, daß d' mich alleweil grad  
draß erinnerst. —

Heilig! do kumme se jo schunt angerückt! sickscht se die  
Zappe?

Peter, wahrhaftig'en Gott, deß fehlt noch; gutt Nacht jek  
Esfuhrmeß! — —

Noß, wo wollt 'r dann hin, ihr Zappe, ihr alte?  
Proßt Neujor! —

So, ihr wißt narre woher, nit awwer wohin? Noß ich  
weeß eß.

Wollt 'r nit in die „Alt Balz?“ — Da Peter! do  
hamm'r 's! ich, sal's jo! —

So! ich soll selwer noch mit? Noß waart't nor, ich  
gehn' e Schdück mit üch.

Halt't norr. Wie war dann die Gschicht vum geschtert?  
Wu is d'nn d'r Dheewald?

Hot 'n der noch an demm Brand vum geschtert Dwend  
zu laue? — —

Wo er, den Summer, 'n Frack vum Auchuscht emol hot  
gelehnt ghatt,

domols war's arg, wie 'r denn noht in alle Werth's-  
häuser gsucht hot;

awwer 's war als nit so arg, als wie sein Umschdand  
heut morgent.

Meent ihr, deß wißt m'r nonnit? Ihr habt euch 'mol  
widder verewigt!

Ja, ich habb Alles schung ghört; unn d'r Ärschde war  
widder d'r Morik. . . . .

Schill norr! dich kenn ich jo doch so gut wie mein  
 Hoßesack, weescht de?  
 Hoscht de nit geschtert noch gsacht: „Hein, Dheewald!  
 m'r machen e Bego  
 „denk ich, zum Schluß vunn demm Jor unn zum würdige  
 Anfang vum nächschde?“

Freilich, wann Einer geern danzt, do is 'm gut  
 geige, nadürlich.  
 Deß war demm Wasser noch grad uf sein Mühl, dann  
 der hot vum jeher  
 mehr in d'r Terrockskart jo geblättert, als wie im Gebetbuch.  
 Deß war d'r haßendschde Mann „for e Schbiel, noch  
 mit ere Grundlag“,  
 — wie de dich ausgedrückt hoscht — „vunn Lummel unn  
 gschnittene Nudle“.   
 Non, unn an so eme Dag, do schbielt m'r zu sechs, deß  
 verschdeht sich,  
 daß m'r sein Peif schdoppe kann unn trinke d'rzu, waß es  
 Zeug halt't. —  
 Gell de, m'r meent schier, ich wißt's? Non, hoscht dann  
 dein Dormel jekt ausgschwigt?  
 Ei! du hoscht geschtert nicks gschbüirt? weil's halt e reins  
 Bier is! waß dauwend!  
 Waß de nit säckscht? — Ja, ja! „D'r Mächer“\*)  
 nimmt ewe nicks Unrechts,

---

\*) „D'r Mächer“ wurde der frühere Braumeister in der Brauerei  
 „zur alten Pfalz“ in Mannheim von seinen Bekannten geheißen. A. d. S.

meenscht de, zum Bier; ich glaab's, nar nimmt er halt  
aach als nids Rächtes.

Awwer wann Cens emol so e Gwandum vertilgt, daß 'n  
Floherr

Gott dhät danke, wie oft! wann er narr so viel Wasser  
zum Flöße

mannichmal hätt, als wie ihr widder geschtert Bier hatt  
getrunke —

meen ich, do freecht m'r 'n Zopp, wann nids Rächts  
unn nids Unrechts im Bier is.

Drum hot „d'r Mächer“ gelacht, als Gotterpsrich:  
heut awwer hot's euch!

wann d'r als naus in de Hof sehd gedorchelt — sag  
selbscht, obs nit wor is —

dann ihr habt als fort am Glas jo ghonke, beinoh wie  
die Becke.

Nids als wie Karde'n unn Bier, unn wann's nit am  
Zwölfe: „Prost Neujor!“

nein hätt gerufe'n in d' Schdubb, bei euch do wär's heut  
noch Sylveschder.

's Neujorsmännel sogar unn Alles des habt 'r  
verterrocht.

Ich hab's gsehe desmol. Enn doppelde schöne Neujorswed  
hot m'r 's jo gewwe'n unn gsacht!: „Ich wünsch d'r e  
glückseligs Neujor!“

Ich haww 'n Jek noch d'rheem, wann 'n nit schunn  
d'r Schanle verschbeist hot.

So wasß deß is nicks forr euch. Gell, wann's die dick  
 Köchin gweßt wär?  
 die· habt 'r gsehe. — Ja, ja! sen schdill nor; m'r  
 kenne deß Naube —  
 wie de denn Haringssalat entdeckt hoscht, den Gump  
 voll, weescht noch?  
 denn, wo d' mim Karel hernoh, so mir nicks dir nicks  
 gepickt hoscht?

Wie m'r gemeent hot, 's is aus unn Alles geht  
 ruhig in's Bett jetz,  
 dorkelt mein Borzdammer do noch nütwer, mim Dhee-  
 wald in d' Rheinschanz.  
 Noß, unn wasß habt 'r noch fricht? Nicks, sag ich, wie  
 dreckete Schdiffer!

So jetz wißt 'r, wie's war. Do simm'r jo an d'r  
 „alt Palz“ jetz.  
 Geht m'r narr erscht emol neiß; ich wett druf, ihr hatt  
 Unnerhaltung.  
 Jetz is „d'r Mächer“ d'rheem, geht neiß unn gewinnt  
 'm 's Neujor ab;  
 ütwer e Weil kumm ich aa. — Ich hab jo mein Sack-  
 buch vergesse —  
 losst mich jetz narr emol heem — noß ruht unn macht  
 m'r keßn Sache!  
 Post mich am Mantel nor gehn — ihr macht m'r 's  
 jo — wie hot se gheesse? —

wie's die Potiphar — glaaw ich — emm Joseph gemacht hot. Ich anwer  
 loß 'n so gschwind nit im Schdich; do will ich jo lieber  
 mit neingeh'n. —  
 Jo! ich verzäl jo die Gschicht vum Dheewald; narr do,  
 uf d'r Gaf nit. — —

Peter! m'r gucke'n emol, kumm, ob m'r nit in d'r  
 „alt Palz" sinn!  
 Alles is möglich bei Gott, deß wisse m'r; vorab uf Newjor.  
 Do kummt d'r Dheewald am End jo aa, wann er nit  
 schunn lang drinn is.  
 Guck! deß wär erscht noch am Platz; do könnt 'r die  
 Gschicht glei verzäle  
 unn widderhole vielleicht, dann heut gibt's e kloorie Elf-  
 uhrmeß.

Peter! d'r Klügschde gibt nooch. Weescht? wann'r  
 'mol unner de Wölf is, —  
 — haww ich mein Lewetach ghört — do muß mr halt  
 aa mit 'n heule.



## Gedanke ümmer die Fasnacht, vum Narreschbandpunkt aus betracht't.

M'r schickt sich doch in Alles nein,  
 's hot mich schunt oft gewunnert,  
 dann 's is e schwer Schdück, Mensch zu seyn  
 in unserem Jorhunnert.  
 Ja freilich! wann alle Dag Fasnacht wär,  
 wär ennder noch ebbes zu mache;  
 noht wär unser Schicksal nit halwer so schwer;  
 do könnte mir Narre noch lache.

Die Welt is selwer schuld do dran;  
 dann fange nit die Gscheitsche  
 grad Alles hinnerchtsvödderscht an  
 unn sele oft am Weitsche?  
 Unn sächt m'r was, mache se glei mit eem rum  
 unn sage, deß wüßte sie besser;  
 unn wann's aus unn aus is, do sinn se so dumm,  
 so dumm — als wie mancher Professor!

So dhume die dann 's ganze Jor  
 ihr Dummheit redlich zeige;  
 sicht's Unfereens aa sunneklor,  
 m'r muß halt ewe schweige.  
 Dann do is eß Wort zu vil, 'is jo bekannt,  
 dovunn hot m'r allerlee Gschichte.  
 Ja, heest's do, nooch euerem bschränkte V'rschband,  
 do könne doch mir uns nit richte!

Ich denk mir ewe deß e so:  
 Die Kinner unn die Narre  
 die sage'n eem die Worheit jo,  
 oft besser wie d'r Parre.  
 Unn weil's aa bei gscheite Leut manichmol geht,  
 als wie wann se Dollbatsche wäre,  
 do is eß for so Leut nadürlich kein Freed,  
 um Narre die Worheit zu høre.

Drum seyn mir awwer aa v'rdrängt  
 vunn unsre Grepeschde,  
 unn wann die Menschheit do draß denkt,  
 werd's Manchen Thräne kofschde.  
 Dann fröhers war's annerscht, wie iwweral noch  
 die Hofnarre aßgeseh ware:  
 do hawwe die Ferschde, wie's recht is, alls doch  
 die Worheit noch ghörig ersfare!

Dreihunnertvierefsechzig Dag  
 licht jez die Welt im Dunkle;  
 is so waß nit 'n harder Schlag?!  
 do hawwe die gut munkle.  
 Unn Usereens sitzt uf 'me glüthige Mooscht;  
 muß blind seyn mit sehende Age; —  
 die Fassenacht is unser eenziger Troscht:  
 do därf m'r die Worheit doch sage!

Drum gfallt auch jedem Narr sein Kapp,  
unn des is gar kein Wunner:  
die dhut m'r aa vor Nimand ab,  
dann do schdeckt Manches drunner.  
An Fasenacht awwer kummt Alles an 'n Dag,  
do müße 's die Annere füle,  
waß mit 'n d'r Mär is, do könne mir aach  
emol unser Trümp widder schbiele.

An Fasenacht macht Alles mit,  
der Dag werd Nimand sauer,  
do kennt kein Mensch kenn Unnerschidd;  
d'r Graf is wie d'r Bauer.  
An Fasenacht — neen! do is Alles v'rsönt,  
unn Nimand hot Kummer unn Schmerze;  
unn waß Gens do gsacht fricht, is erlich gemeent,  
dann Grobbheit, heest's jo, geht vunn Herze.

Uf Fasenacht fricht Mancher oft  
die Worheit dick zu höre,  
unn Sache, wo er nit hätt ghofft,  
unn kann's doch Nimand weere.  
So waß is de Mehrschde recht nützlich unn gut  
unn kann se zur Besserung füre;  
bei Manche gäbt's awwer aa widder böß Blut,  
drum dhut m'r sich gscheiter masgire.

Do kummt e Mahd als Sarazen,  
 'n Düncher als 'n Mohler,  
 e Nähdern macht de Prinz Euchen,  
 'n Schneider enn Tyroler.  
 For heut do v'rgißt aa d'r Schduzer sein Frack  
 unn kummt als en schwävischer Schnitter;  
 d'r Herr vunn Dingskirche der kummt als Kofak,  
 Sein Gutscher herngege'u als Ritter.

'n Koch schdolziert als Amor her  
 als so 'n blondgelockter,  
 die gnädig Fraa als Bottelbär,  
 ihr Mann als Wimmerdoster.  
 Der macht sich, wie noch eener kummt, aus 'm Schdaab,  
 — sein Albie, die macht 'm kenne Kummer —  
 noht kummt 'r als Zuckerhut gar, unn ich glaab, —  
 die Köchin kummt mit als Gugummer!

Als Suldan kummt d'r Herr Baron,  
 sein Tochter macht 'n Jäger,  
 sein lieber hoffnungsvoller Son  
 der kummt als Schornschdefeger.  
 Sein Fraa unn sein Schwägern masgire sich aa,  
 ganz prächtig als junge Matrose.  
 Mein Nocher, der Bäcker, als bucklige Fraa,  
 sein Schieser als Karel d'r Grose.

Gleich hinneuooh do kummt e Hex,  
 die dhut die Karde schlage;  
 wer wisse will, wer's is, der schmecks,  
 ich därf nit Alles sage.  
 Ich nenn aa de Näsche nit, weil ich nit kann —  
 dodrüüwer is Alles im Zweifel —  
 dann der is masgirt als 'n erlicher Mann,  
 drum kennt 'n nadürlich kein Deusel.

'n Schustersjung als Babbegai,  
 'n Lord als Markedenter,  
 unn mit zwee Volle odder drei,  
 's Profitche als V'rschwender.  
 'n Hageschdolz, wo 'n V'rliebde achirt,  
 so 'n alder krumnbeeniger Scheler.  
 'n Weiswerth kummt als d'r Münchhausen masgirt,  
 'n Braumeeschder als Abbedheker.

Uf Fasenacht — deß wees m'r schunn —  
 hot Jedermann sein Schbarre:  
 Do kummt e Venus als e Nunn,  
 En Bacchus als 'n Barre.  
 'n Zolassichdent der kummt als Tartar,  
 'n Kaufmann als englischer Reiter,  
 sein Haushältern anwer die macht 'n Husar;  
 unn so geht's noch ewiglang weider.

So wasß is prächtig, one Frog,  
 die Männer unn die Weiwer  
 so eenig; unn ich himmenooch  
 masgirt als — Eselstreiver.  
 So treiw ich denn Ufzug gemach vor m'r her  
 unn dhu iüwer Allerlee grüwle  
 unn denf aach: wann's alledag Fasenacht wär,  
 do könnt eem kein Mensch wasß v'rüwle.

Do kämt aach sicher die Vernunft,  
 wie's recht is, ball zu Ehre,  
 unn unser edlie Narrezunft,  
 die dhät sich schdark v'rmehre.  
 Drum, heiliger Gregor! deß leucht't m'r nit ein,  
 ich kann d'r 's nit länger v'rhele:  
 wasß mag d'm bei dir nor d'r Grund gewest seyn,  
 so ungleich die Zeit zu v'rdheele?!

Mir Narre sinn vum ganze Reich  
 schunn jetz beinoh es Drittel,  
 drum schdell uns doch de Anure gleich.  
 Ich wüßt e gudes Mittel  
 die Welt zu v'rbeßre, wo nit viel koscht't,  
 — vier Monat werd's ungfär betrage —  
 wann d' mol de Kalenner frisch durchsehe loscht,  
 do loß die zur Fasenacht schlage!

Wann d' anwer meensch, deß gíngt nit gut,  
do will ich nit druf treitwe:

wie's mit d'r Menschheit jetz schdehû dhut,  
kann's doch nit ewig bleitwe.

Die Mensche — deß weescht du so gut als wie ich —  
die hawwe schier all ihren Schbarre,  
unn wann deß so fortgeht, werd sicherlich  
noch Alles vunn selwer zu Narre!

## D'r Appelbaam.

„Hurrigodel! Batter! do guck — waß Appel! Betracht  
nar denn Baam do!“

„Alles geruddeldevoll! unn heilig! waß leie do hunne!“ —  
Gehsch de m'r glei aus 'm Gras, du Unart, unn loscht  
m'r se liche!

Sickscht de die Biene? Aha! Geww Achtung, wie die  
dich verschedeche.

Gebb m'r deîn Hand; do kumm her unn frog m'r nit  
lang noch: warum dann?

Haww id's nit oft gsacht d'rheem, so lang als deîn  
Bäämche geblüt hot?

Anwer du kümmerst dich mehr um die Appel, als wie  
unn die Blütthe.

Wann d' m'r vunn jehän nit lernscht unn folkscht nit, do  
 muscht de m'r, heilig,  
 baarfüsig schlose gehn, Kerl! unn frickscht m'r kalt Wasser  
 zu trinke

unn därfscht nimmehr mit schbakire. — — Ich glaaw aa?  
 Ge schäm dich!

Guck norr denn dabbige Buh! Was greinscht dann schunn  
 widder? du Pienz, du.

Da! buß dein Nas unn sey schdill: do will ich d'r 's  
 noch emol sage;

Was awwer besser jek uf, daß d' 's noht kannscht d'r  
 Mutter verzäle.

Weescht de? wann so im Aprill die Kersche'n unn Blaume  
 verblüe,

noht werd's uf eenmol als grün — die Sunn die lockt  
 Alles, unn 's kummt aa —

hot m'r de Winterrock noch, m'r schbürt uff 'm Buckel  
 schunn 's Frühjor;

nachts awwer is eß noch kalt unn dhut sogar mannich-  
 mol reise,

weil halt d'r Winter — verschdehst? — ein Frühjor  
 nig geern aus 'm Weg geht.

Awwer so 'n Appelbaam schdeht, als könnt 'r kein Drei  
 zäle, als noch

ruhig am nämliche Platz, unn rührt sich unn regt sich  
 noch lang nit.

Freilich, vunn inne do juckt's, do drücke die Knosbe'n  
 unn schiewe;



hawwe keni Aagebliß Ruh unn wolle'n unn's Lewe halt  
aa naus.

Awwer d'r Alde der säch: Ich meen, ihr bräuch't nit  
so zu eile;

bleibt ihr nor ruhig unn schdill; ich will's üch schunn  
sage, wann's Zeit is.

Habt 'r de Morgent nig g'hört, waß do unser Millich=  
fraa gsacht hot?

daß üwwer'm Rhein vun d'r Kält die Schbargle so hätte  
gelitte!

Meent 'r! waß Blüth hawwe do ihr vorwizig Näsäl  
verfrore;

so ebbes awwer soll mir, wann Gott will, mit euch nib  
basire. — . . . .

Freilich! — Waß du awwer froßcht! — Der dort —  
wann'r 's recht is — der is eß —

wo du im Gras vort warscht: der hot seine Knosbe  
verbotte

g'hatt, wo's so gsärlisch noch wär, so fed schunn zu seyn  
unn verwoge.

's dhut awwer Alles nor gut, so lang 's ewe will;  
unn die Knosbe

mache's halt grad wie die Rimmer: sie folge so lang als  
se müße.

Guckt er aach alsefort nooch, sie wachse'n emm doch aus  
de Aage.

Ja! unn je mehr als se wachse, je größer aa werre  
sein Sorge;

kummt noch en Rege d'rzu, so 'n waarmer, do is eß dann  
gar aus.

Jetz is 'n Alles zu eng, sie drücke'n unn schiewe'n unn  
mache,

unn 's is halt ennder kein Ruh, als bis daß se draus  
an d'r Luft sinn.

Wann er vor Reife aa warnt unn Schlose, do geht's  
'm halt doch grad,

wie's eme Hinkel als geht, weescht? wann's junge Entelin  
ausbrüt'

unn an de Rhein mit 'n kummt. Ja! wann die 'mol  
's Waßer verschbüre,

noht is eß aus unn d'rbei mim Locke; so geht's mit de  
Knosbe

jekert denn Baam: wann se haus sinn unn hawwe die  
Sunn 'mol verlüggert,

rührt se deß Warne so viel, wie wamm'r 'm Dchs in  
sein Horn peßt.

Raum daß deß odder sell uf eegene Füselin schdeh'n kann,  
werre se batig unn frech, unn Alles deß wisse se besser,  
wanmar se hört, unn am End do hente se 'm gar  
noch e Maul an.

'Mol, amne Noochmiddag war's, unn grad hot d'r  
Alde geduffelt,

sächt so e Knösbele: „Mein! ich will euch emol ebbes  
sage:

- „Hawwe nit all schunn die Bääm do geblüt? — 's is  
e Schand vor de Leut jo, —
- „wo's doch schunn Jörgedag war; — solle mir uns' jey  
uze noch losse
- „vun denne dabbige Frösch, als wäre m'r immer die  
Petschde?
- „Wer awwer schuld is dodrañ mit seine Märcher vun  
Winter,
- „wißt ihr sogut als wie ich. Wann's mir awwer nooch-  
geht, werd's annerscht;
- „jey noch 'n Dag odder zwee, vunn hent an, wolle m'r  
waarte,
- „noht awwer mache m'r uns so unner d'r Hand e Weil  
ferdig.
- „— Wißt 'r? de Sunndag is Meeß, do triche m'r Bsuch  
vun de Biene —
- „läßt 'r uns naus, is eß gut; g'schicht's nit, unn do  
gehue m'r selwer!
- „Wann's 'm nit recht is d'rnoht, do soll 'r uns nor  
widder nein dhun.
- „Also bis Sunndag, ihr Leut! So bleibt's; wie geredd't,  
so gebabbelt!“
- Denk! unn sie klatsche fasscht all mit de Blättelin Beifall  
unn juckse:
- „'s bleibt d'rbei! so is eß recht!“ unn wecke'n uf een-  
mol de'n Alde.
- Der awwer schdreckt sich unn gähnt unn frogt se: „Ihr  
Kinner, waß war des?“

„Ach!“ sächt e Knösbel, „d'r Wind hot ewe gerauscht  
in de Blätter;  
„sunst awwer haww ich nicks ghört,“ sächt's noch, „so  
gewiß als die Sunn scheint!“  
Ei du abscheuliches Ding! meenscht? weil grad e  
Wölkfel d'rvor war,  
hätt se's nig gsehe'n unn ghört? durch's Schlüßelloch  
durch sicht m'r aa was!  
Dann, wann die Sunn in d'r Früh de Newwel vertreibt  
als, do baut se  
manchmol sich Lustschlösser draus, die sehe grad aus wie  
die Wolke;  
's halt se aa Mancher d'rvor, wo nit weesß, daß eß  
Menschder for Leut sinn,  
wo d'r vor Langweil nicks dhun uf d'r Welt, als wie  
Lustschlösser baue.  
Die wo die Sunn awwer baut, die halte gewöhnlich vil  
länger;  
awwer sie werre doch aach, wie d'n anner Leut ihrie, zu  
Wasser.  
Oftmals do mache se 'r Gschbasß, sie hot ganze Däg-  
weis ihr Freed dran;  
geht emol raus, emol nein; ball dhut se zum Fenschder  
rausgucke,  
odder zum Kellerloch gar, zum Dachlade'n odder zum  
Schornschde.  
Manchmol verschdeckelt se sich aach ganz, wie d'r Schütz  
in die Hecke,

wann 'r de Buwe abbaßt; unn so hot se Manches schung  
 gsehe,  
 wann se durch's Schlüsselloch guckt, wo kei'n Mensch unn  
 kei'n Seel nig geglaabt hätt,  
 dann: 's is nicks e so fei'n jo gschunne, 's kummt doch  
 an die Sunne!  
 's wüßt's awwer doch noch Jemand, wann's ganz aa die  
 Sunn nit an 'n Dag dhät.  
 Awwer die Knösselcher do, die dhune jetz all wie  
 verabredb't:  
 mache die Blüthe zurecht unn verschdeckle se hinner die  
 Blätter,  
 daß se d'r Alde nit sicht: unn eb mar sich umguckt,  
 war's Sunddag.  
 Awwer wo hamwe die Ruh; die schdrecke schunn Sams-  
 dags die Kräge,  
 daß se de'n annere Dag- doch jo, 'sallererscht glei, im  
 Schdaat siun.  
 Richtig! do schdeht d'r mein Baam — wie vum Zucker-  
 bäcker, noch schöner:  
 Blüthe, so weiß wie d'r Schnee, unn Knöppcher siun  
 draß wie die Rose.  
 (Hier hammer Gen', der is gschickt, awwer so was deß  
 läßt 'r doch bleiwe.)  
 „Ei, ihr nicksnutzigie Waar,“ sächt d'r Alde, „wann's  
 nar nit zu früh is!“ —  
 Freilich war's, leider! zu früh, dann: Hochmuth kummt  
 immer jo vor'm Fall.

Hätte se norre gewaart't, wie's ausgemacht war, bis am  
Sunnitag!

's war awwer jeh emol so, unn drum hätt's aa solle so  
bleiwe.

Neeñ awwer! Wer sich, d'rzu noch in aller Fröh schunn,  
mit Dhau wäscht,

weil er noch schöner will sein, als wie 'r schunn so von  
Madur is,

ware die Blütthe. Unn wer sich im Morgewind aa noch  
verfält't hot,

daß 'r boßschdeif worre'n is, deß ware die nämliche Blütthe.

Jeh geht die Sunn uf, unn wöht kumme schunn die  
Quadriermacher gsfloge,

sage: „Gutt Morge!“ „Wie geht's?“ unn, schdatt daß  
se's denne grad eifügschdehu,

hawwe die Gschdecker nit 's Herz, die schdeife do, daß se  
waß sage.

Ach, unn so Biene! wie gschwind hätt e jedie e Blütthe  
erwärmt ghatt!

Nicks do! 's sächst Jedes: „So, so!“ unn denkt: „A! deß  
macht sich bis morge.“

's hot sich gemacht, awwer wie? ganz annerst, als die  
sicks vermuthet.

Dann wie den annere Dag die Biene sinn kluppertweis kumme,  
hat vun de Blüthelcher eens schung gfelt unn grad 's  
allerschönschte;

unn wie se gucke, do schdickt's ganz zwische de Blätter  
— verfrore!

Jetz awwer war's 'n nit eens; eme jede fällt 's vierte  
Gebott ein,

— sag m'r, wie heeßt's? weescht's nit? „Jo: Ehre  
Vater und Mutter!

„daß es dir wohl ergehe und daß du lang lebest auf  
Erden!“

Recht so; besolt's awwer aa! sunscht müsch't's, wie die  
Blütthe, bereue —

dann, wie se denke: „Ach Gott!“ do fart 'n d'r Schrecke'n  
in's Herz nein,

unn mit d'r Freed is eß aus; — unn dhune se aa vor  
de Biene,

als wann en'n weiter nicks wär, sie trauere ewe unn  
fränkle.

Wie m'r am End hot gemeent, sie hawwe verblüt, unn  
's gibt Äppel, —

sigt so en Schwalb uf em Baam, 'mol so gege'n Dwend,  
unn zwigert:

Morge do geht's hinner euch; die Sunn die hot Alles  
verrothe!

Raum awwer sicht m'r se recht — fort war se aa, gsehe  
unn nimmehr . . . . .

Viel schunn schderbe vor Angscht, wo gar nit deß Wetter  
erlewe,

was in d'r Nacht jetz kummt unn aa noch e şnanches  
vum Baam reißt.

Wie's awwer Dag worre is, was meenscht, wie's den  
annre zu Muth war?

Dann wie die Sunn kummt, war's aus, keens kann ihr'n  
Blick mehr vertrage:

's böse Gewisse, d'r Worm, der nagt denne Äppelchern  
's Herz ab,

's werd 'n all schwindlich unn bang, unn eens nooch 'm  
ann're fällt runner.

Freilich 'm Alde war's arg, er muß sich am End atwer  
tröschde;

noh, unn je mehr er verliert, je schöner gedeihe die  
annre,

wo uf sein Roth hawwe ghört; do fällt nit e eeniges  
runner,

bis se — in Wetter unn Wind — alls gauntsche'n unn  
Käsdrückes schbiele,

ganz uf d'r äuffersthe Schnepp — wie ihr in d'r Schul  
uf de Bänk alls,

wann's üch zu wol is — unn deß koscht aa noch en'n  
manche sein Lewe.

Sitscht de? wer ewe nit hört, muß füle. Du hoscht se  
jo vortig

liche noch sehe'n am Baam. Waß meenscht de, wann's  
deiner hätt aa so

's Frühjor gemacht, in d'r Blüth? — — Jetz kumm,  
jetz wolle m'r heem gehn!

„So Vatter, gehne m'r heem? Deß is recht; ich  
hab so so en'n Hunger.

„Ja, is die Gschicht dann jetz aus? ei die Äppel seyn jo  
nonnit zeitig!“



Ewe drum waart's narr 'mol ab, noht will ich d'r 's  
weiter verzäle.

Wann de nit hörst awwer, gibr's kinn Pannekuche mit  
Schnittlaach.

„Ah, deß is gut. Awwer neen, du host jo waß gsacht  
vun de Biene,

„wie ich am Baam drunne war, weest Watter? die  
dhäte'n eem schdecke.“

Ja du host Recht, 's is aa wor; die dhune sich ewe  
erinnere,

waß se vun so eme Baam in d'r Blüth als for Gutes  
geniese,

unn do leide se 's nit, daß 'r aa noch sein folgsame  
Kinner

so soll verliere — wann 's grad so 'me Gassebuh einfallt  
zu schmeiße —

zeige sich dankbar d'rvoor unn schdecke'n em herzaft. Jez  
merk d'r 's. —

Sichst de die Mutter? Schpring hin unn v'rzäls 'r  
'mol, waß ich d'r gsacht hab.

„Mutter! d'r Watter hot gsacht, die Äppel, die wäre nit  
zeitig,

„unn ich sollt folge, do gäb'ts heut Pannekuche mit  
Schnittlaach.

„Mutterle! fül m'r emol an d'r Nas, do siehst, daß  
ich brav war.“

## Aller Anfang isch schwer.

„Drei Dag ebs brennt, muß Alles ausmarschire  
 „unn schdörme unn die Schpriße glei prowire,  
 „do is m'r seiner Sach hernooht gewiß!“  
 hot seller Schdadtdirekter gsacht vor Zeite,  
 — sächt Gener letscht — waß hot der müsse leide!  
 unn sag emol, ob's dann heut annerscht is?

Ja jo! is 's annerscht — sag ich — awer dummer,  
 M'r hot sich domols keen so grose Nummer,  
 wann Prob war, wege so 'me Brand gemacht;  
 dann wammir's ganz aa (um die Ehr zu rette)  
 drei Dag d'rnooch noch selwer angischdeckt hätte —  
 am dritte Dag hot's halt gebrennt! wie gsacht.

Jez is es annerscht: jez kummts in die Zeitung,  
 vum Nummedant aus, unner seiner Leitung  
 gäbt's hier en'n Brand jez innerhalb drei Dag!  
 Jez laaf dich warem! Wer kann do als wisse:  
 Wann, wie unn wo mir uns versammle müsse?  
 wie ich d'r 's les, do rürt mich schier d'r Schlag! —

Deß Ding war gut. Jetz loß d'r 'mol v'rzäle,  
wie ich mich bei demm Brand hab müsse quäle:  
ich bin d'r ernschtllich schier verschdickt vorr Dorfscht!  
D'r Deuwel soll die Klennerci do hولة;  
ich hab mein Lunge, weß Gott! doch aa nit gschdole!  
deß awwer isch, scheint's, denne Herr'n all Worscht.

Do weesß fei'n Mensch: brennt's heut, brennts iimwermorge;  
do hoscht d'r nar zu denke unu zu sorge,  
unnu 's Ärschd' is, daß 's am End wol gar nit brennt!  
Deß wär m'r schön; do wär jo all deß Zammle,  
deß Judennackneinschluppe unnu deß Krawle,  
unnu all die Müß die wär unnsunscht verschwend't! —

Im Blättche war 's — 's is wor — ich will nit lüge,  
m'r sollte'n uns an's Feuerhaus verfüge;  
wann d' awwer Gens hoscht gfrogt: wo is d'm deß?  
hot's Keens g'wüßt! — ich guck im Adresskalenner,  
frog iimweral, die Hochbersleut, die Pänner,  
(die suche sunscht die Häuser doch expreß!) —

's batt't Alles nit's: ich weesß 's halt nit zu sinne!  
Ich war am Bauhof, an d'r Melwoog hinne,  
— de Brandplatz haww ich freilich nit gewüßt —  
deß schdeht nit drinn; do hilst eem aa fei'n Froge;  
Do is m'r etwe bschummelt unnu betroge;  
is do e Wunnen wamm'r sich vergift?

Schunn „Feuerhaus!“ waß soll dann deß nor heese?  
 — haww ich gedenkt — deß hoscht noch nie gelese;  
 do werd m'r jo zu guder Zetscht ganz doll!  
 Ich guck in eem Schdück vorne do unn hinne,  
 — e Weîn- unn Bierhaus kamm'r ennder sinne:  
 deß weesß m'r aa, waß deß bedeute soll.

Deß fricht vunn dennun, waß d' drinn v'rzappsch, sein Name;  
 unn „Feuerhaus“!? — m'r meent die dhäte traame!  
 ich bin d'r iwweraal jo rumgerennt,  
 so haww ich ewe halt feîn Wertrhshaus gsinne; —  
 uf eenmol denk ich: halt, jek hoscht's gewunne, —  
 am End is gar deß Haus gemeent wu brennt!

Unn kaum haww ich denn glückliche Gedanke  
 recht ghatt, do binn ich vorzu's, an die Planke  
 unn denk: weil d' doch so arge Dorfscht hoscht heut,  
 (unn weil m'r grad aach Gener hot gewunke),  
 do werre noch e paar Glas Bier getrunke, —  
 for 'n rechte Brand do is jo allsfort Zeit.

Do war m'r's grad — guck! ich wollt heut noch schwöre —  
 wie wann ich een' vunn uns hätt huppe höre,  
 unn ruf mein Nocher zu: Gell Nocher, 's huppt?  
 „Ja“, sächt 'r „sellie Ruh die hot geblose;  
 „sickscht se dann nit? glei werrescht dein Glas druß schdose;  
 „du bischt vor Eifer, glaaw ich, halwer gschubbt!“ —

Nosin — ich renn heem unn sag zu meine Gfelle,  
 sie sollte sich norr an die Hausdhür schdelle,  
 weil Niemand wüßt, wie 's hent noch brenne könnt;  
 unn sey mich hi'n unn duffel. Unnerdesse  
 do gibt mein Fraa de Kinner waß zu esse,  
 unn sächt uff eenmol: „Guck, waß alles reunt!“

Ich — glei vor's Haus nauß! unn will selwer höre,  
 warum mein Gfelle dann nitt kumme wäre,  
 unn denk, deß Keme hot en'n annre Grund. —  
 Die ware fort; do mach ich nit lang Lärme  
 unn frog mein Jung: hoscht du nit höre schdörme?  
 „Jo“, sächt 'r, „schmunt ann demm e ganzie Schdund!“

Nosin, sach ich, anwer do aa nicks zu sage!  
 Dich soll jo 's Dunner-Wetter glei verschlage,  
 Du Gfelskopp! meenscht du deß Ding wär jo?  
 M'r kummt zu schbät unn löst for dich sich schänne,  
 unn wamm'r nit kummt, schtrofe odder pänne? —  
 Wann ich dich frich — ich hau dich schwarz unn bloo!

Schunn zeit zwee Dag jo dhut mein Fraa alls brumme,  
 weil ich nit aus d'r Unneform dhät kumme,  
 unn mit d'r Pickelhaub noch gingt in's Bett! —  
 Meenscht du — sag ich — deß gingt noch wie vor Zeite?  
 Ich loß mir nit mein Hoffesnöpp abschneide  
 vunn meiner Fraa — ja gelt de, deß wär nett! —

wie s'eller Bürgerweermann, ('ch könnt 'n nenne)  
 der wo hernoh't nit aus hot rücke könne;  
 dort unne wohnt 'r, in d'r annre Gass.  
 Ja, lieves Kind! deß sinn halt Ehresache:  
 En rechter Hauptmann muß im Schloß noch wache,  
 for 's Wol d'r Schdadt! — „Mein!“ sächt se, „'s war norr  
 Gschbass.“ —

Unn jetz, do schdeht der Schdickel do d'rnewe,  
 s'icht denn Schbekdäfel unn deß Menschelewe  
 unn redd't kei'n Wort! — Zum Glück haww ich kei'n Zeit:  
 dann jetz werd 's Ernscht! — Jetz is d'r Schtaab ufgflogt,  
 's doht, wie wann 's wilde Heer kämt a'ngzoge,  
 unn wie ich guck, do sehn's vunn meine Leut!

So, haww ich gsacht, jetz wolle m'r glei helfe:  
 kummt her, e Manner zehne odder zwölfe,  
 jetz hole m'r glei unser Feuerschpriß!  
 Jetz, Männer, gilt's; narr schnell, jetz könnt 'r schpringe,  
 daß m'r die Schpriß an Ort unn Schdell noch bringe;  
 's wär Sünd gedah'n, dann 's is e schweres Gschütz!

Ich dhu d'r: „Vorwärts, marsch!“ glei kummedire  
 unn sag zum Obmann: dhu die Leut a'nfüre;  
 narr schnell an's Feuerhaus jetz vord'rhand!  
 Frogt narr wo's brennt. Ihr werd 's schunn selwer sinne,  
 so gut wie ich; dann, vorne sei'n unn hinne  
 deß kann ich nit, — ich muß zum Kummendant.

Ich laaf voraus unn denk: jetz hoscht's gewunne;  
 d'r Kummendant, der werd heut aa noch gfinne;  
 wüschd narr wo 's brennt, do wär schunt Alles recht.  
 So dapp ich rum, dreiviertel Schdund meintwege,  
 do kommt m'r unser Kummendant enggege  
 unn ruft m'r schunn vunn weitem zu, unn sächt:

„Herr Hauptmann“, sächt 'r, „Sie seyn heut d'r erschte  
 „vunn Ihrer Schprig; 's is eenie vunn de Schwerschde;  
 „d'r Weg vunnm Feuerhaus doher is weit.“  
 Halt, haww ich gjacht, deß dhut mich lang schunn ploge,  
 erlaawe Se, do muß ich dappig froge:  
 do aus demm „Feuerhaus“ werr ich nif gscheit,

Herr Kummendant. Deß kann em ganze Weise  
 unn mein Verschdand nooch, doch nicks annerscht heese,  
 als Feuerhaus, so ungsfär juschament  
 wie Weinhaus, Bierhaus; weil ich awwer hinne  
 in demm Adresskalenner nicks kann finne,  
 do denk ich mir, deß is — deß Haus wu brennt.

„Gut!“ sächt d'r Kummendant, „daß Sie m'r 's sage:  
 „'s werd glei die annere Woch an's Dhor aügschlage;  
 „die früher Melwoog is eß Feuerhaus!  
 „Mir hawwe do kein Werrthshauschild z. schreibe,  
 • „m'r muß beim Ausdruck „Fenerschprige“ bleibe,  
 „unn wer denn kennt, der legt's aach richdig aus.

„Wollt Gens bei Häußername an's Verkaafe  
 „nor denke unn an deß, waß' raus dhut laafe  
 „bei Schpritze, do wär jo der Gischbaß glei all.  
 „Do müßt m'r jo aach „Wasser“-schpritze lese,  
 „unn die Kanone „Feuer“-schpritze heese;  
 „deß is doch awwer lang nonnit der Fall. —

„Jez awwer schnell; jez solle se nor renne.  
 „Die Schpritze her! sunscht hört's jo uf zu brenne,  
 „eb nor een Mann noch is an Ort unn Schdell.  
 „Deß gäbt en' Gischbaß; waß dhät die Welt do sage!  
 „Gott Lob! do hinne seh ich düchtig raache,  
 „unn newedrañ is Alles glockehell!“ —

Do kumme, sag ich, schunn die Butteträger,  
 die Möwelretter unn die Schornschdefeger,  
 mit ihre Leedere all in d'r Hand.  
 Mein Kent sinu do, hurrah! waß dhun se schpringe.  
 's Haus nit zu wisse unn die Schpriß zu bringe,  
 deß is nit jedermann vunn uns im Schtand!

Jez gibt's en'n Zug, wie wann die Biene schwärme,  
 vum Raafhaus an bis naus an die Kaserne:  
 dann hinner d'r Kaserne sicht mar Raach.  
 Do dhut d'r Alles durchenaner laafe,  
 's dhut Jeder um de erschde Platz sich raafe;  
 's war arg, viel ärger noch als ich d'r sag.



Mir kumme hiñ — do war nicks anzufange:  
 d'r Raach is aus em Dampfmülschorusche gange,  
 als wie sunscht aach, unn deß war noch e Glück!  
 Dann Fenschder, for die Leed're neinzuhente,  
 sinn nergends: 's wär an's Löfche nit zu denke;  
 e Mann vum Fach merkt deß beim ersche Blick! —

O Jeder sächt, waß is jek do zu mache?  
 Ihr Männer, sag ich, 's sinn verfluchde Sache:  
 do schdeh'n ich selwer, wie d'r Dchs am Berg.  
 Do ham'm'r 's jek, fang ich d'r an zu schämme,  
 deß kummt vunn demm Preßire'n unn demm Renne,  
 wär 's langsam gange, wär nicks iwwerzwerch!

En anner Mol do lößt m'r 's ewe brenne,  
 bis mir die Flamme deutlich sehe könne,  
 do weep m'r, wamm'r kummt is's nit v'rbei.  
 M'r wolle jek — narr daß der Feuerlärme  
 nit ganz unisunscht war — do an d'r Kaserne,  
 e Ümwung halte, sag ich, awwer glei.

Die Feuerleedere — deß muß m'r sage —  
 die hamwe se recht schnell jek beigetrage;  
 die kleene in die Fenschder ghenkt unn nuff!  
 Do dhut d'r 's nicks wie peife jek unn bloose;  
 do kummedirt d'r Kleene wie d'r Grose;  
 do hot d'r 's gheese, Hauptmann, jek baß uff!

Dann jetz do kumme — deß is nit geloge --  
 alls Fenschderflüchel, Butterhässe gsfloge;  
 mim Deppichhupse is 's non nit gedhañ:  
 do rutsche se an Durnwaksfeeler runner,  
 dort kumme Balke, Schornschde aa mitunner,  
 unn zletscht do geht noch gar deß Schpriße an!

Jetz, dent ich, is keen Zeit mehr zu v'rliere:  
 ich loß in 'n Prinzeschdall mich kummedire,  
 sag noch meim Hausherr, daß ich fort jetz muß;  
 laaft der m'r nooch unn noch en ganzer Buße,  
 wo die Gelegenheit glei mitbenutze  
 unn denke: „Weit d'rummy is gut vor'm Schuß“. —

Bunn jetz an weech id's narr vunn Höresage;  
 wann 's annerscht is, kann sich keen Mensch beklage:  
 so wie ichs' kaaft habb, haww' id's widder feel.  
 Do kummt im Rettungsfack en schwerer Klumpe,  
 unn owwe ruft's: „Denn löst in d' Bütt nein plumpe!“  
 Plumps, leit 'r drinn. Was war's? e Malter Meh! —

Do fangt dann Alles helluff an zu lache.  
 D'r Kummedant der heest se zsammemache:  
 die Prob wär aus heut vunn d'r Feuerweer.  
 For 's erschte Mol könnt m'r 's gelunge neune;  
 er hätt derntwege geern nit losse brenne,  
 weil Niemand wisse könnt, wie 's gange wär. —

Die Mannschafft awer dürft sich sehe losse;  
 drum hätt 'r glei vunn Mubeginn schunn bichlosse,  
 deß Ding beim Dag zu halde vor de Lent.  
 Er müßt uns Dank for unsern Eifer sage:  
 m'r sollte schdandhaft sein um nit verzage,  
 do gingt's in Zukunft grad so gut, wie heut!

Jetz war 's v'rbei; an nicks mehr war zu denke,  
 als düchtig uns die Gorgel noch zu schwenke,  
 um jetz geht erscht noch 's rechte Lösche'n an.  
 Der sangt d'r 's Feuerweerlied an zu singe;  
 der halt e Ned um dhut e Hoch ausbringe  
 uf unjer Schprit; dann die war voredrañ.

Jch selwer halt e Ned, vnn hauptmannswege,  
 um loß aa glei zwee Fäße Bier uflege  
 um frog: wie wär's dann mit der neue Wal?  
 Wir sijn so schön heut Dwend grad beisamme,  
 so ufgeweckt, in Feuer um in Flanme;  
 wält, wenn d'r wollt: 's is doch am End egal!

Wie's „Hoch“ v'rbei war, dhut mein Nothber redde  
 um frog: se, waß se sich zu bsinne hätte?  
 „Denn neue Hauptmann“, sächt 'r, „haww ich schunn.  
 „Waß solle mir uns ploge lang mit Wale:  
 mir nemme denn wo's mehrschde dhut bezale;  
 „mir bhalte dich; do sijnm'r glei d'r vunn!“ —

Wie 's weiter war, deß kann kein Mensch nit wiße:  
vun jeh an is e Blad halt rausgerisse  
aus dere Gschicht, unn grad d'rzu noch 's End. —  
Nack's ghört? — Ich hätt jo gsacht: Gutt Nacht Kammrade,  
ich wünscht, daß ball wie heut mit keine Thate  
im Ernst die Feuerweer sich zeige könnit! —

Nosin — chrischtlich wär der Wunsch, kein schdeiser,  
wolluwerlegter; der zeigt Feuer-Eifer:  
wog Haw unn Gut, mein Bissel Lewe mit!  
Wer nit d'rbei is, ja der hot gut redde,  
's gibt dauwend noch, die kenne — wollt ich wette —  
Die Pslichten vun 'me Feuerweermann nit! —

## Wie's Chrschdedhum zu de Deutsche kumme'n is.

Do hawwe se, ungfär vor elshunnert Jor,  
e Sitzung 'mol ghalte'n im Himmel;  
dann so was kummt nit elleen hierzuland vor,  
die schbalde'n alls aach emol Künneel!  
Jor deßemol anwer war's erschtlich d'r weerth:  
d'r heilige Petrus hot Aufschluß begert,  
wie 's schdünd mit d'r Heidebeterung.

Uun hot denne aarme Aposchdel dann all,  
'm Luzius — unu wie je so heese —  
'm Columban selbscht unu em heilige Gall,  
for gut die Levitte gelesse.

D'r Fridolin awwer geht gar nit recht bei,  
minu Bonnifaz unu mit noch zwee odder drei;  
so arg hot meiu Petrus do gsuddert.

Ja — sächt 'r zum Paulus — Kolleg, do redd du!  
do hammir 's doch annerischt getriuwe,  
unu Wunner gewirkt unu gepreddigt d'rzu,  
unu wo m'r nit hiüsiun, hiügschriuwe!  
Ich mach vum mir selwer nit geern so en Krom:  
geht awwer nooch Griecheland odder nooch Rom,  
do könnt 'r 's noch heutigsdags lese!

In Frankreich unu Schbannje do is keen Gewinn,  
ich habb mich schunnt oftmols gewunnert:  
was is d'nn do gschehe, zeit ich ninumehü bin  
an demn jetz in siuwe Forhunnert?  
Seyn dann nit die Mords-Sarazene noch dort?  
aus Frankreich, do seyn se jo knapps noch erscht fort,  
d'r Rarel Martell hot je heemgschickt!

For Frankreich unu Schbannje do geww ich keen Bon;  
deß is zu e lustiges Gjindel  
Ihr wißt jo doch selbscht, bei d'r grose Natzjon  
war Alles vum jecher nor Schwindel!

Uun will, one Deutschland, d'r Babscht jey am End  
Europa bekere: e schön Rumpement  
vum mir, unn er wär uf 'm Holzweg!

Die Deutsche, deß is so en düchtiger Schlag;  
drum sinn ich deß ganz unbegreiflich,  
daß kenneer vum euch zu de Deutsche do mag. —  
Warrhaftig'nGott, do v'rzweisl' ich!  
Wann deß noch so fortgeht, do weess ich kenn Noth!  
Ihr müßt aa waß woge; umsunst is d'r Dod,  
säch't's Schprüchwort, unn der koch't jo 's Kewe!

Ei, säch't do d'r Paulus, waß soll deß narr seyn?  
Ich kann meine Dre kaum traue!  
Mein, Petrus! schdeck ruhig dein Schwert widder ein:  
's gibt desmol kein Dr abzuhaue!  
's meent Alles jo, daß de nit flor im Kopp wärscht;  
odd'r bischt mit em linke Fus hent widder z' erscht,  
wie gewönlich, zum Bett raus? Du Hiskopp!

Guck narr de Beatus, de Fridolin an,  
de Columban; unn waß hot der do,  
d'r Bonnifaz nit schumm for Deutschland gedhan!  
D'r Gallus, d'r Meinrad, unn wer jo  
die Männer all ware, wie d' wennig mehr sinnscht,  
die hawwe um Deutschland e großes W'rdinnscht.  
Sie solle nor selwer 'mol redde! —

Ja, sächt do d'r Columban, Paulus, 's is wor;  
 hoſcht ganz Recht: m'r müſſe'n uns weere,  
 funſcht wirft eem der Petrus — Gott weef waß noch — vor.  
 Er ſoll 'mol die Deutſche beſere;  
 er ſoll emol predilige! noht merkt er's aach.  
 's is Worheit: er trifft dort 'n düchtige Schlag,  
 awwer düchtige Schläg treffe i hn dort!

Em Petrus ſein Aſicht vunn Deutſchland iſch ſchief;  
 ich kann ſe 'mol annerſcht nit heeſe.  
 Schreib Gener de Deutſche en'n Wage voll Brief —  
 forr waß? — 's kann ſe doch ſein Menſch leſe!  
 Sie könne nit leſe, die Deutſche — keen Schur,  
 ſie könne nit ſchreibe, als höſchdens „Fraſdur“ —  
 in Rom kann'r 's aa jek noch leſe.

Do hot ſich d'r Gallus geräuſchbert, unn ſächt:  
 Uns dhune keen Wunner gerothe;  
 deß gſchdehne mir offe, do hot 'r ganz Recht,  
 for Wunner is Deutſchland keen Vode.  
 Dann Gſchwindigkeit — heeß't's dort — is keen Hexerei;  
 die Hochzich vunn Kanaan die is v'rbei:  
 jek macht m'r kenn Wein mehr aus Waſſer!

In Deutſchland do kennt m'r nicks annerſchts, wie Bier;  
 gäb't's Wein, hätt ich Luſcht glei zu wette:  
 Mir dhäte jek Wunner noch wirke wie ihr;  
 do müßt die ganz Welt d'rvunn redde!

Um Wein wäre sicher die Deutsche recht froh,  
dann wie m'r die Mäus fangt, deß wisse m'r jo,  
die gingte gewiß an die Leimruth! —

Ja, ja! hot d'r heilige Bonnesaz gsacht,  
wär ich vunn de Deutsche gebliuwe,  
wie's ihr zwee hatt mit de Corinther gemacht,  
etjettera — unn hätt norr gschriuwe,  
deß hot jo nicks uf sich, hott's Kreuz-Sappermojcht:  
mich hätt's nit in Friesland mein Lewe gefoscht't!  
Unn jetz heeß't's, m'r dhäte nicks woge! —

Unn so hot mein Petrus mit Jedem sein Noth;  
schier Jeder der gibt 'm sein Dappe.  
Vor lauter Berlegenheit weeß 'r kenn Noth,  
kein Ausredd, die äuscht nor dhät klappe.  
Sogar noch d'r Paulus sächt: Sichscht wie de bischt?  
du hoscht dich in anner Leut from neingemischt,  
unn hoscht in e Wefzenescht gschdoche! —

Noñ! Noñ! sächt d'r Petrus, macht narr nit so fort,  
ich bin mit euch herzlich zufriede;  
grad bsinn ich mich widder: ihr wart jo all dort.  
Der Schtreit is so gut wie entschiède.  
's is lang nit so gsärllich, wie du am End glaabscht;  
ich kann mich doch erre: ich bin jo kein Babscht, —  
war halt norr im heilige Eifer.



In Deutschland do hatt ihr en mißliche Schdand,  
 deß haww ich schunn oft müße höre.  
 Die sinn d'r mim Druffschlage glei bei d'r Hand,  
 dann deß sinn jo Kerl wie die Bäre.  
 Do hätt ich e Mittel, haßt norr emol uff;  
 grad bringt mich d'r heilige Gallus do druff,  
 deß sollte m'r, meen ich, prowire!

Es kann sich nit sele, do horcht emol jek,  
 waß mir for e Licht is ufgeange.  
 Ich werf emol üwer deß Deutschland mein Netz;  
 ihr wißt, daß ich „Mensche soll fange“.  
 Die Deutsche sinn zwar e roh Volk noch, e grobbs,  
 graggeelig unn trugig unn allsfort ihrs Stopps,  
 unn doch werd m'r Wunner erlewe!

Do wont so e luschdiges Volk in d'r Palz,  
 in des setz ich all mein Vertraue —  
 unn dort fang ich an, unn loß nöthigenfalls  
 brav Kerche'n unn Alöscher hiübaue.  
 Sie sinn zwar nit all mußiggalisch genunt,  
 dhun awwer gern singe'n unn lieve de Trunk;  
 die gehne m'r sicher in's Garen. —

Mein, schdeck m'r die Plän uf unn schbar d'r de Schbott,  
 fächt do jek d'r Erzengel Michel,  
 fumscht kummscht de vum Gaul uf de Esel, weiß's Gott!  
 Unn loß m'r dein eefältigs Gschdichel

uf Deutschland nor bleibe, deß dappige Gschwäg.  
Sein Vewe Dag fangscht du kenn Pälzer mim Net,  
an denne do werrsch dich v'rluure!

Ach waß, sächt d'r Petrus, so loß mich mein Krom  
doch erscht emol aach explizire!  
's heest doch, alle Weg jo die füre nooch Rom,  
unn do werd aach meiner hinfüre.  
Hoscht wege de Pälzer Schbeckdäfel gemacht  
am End, weil ich nicks wie die Worheit hab gsacht  
vum Trinke'n unn Singe! is 's annerscht? —

Jez mischt sich die heilig Cäcillje noch nein  
unn macht glei e Langes unn Breetes:  
Bumm Petrus könnt deß nit so böß gemeent sehn;  
die Pälzer, deß wüßt jo e Jedes,  
die Pälzer, die wäre geern munter unn froh;  
deß wär jo nicks Unrechtes — sächt se — deß do,  
unn macht halt e welts langie Preddig.

Deß Vewe is schön wol in Wälder unn Berg; —  
for's Herz unn de Sinn zu erbaue,  
geht awwer d'r orntliche Mensch in die Kerch.  
Drum muß m'r em Petrus v'rtraue;  
unn siun se aach nit mußiggaliß genuch:  
's hot aa nicks zu sage, do schreiw ich e Buch,  
mit ganz neue prächtige Pieder. —

Bischt schdill! jächt d'r Michel, sunscht trickscht mich  
an 'n Hals!

Du wärscht m'r nit ümwel v'rriße.

Dann vum „neue Gsangbuch“ do will in d'r Palz  
— v'rjchdehscht mich? — sehn Deuwel was wiße! —

Hol Gener die Kasseemaschin emol dort,  
sunscht geht dere Schnäpperdäsch 's Maul in Gem fort,  
unn klappert druff los wie e Mühlrad. —

Hör! jächt do d'r Petrus, daß du nor sehn Brief  
in's Kumplementirbuch dhuscht schreibe!

Du bischt doch warhaftig aa gar zu massiv;  
so loß doch die Grobbheite bleibe!

Unn wann de mim Gsangbuch aa Recht hyscht im Grund,  
die Cäcillje, weescht de, deß is die gud Schdumd:  
sie macht uns alls Mußik zum Danze, —

Drum baßt emol uf jek unn sehd emol schdill!

Ich will euch mein Plan jek erkläre,  
unn daß ich sehn Pälzer mim Neg sange will,  
werd jek do d'r Michel glei höre.

Z'erscht baut m'r 'mol Kerche unn Klöschter — nit wor?  
noht rückt m'r, gansch schdill, mit d'r Hauptsach erscht vor  
unn schdellt newer jedie — e Werrthshaus!

Noht baut m'r die Äcker unn lernt's aa die Leut,  
unn plant 'n glei Wingert d'rnewe;  
werd in e paar Järcher e Kerch eingeweiht,  
do trage'n aa schunt unser' Kewe.

Im Werthshaus do treibt m'r halt Ökonomie;  
zum Weinzappe is eß nadürlich zu früh,  
denn zappt m'r d'rerscht an der Kerwe.

Unn Musif d'rzu noch, do fricht m'r se rum;  
do müsse se schpringe'n unnn danze.  
Ich meen emol ewe, der Plan wär nit dumm,  
m'r könnt se uf die Art furanze.  
Ja, lieber Erzmiachel! bild dir nor nit ein,  
daß ich die minn Reß fang; die fang ich mit Wein,  
unnn wann ich mein Kopp in d'r Palz loß! —

Do hot der sich nit mehr d'rgege gewehrt;  
's is recht, sächt 'r, waart narr bis morge:  
ich schick e paar Engel expreß uf die Erd,  
die müsse for Alles noht sorge.  
Proßt Petrus! — So! 's gilt: for de Wein do sortscht du!  
- unnn Cäcillje die bsorft die Musif d'rzu,  
for Deutschland do sorgt d'r deitsch Michel! —

's baut Alles jek Kerche'n unnn Wingert drum rum,  
die Lent in d'r Palz zu befehre,  
de wormser, de meenzer, de schbeyermer Dumm,  
de heil'ge Aposchdel zu Ehre;  
unnn Klöschder: zu Weißeburg, ümwerall wo  
brav Wein wächst: zu Händese, Vorsch unnn d'rnoh  
an d'r Haardt, do bei Dörggem die Limburg.

Im Anfang, do hawwe die Leut do sich alls  
 bodriiwwer erschdaunt unn v'rwuunnert,  
 nadürllich: so ufgeklärt war jo die Palz  
 noch nit, wie in unserm Jorhuunnert!  
 Waun atwer e Kerch emol dogschdanne hot,  
 unn 's war uf d'r Kerrwe recht luschdig unn flott  
 beim Wein, deß hot Jedes begriffe.

Dann so waß deß leucht't doch de Pälzer glei ein.  
 Sie dhun ball die Mönch iwwerlaafe,  
 unn wolte aa Kerrwe mit Musik unn Wein,  
 unn losse sich schaareweis daafe,  
 unn baue sich Kerche. Die müsse zuvor  
 nadürllich erscht fertig seyn, deß is jo klar,  
 eb daß m'r se feierlich einweih't!

Die Pälzer hawwe nit wie d'r Kaiser gedenkt:  
 Bei uns bleibt hübsch Alles beim Alde.  
 Neen: Do fricht m'r doch klare Wein noch einßschentt,  
 denn Glaawe denn wolte m'r bhalte.  
 Unn Sunndags do schtrömt's nor so her vunn de Berg,  
 unn Jeder nimmt noch e paar mit alls in d' Kerch,  
 unn nooch d'r Kerch in die Elsfuhrneß.

Gewönlich war Herweg unn Hinweg nit schwer;  
 hot's atwer 'mol gschütt't wie mit Kümwel,  
 so unner d'r Preddig grad odder noochher,  
 do mußte se, wol odder iwwel,

im Werrthshaus drinn bleiwe unu ware noch froh,  
daß 's gange'n is. Sellwicksmol ware halt jo  
die Barblee noch lang nit erfenne!

Geu Werrthshaus hot's aa schunn jetz nimmer gedha'n,  
— die daase die Leut um die Wett jo, —  
noht baue sich Raasleut unu Handwerker an,  
unu hall schdehne Dörfer unu Schdädt do.  
D'r Wein gibt 'm Heidedhum vollicksch de Rescht:  
d'r Herbst unu die Kerwe, deß chrischtliche Fescht,  
die sinn jetz die Pälzer die liebschde.

Dann, schdeht so e Kerch — ja do lad't m'r die ganz  
lieb Nothberschaft ein uf die Kerwe.  
Do gibt's noch beim Schwanewerrth Mußik unu Danz,  
unu so dhut sich's weiter v'errewe.  
Unu „Luschtig“ war ewe halt ümwerel Trump,  
's hot Genie vum Danze sogar ihren Schtrump  
zu Pauterbach driuwe v'rlöre! —

Wie atwer mehr Kerche unu Kerwe'n am End,  
als wie Dag im e For, emol ware,  
do hot m'r noht nimmehr uf jedie gekönnt,  
wär m'r aach uf e paar im Dag gfare.  
Unu schbäder kummts gar durch de Fortschritt so weit,  
daß jedes kleen Rescht, jeder Hof mit d'r Zeit,  
aach one Kerch, Kerwe hot ghalde.

Um awwer denn chrischtliche Sinn do nit gar  
durch Wedbleiwe jeh zu v'rderwe,  
do finndt m'r e Mittel d'rfür, unn deß war  
e allgemein pälzische Kertwe,  
wo Jeder sein Freund unn Bekannte gewiß  
all antrifft, wann's äuscht in d'r Möglichkeit is:  
deß is uf em dörggemer Worschtmark. —

Weil 's Chriischdedhum awwer deß glückliche Ziel  
hot norr durch de Petrus errunge,  
unn durch d'r Cäcillje ihr luschtiges Schbiel  
die Kertwe is niemols mißlunge:  
drum hot m'r jeh dort de „Cäcilljeverein“  
unn dhut aach en'n Berg dort, nit narr so zum Schein,  
mit Recht jeh de „Peterskopp“ heese.

„'s muß glücke mim Wein“, hot d'r Petrus jo gsacht,  
„unn wann micks de Kopp aa sollt koschde!“  
Drum is jeder Trinker — genauer betracht't —  
hauptsächlich als Christ uf sein Poschde:  
Mir sinn jo all Christe norr worre durch Wein!  
'n Beweis, daß eß Chriischdedhum Worheit muß sehn,  
dann: Im Wein do is Worheit, sacht 's Schprüchwort.

## Die Pflicht.

Got Geyer wuß Guts odder Böses gedhan,  
verschdanne? des sicht m'r am Gesicht eem schunt an,  
unn drum is e chrischdliches Gesicht en Beweis,  
daß ich aach e Christ bin mit Eiser unn Fleis.

Mit Eiser unn Fleis do gibt's oft e leers Faß,  
do werr ich vor Schrecke doch allemol blaß,  
do seh ich euch aus, so v'rschdört unn betrübt,  
als hätt ich die allergrösch Schanddhat v'rübt!

Unn 's Chrichdeddhum will, daß m'r brav is unn gut,  
unn daß m'r sein Pflicht unn sein Schuldigkeit dhut,  
unn 's Böse dhut meide, unn wär's narr d'r Schein;  
drum is mir des Blasseyn e schreckliche Pein! —

Unn weil e leer Faß mich so schändlich verschreckt,  
werd ewe glei widder e'n anners angschdeckt:  
ich frich widder Farb unn seh nimmehr so blaß  
unn unchrischlich aus, wie d'r Reid unn d'r Faß.



Mein Backe sinn roth unn mein Nas die is bloo;  
 deß gfallt m'r, ihr Leutcher, dann 's ghört sich e so.  
 Drum geh'n ich for Freed euch aach an wie e Licht,  
 dann deß heest uf pälzisch: e weingrünes Gesicht. —

Unn d'r Glaawe is bloo, unn die Lieb die is roth,  
 unn grün is die Hoffnung; do hot's jo keen Noth:  
 do hatow ich — wie Jeder vunn selwer jo sicht —  
 nadürlich doch aa 's allerchrischdliche Gesicht!

Unn hot so en erz Bruder Luschdig dann schdets  
 deß chrischdliche Sinnbild vor Lage, do geht's;  
 do v'rliert 'r die Tugend nie aus 'm Gesicht,  
 unn drum is eß Trinke'n e chrischdliche Pflicht!

---

## D'r Candidat.

Dst schtreide sich die Vent jo rum,  
 — warrhastig 's is zum lache:  
 d'r Gene heest de'n Annre dumm,  
 unn — ihr dhut 's grad so mache!  
 Ihr zankt euch aach um Rang unn Echdand,  
 unn Keener denkt an mich;  
 unn Nimand hot im ganze Land  
 en'n höh're Rang wie ich. —

Unn wär aach Gener Jenneral,  
 en Annerer Minischder,  
 en Dritter gar en Cardinal,  
 en Virrder — sunscht Philischder;  
 e größer Dhier en Fünfsder noch,  
 en Sechssder Diplomat:  
 is vunn en'n all nit eener doch,  
 wie ich — en Candidat!

Ja, ja! ihr habt die Wal im Land,  
 zält her — Herz waß begeerscht de! —  
 Ich sag: D'r Candidateschdand  
 der is unn bleibt d'r erschde.  
 Macht keñn geleerte Gfichter so,  
 als Gott'rschprich: wie dumm!  
 dann waß ich sag, beweis ich jo,  
 do habt keñn Sorge drum.

's kann bis zum Jenneral am End  
 en jeder Dammboor schdeige:  
 en Candidat werd Präsedent,  
 Minischder unn dergleiche;  
 Abt, Bischof odder gheimer Rath,  
 wie's ewe geht e so:  
 Professer odder Diplomat,  
 unn Gsandter irgendwo.

Korzum: 's kann jeder Candidat  
 e hochie Schdell erringe,  
 unn kann's, als geischlich unn im Schdaat,  
 zu ebbes Rechtem bringe;  
 die Aussicht anwer, daß 'r schdeigt,  
 v'rliert 'r immer mehr,  
 unn erscht noch, wann 'r gar villsleicht  
 Babscht odder Kaiser wär. —

En Schdand, wo gar festn Aussicht is,  
 waß Bessers noch zu werre,  
 deß is e gringer Schdand gewiß,  
 do werd m'r schwerlich erre;  
 unn drum behaapt ich immer noch:  
 Bum A bis B im Land  
 is ewe halt d'r erschte doch  
 d'r Candidateshdand. —

& mancher großer Herr bei Hof  
 begreift so Ebbes schwerlich,  
 herngege ich als Philosoph,  
 ich sinn des ganz erklärlich.  
 's is Jeder jo, beim Licht betracht't,  
 en Candidat am End,  
 ganz alleens, was 'r is unn macht  
 unn was 'r kann unn kennt.

Meest durch die Welt durch, kreuz unn quer:  
 's sinn alle Potendate,  
 die Baure unn die Bürgerweer  
 sinn Dodescandidat;  
 en Heurathskandidat gewiß  
 was leddig is im Schdaat,  
 unn was noch nit gebore is  
 is Menschheitskandidat.

Ei! 's zeigt sogar die ganz Natur  
 vunn unserm ältliche Meeschder,  
 schunn in d'r Schöpfung, jo e Schbur  
 als Candidat als gröscher;  
 dann eb die Welt noch so im Wuchs  
 hot gschdanne'n unn im Schdaat,  
 war unser Herrgott weiter nicks  
 wie Schöpfungskandidat. —

Drum bleiw ich ewe was ich bin,  
schdeht aa mein Name, leider!  
'mol schbäder nit im Blättche drinn —  
's Exame macht nit gscheiter.  
Js aa mein Schädel nit geacht  
vum Prüfungskummeßär,  
um denn beneid't mich doch v'rleicht  
e mancher Wollondär.

Uun so lang dörfe vord'rhand  
aach die Philischder brumme,  
als aus em Candidateschdand  
die gröschde Männer kumme.  
's is mium Exame nit gedhañ,  
m'r hot Beweis d'rvuñ:  
dann schdellt m'r sich nit selbscht gut an,  
kann's aa d'r Schdaat nit dhuñ.

Drum will zum Dheel die Zunft sogar  
die Prüfung falle losse;  
die Kunst, wo frei vunn jeher war,  
hast aa dergleiche Bosse;  
wer anwer mit 're Wissenschaft  
sich durchzubringe denkt,  
uun macht 's Exame, sicht sein Kraft  
grad uf sein Fach nor bschräakt.

Da hot's halt doch 'n Candidat  
 als besser noch gedroffe:  
 demm schdeht jeds Gschäft, die Kerch, d'r Schdaat,  
 demm schdeht die Welt noch offe;  
 dann wann m'r keen Exame macht,  
 is eem keen Weg v'rschberrt,  
 unn sicher, daß m'r noch, wie gsacht,  
 was Außerorntlichs werd! —

Unn weil der Schdand, Gott sey's gedankt,  
 dhut so vil Aussicht biete,  
 is Jeder, wo nit mehr v'rlangt,  
 aach sicher mit zufriede;  
 kenn Brodneid, wie bei anner' Lent,  
 kenn Gschäftszwang trifft m'r do:  
 's bschdeht unbedingtie G'werbsfreiheit,  
 wie nergends annerschtwo.

Unn doch braucht Keener keen Badent  
 unn zalt keen Tax unn Schdeuer!  
 Drum wann's noch langt, daß ich am End  
 mein Juviläum feier',  
 do ruf ich: „'s war zu jeder Zeit  
 „d'r erschde jo im Land,  
 „drum hoch in Zukunft — so wie hent —  
 „d'r Candidatechdand!“

## 's Schicksal.

---

Deß Gedicht im Radler himme,  
vunn demm lump'ge blooe Rock,  
kann ich nit for richtig sinne,  
wann ich so im Werrthshaus hoch;  
ich hab's zwar schunn lowe höre,  
awwer ich — kann nit druf schwöre.

Wann se dort in's Werrthshaus gehne,  
fricht die Schuld der blooe Rock;  
unn bei mir? — ich habb jo keene! —  
wer macht do de Sündebock? —  
Ich habb schwarze, braune, grüne,  
awwer blooe? — Tell mich Ihne!

Neen, deß wäre schlimme Händel.  
Dann deß wär jo schdadtbekannt,  
wann eem eener hätt am Bendel —  
sächt d'r Radler — gäbt's 'n Brand;  
dann 's wär denne 's größcht Vergnüge,  
eem in's Werrthshaus neinzuziege.

Wann'r eenmol ein dhät lehre,  
 wär 'r ewe Herr im Haus;  
 's gäbt demm blooe Rock zu Ehre  
 halt en'n Brand, unn do wär's aus.  
 Deß soll mir zur Warnung diene,  
 den' ich, ich trag höfchdens grüne!

Awwer grüne, schwarze, braune,  
 wie ich se am Leib nor schbür, —  
 hawwen aa, 's is zum Erschdaune,  
 ganz die nämlich Kraft bei mir!  
 Wo mag do d'r Grund drin liche? —  
 Wann ich deß wüßt rauszufriche! —

Soll's dann in de Knöpp drin schdecke? —  
 Is d'r Schnitt, d'r Nähts drañ Schuld? —  
 Deß isch schwerlich zu entdecke,  
 do v'rliert m'r die Geduld.  
 Wüßt ich deß nor zu ersare,  
 könnt ich manchen Bage schbare!

's will vunn meine Röck jo jeder  
 mit Gewalt in's Werrthshaus nein;  
 drum macht's aa die Farb nit, seht 'r!  
 unn die Woll kann's aa nit seyn:  
 dann mit leinene im Summer  
 haww ich ganz de selwe Nummer!



Uun wenn soll ich deß zuschreibe,  
daß ich Summers, bei der Hiß,  
will noch länger siße bleibe,  
wann ich one Noß dosiße?  
wann ich 'n habb ausgezoge? —  
Deß dhut mich am mehrschde ploge.

Neulich haww id's gscheut ańgfange,  
bin vunn z'Haus uff unn d'rvunn  
one Noß in's Werrthshaus gange,  
denk: Ich dhu d'r nit die Gunn;  
ich kann nimmehr länger schweige,  
dir muß ich de Meeschder zeige!

Awwer — 's war die nämtlich Leier  
one Noß, wie mit 'm Noß!  
's war mir selwer nimmehr gheuer,  
wie ich so im Werrthshaus hoß  
unn an Bänk unn Schdül bleib hente:  
's war an's Heemgehn nit zu denke! —

Jetz haww ich de Grund erfare,  
Dags d'rnooch, ganz one Mith:  
weil mein Hoffe abgschprengt ware,  
üwverzwerch am linke Anie,  
haww ich annre ańgezoge,  
unn die Gschicht war wie wed=gsfloge.

Konnt mein Dorſcht im Wertrthshaus ſchdille  
wie ich wollt, mit Bier unn Wein,  
konnt aa nooch mein freie Wille  
aus eem raus, in's annre nein;  
's hot kein Rock mehr neinzu's gschowe  
unn beim Fortgeh'n kenne'r ghowe!

Dann 's war aus mit denne Vosse.  
Unn wer hot denn Schtreech mir gschbielt?  
Mit mein Rock, — mein blooe Hosse!  
Deß harw ich vunn Schdumd an gfült;  
zeit ich annre habb getrage,  
harw ich selde köune klage.

Denk ich: Jez is vil gewunne,  
du bischt e gemachter Mann,  
dann do hoscht e Mittel gfunne,  
wo m'r vil mit schbare kann.  
Die Entdeckung will was heese,  
do kunnst du — e Badent druff löse! —

Awwer Alles hot zwee Seite,  
unn die Freed uf deß Badent  
dhut zum Ausgeh'n mich v'rleite,  
unn mim Schbare war's am End.  
Was war Schuld an so 'me Lewe?  
Ja! d'r blooe Mondag etwe!

Dinschdags wollt ich's grad schunn lowe,  
 daß keen blooer Mondag wär,  
 do hot mich's im Werrthshaus ghowe,  
 bis id's Lumpeglöckel hör!  
 War ich Schuld dran, schdrenge gemunne?  
 Neen! die bloo Dabeet mit Blumme!

Bin de'n annere Dag glei bleede  
 unn uf so en'n Keller naus,  
 dann do sinn jo keen Dabeete,  
 unn — bleib richdig hocke draus  
 bis zuletscht in demm Gedümmel.  
 Waß war Schuld? — d'r blooe Himmel!

Do harw ich mich lang jek bsunne,  
 bis ich in d'r ganze Schbadt  
 habb e fremdes Werrthshaus gfunne,  
 unn am End — waß hot's gebatt't?  
 Ich war fescht drinn wie an Schrauwe,  
 dann ich war — im blooe Trauwe!

Schbäder bin ich in de weiße;  
 anwer 's wollt halt aa nik gehn,  
 dann wie ich mich los wollt reiße,  
 do hot's ghabert in de Been:  
 unn ich bleib halt widder hocke.  
 Waß war Schuld? — Mein blooe Socke!

Wie ich weiße habb getrage,  
unn mit nein in's Werrthshaus bin,  
halde mich die blooe Lage  
vunn dem Kellermädel drinn!  
Waß is awwer do zu mache?  
Blooe Lage sün so Sache! —

Blooe Hoffe kamm'r färwe,  
awwer blooe Lage nit,  
höfchdens könnt m'r die v'rderwe,  
unn — waß wär gewunne mit?  
Wo ich jo mein blooe Hoffe  
erscht habb widder flicke losse! —

So vil is jetz klar unn deutlich:  
nit die Noß, die Farb is Schuld,  
unn drum muß m'r unübermeidlich  
sich nein schicke mit Geduld,  
bis die Herrschaft ganz entschiede  
alles Blooe dhut v'rbiete! —

Awwer so waß durchzuführen  
geht m'r doch, scheint's, nit so schnell.  
Mancher dhät sein Noß v'rliere,  
West unn Hoffe'n uf d'r Schdell.  
Unn — die aarme Schadtfrabaze  
mit de blickeblooe Nase!? —

Wasß mit alle blooe Sache:  
 Blumme, Trauwe, Himmel, Berg,  
 unn de blooe — Mondäch mache?  
 Do gingt Alles ümwerzwerch! —  
 Unn die schöne blooe Lage?!  
 Neen! — Ich will mein Schicksal trage! —

---

## D'r Bappe.

---

Ja! Wasser faust Alles — die Fisch unn die Rage,  
 die Schoof unn die Raabfrösch, die Rüh unn die Schbatze;  
 do sicht doch e Feder vun selwer schunn ein:  
 daß Wein odder Bier forr die Mensche muß sein!

Drum etwe werd Unfereens schwerlich sich erre,  
 wann's Wein odder Bier trinkt um menschlich zu werre;  
 meen ich emol so, — nooch mein dumme Verschdand! —  
 dann 's licht flor unn deutlich genuch uf d'r Hand.

's gibt awwer doch Narre, die wo dischbedire  
 unn sage: „D'r Trunk macht die Mensche zu Dhiere!“  
 — 's wär nit zu begreife! — frogt awwer so Leut,  
 do sage se: „Mir sinn dumm Wasser so gscheit.“

Sollt 's Wasser en helle V'rschdand könne mache? — —  
Ge! schwägt m'r narr so kei'n v'rzwerwelde Sache! —  
do wär jo warrhaftig schunn lang e jeds Dhier,  
en Dchs unu en Esel so gscheit als wie ihr! —

D'r Wein dhät die Mensche zu Allem v'rleite,  
behaupete die Leutcher. — 's hott nicks zu bedeute,  
dann ich behaupt: Grad des hot 's Wasser gedha'n,  
Nemmt narr 'mol em Noah sei'n Vorfarer an!

Die hawwe jo all nicks wie Wasser getrunke  
unu sinu doch so arg noch in Sünde v'rsunke,  
daß 's gheese hot: „Wann ich euch widder so finu,  
„Noht werre ich euch zeige, daß ich d'r Herr bin!“

Dodrum hot sich awwer kei'n Deufel bekümmert:  
d'r Noah alleen hot e Arch sich gezimmert,  
„Weil 's Wasser kei'n Balke hot“, hot 'r alls gsacht,  
wann Gens odder 's Ann're hot driiwwer gelacht.

Unu wann, nooch d'r Sündflut, Gott hawwe hätt wolle,  
daß die Mensche mit Wasser de Dorscht lösche solle,  
— wo 's jo die ganz Welt nähscht zu Grund hätt gericht't —  
do hätt doch d'r Noah kenn Wein'schdack nix fricht!

„Guck“ hot 'r gsacht, „Noah! ge her — im Vertraue —  
„Da, do dhu 'mol jezert des Wein'sche do baue!  
„dann 's Wasser — des is e schwerrnothses Getränk,  
„do kräächt noch am End die ganz Herrberg die Kränk.“

„Drum dhu m'r in Zukunft vum Wasser wechbleitwe!  
 „Mit Wein kamscht d'r besser die Grille v'rtreitwe;  
 „narr awwer — fein sachte! dann der schdeigt in'n Kopp,  
 „unn eb m'r sich umguckt, do hot m'r en'n Zopp!“ —

Hätt 'r norr de Gambrinus vor'm Noah erschaffe,  
 hätte 's Wasser die Menschheit nit wech könne raffe!  
 — M'r schreibt unserm Herrgott nit geern ebbes vor,  
 dann 's gschicht am End doch nit! Deß awwer is wor:

Beim Bier wär die Menschheit so arg nit v'rwässert,  
 unn hätte sich beim Schaffe viel ennder gebeffert;  
 m'r hätte 's meenschde Wasser zu Bier jo gebrant,  
 unn schdatt d'r Arch Noah alls Fässer gebant!

D'r Deufel hätte aach zwoor en'n Manche geangelt,  
 zur Sündflut hätte's awwer an Wasser gemangelt. —  
 Do hätte unser Herrgott gsacht: „Luscdiges Blut!  
 „So gfallt m'r, 's! — Deß mache die Kerlcher jek gut!“ —

Weil awwer jo Hoppe unn Malz war v'rlore  
 an so Lent, do war 'n d'r Unnergang gschwore;  
 unn derntwege sag ich: „Norr orntlich gelüppt!  
 „dann 's Bier is drañ schuld, wann 's keen  
 Sündflut mehr gibt!“

## D'r Verliebde.

---

Wann ich halt ewe sell Mädcl seh,  
bubbert m'r 's Herz in d'r Bruscht,  
unn ich hab Müh, wann ich weider geh,  
daß 'r 's nit noochhupst vor Luscht.

's hot euch e Gfichtel, do wett ich druf:  
waß d'r nor Luscht hatt, ihr Leut,  
kummt's emol mit demm in'n Himmel auf,  
friche die Enget halt Schreit!

Unn e Paar Nage, so blau unn flor;  
gußt's eem mit an — meiner Tren!  
's Herz geht eem uf, wie e Scheuerdhor,  
unn do is's aus unn v'rbei!

Herz unn Kopp is m'r so voll d'rünn,  
's geht gar nicks Annerschts mehr nein,  
unn nooch meim Plännache könnt ich schunn  
Lustschlöfferbaumeeschder sein! —

Aus unn v'rbei is mein froher Sinn,  
unn mein Humor wie wech ghezt!  
Unn ich werr, wann ich in Gfellschaft bin,  
nicks wie géuzt unn genedst.



Moññ! ich dent: Punktum unn Sand bodruf;  
's Gscheitscht is, wann d' so waß verbeischt,  
— du gibst die Hoffnung jo doch nit uf —  
deß schenirt kenn grose Geischt.

Awwer bei all Demm, do bin ich halt  
jetz doch vil lieber alleen;  
bin jetz vil lieber in Feld unn Wald: —  
ach! 's is im Freie so schön!

's letschde Mol, wie ich so draus grad war,  
unn dent an all Deß zuriick,  
war m'r 's, als mach ich im Freie gar  
heut noch als Freier mein Glück.

Sab se jo — dent ich — aa seiner Zeit,  
's erschde Mol gsehe do haus;  
wann se m'r do jetz begegnet heut,  
schütt ich mein Herz emol aus. —

Uwwerdemm kummt se d'rher unn lacht,  
munder unn flink wie e Lerch,  
unn ich — habb halt e dumm's Gesicht gemacht —  
schdeh wie d'r Dchs do am Berg!

Grad wie d'r Adam beim Sündefall,  
wie 'n unser Herrgott verwischt  
unn dhut em rufe: „Moññ! werd's dann ball?  
„Hannadem, vorwärts! Wo bist? —“

So wasß deß is mir zwor nie bassirt,  
doch wär's keen Wunner, warrhaft,  
wamm'r eem so in Versuchung föürt  
unn so blicß Mäde erschafft! —

Wär ich nor wennischdens Königssohn,  
gäbt ich demm Mädel jo gleich  
's Herz uf d'r Schdell unn de Königsdhyron,  
Purpur unn Zepter unn Reich. —

Hätt ich ihr Herz hent erowert, dann  
wollt ich gern sage: Ich bins!  
So anwer bin ich en gschlag'ner Mann  
unn narr en dabbeter Prinz.

Wamm'r jetz gar noch an Weltshmerz leid't,  
do kummt m'r arg in's Gedräng,  
do werd eem 's Herz ewe vil zu weit,  
unn 's badisch Ländel zu eng. — —

Mädel! du hoscht m'r de Kopp verrückt,  
— 's is jo zum Narr'schwerre grad —  
wamm'r 's beim näkscht' Mol nib besser glückt,  
werr ich halt ewe Salbat. —

Macstcht d'r dann gar keen Gewissensbiß?  
dann mir reißt hall die Geduld;  
unn wann am Rhein do haus Krieg noht is,  
is dein hart Herz ewe Schuld.

Schreitw ich mein Weltschmerz em „Monidör“,  
werd der for Freed schier verrückt —  
bringt en'n Ardicke: bei uns do wär  
Freiheit unn Recht unnerdrückt!

Ball d'rnooch hört m'r mein „Schmerzenschrei“  
drinn in Barries, noht werd's schön:  
do is Dags druf dann, bei meiner Tren,  
schunn d'r Franzos uf de Beeñ.

Drum — eb ich Deutschland in's Unglück schdörz  
unn such glei Hilf in Barries,  
leg ich 'r lieber mein aarmes Herz  
erscht noch e Mol vor die Fües.

Unn wann ich trutz demm halt doch nit sieg,  
wann se mich doch nit erhört:  
noht is — Gott's Name! — bei uns d'r Krieg  
grad schunn so gut wie erklärt.

Geh't's dann aa blutig in Deutschland zu,  
ich bin do unschuldig dran,  
mach's noht wie seller Thyrolersbuh:  
schaff mir e'n Unnerie a ñ!

## Dr Maimark.

„Noñ, du warscht in Mannem drunne?  
 „Hoscht d'nn aa wasß Drntlichs gfunne?“  
 hatw ich zu mein Noohber gsacht;  
 sächt er: Neen, — unn hot gelacht.

Sag ich: „A, ich will nit hope!  
 „Is eß nig gut abgelosse?“  
 Sächt er: Mein, bei demm Gewerr  
 bischt jo deiner nimmehr Herr.

Do war gar nicks anzufange;  
 faum bin ich in d' Schdadt neingange,  
 hatwe mich aa Zwee verwißt:  
 „Deß is recht, daß d' aa hier bischt!“

„Wolle m'r in 'n „letschde Heller“,  
 „odder uf de „Löwefeller?“  
 „Herrgott is d'r do e Bier! —  
 „Du bleibschd jedenfalls heut hier?“

Erstcht muß ich mein Gschäfte bsorge,  
 sag ich. „Ei, deß dhuscht de morge,“  
 hot's glei gheesse; „sey nor gscheut,  
 „heut kummscht nit an bei de Leut!“

Vierwer, als lang rumzuzanke,  
bin ich mit, unn mein Gedanke  
ware: Bleibsch e Bissel dort,  
unn noht machsch dich heemlich fort.

Uf demm Keller, kann ich schwöre,  
konntscht dein eege Wort nit höre;  
am bawlon'sche Dhorn war jo  
keen so Lärme, als wie do.

Do fließt 's Bier — 's is nit zu bschreibe —  
könntscht, wees Gott! e Mül mit treibe,  
dann do sickscht de, sag ich dir,  
nicks wie Himmel, Leut unn Bier!

Schier e Duzend Kellermädle  
schnorre rum wie Feuerrädle,  
unn noch drei vier Fackse mit;  
awwer deß langt Alles nit.

Wie mir amme Disch ganz hinne  
forr uns Drei e Plägel finne,  
licht d'r do e Fässel uf,  
unn die leime druf unn druf.

Noñ, deß simm'r schöne Sache,  
denk ich, was is jetz zu mache?  
Unn hoch mich halt aa d'rzü;  
emnder war jo doch keen Ruh.

Wie ich fort will, freischt e Jeder:  
 „Ach dein G'schäfte bsorcht du schbäder,  
 unn die Meß — deß weescht doch aach —  
 „dauert jo noch verrzeh Dag!“

„Was de kaafe willscht, deß finnscht de  
 „alls noch, unn die Wasserkünsche  
 „ufem Keller schpringe jo  
 „heut zum erschde Mol. Bleib do!“

's war d'r halt nit fortzukumme.  
 Gener hot mein Schdock genumme,  
 unn e'n Annerer mein Rapp,  
 unn sächt: „Trink jetz unn waart's ab!“

Denn Schbekdadel! — unn d'rzwische  
 hot's als: „Alleweil!“ gekrische,  
 „Jetz geht's los!“ Ich baß unn baß;  
 awwer meenscht do kämt etwaf?

Keen Gedanke! Lauter Boffe!  
 Do haww id se hocke losse,  
 's war for mein Geduld zu schdarr,  
 unn bin vorzu's uf de Mark.

Ich loß mir enn Gaul do zeige  
 unn denk, do kannscht aa nusschdeige,  
 denn prowirscht de selbscht emol.  
 Awwer denk norr, denn Krambool:

Ich schdeig nuf, unn wie d'r Dünner  
hüwwe nuf unn — drüwwe nunner;  
da! do lich ich d'r im Sand!  
Ich war awwer bei d'r Hand.

Ich hab zwor mein Rock verrisse,  
mach mich awwer gar nicks wisse,  
unn schdeig nuf wie wann nicks wär,  
unn schdolzier do hin unn her.

Noñ, mir werre Handels eenig;  
ich, vergnügt als wie en König,  
denk: jek reddschd de gar feññ Wort  
unn hent Dwend reitscht halt fort. —

Raum bin ich um's Eck rum gange,  
hawwe se mich widder gfange,  
unn d'r Gene sächt: „So! so!  
„Noñ for dich bin ich daun fro!“

„Du kannschd awwer prächtig reite!  
„Jek nar mit! Jek kann's was leide. —  
„Halt m'r jek nar ganz deiñ Maul,  
„du hoscht do enn wolste Gaul.“ —

Noñ! de gude Gschäfde wege  
loß ich e Faß Bier uflege.  
— Mein! was dhuschd am Maimarkt nit —  
unn am End do mußt ich mit, —

's war keen Ruh, wol odder ümwel,  
in deß blooe Neweschdümwel  
drinn im Haus, unn morgens druf — —  
wach ich halt im Gaschthof uf!

Ich war kaum recht angezoge,  
hör ich drunne nooch m'r froge;  
wie ich nausguß schdeht d'r jo  
Gener mimme Mauldhier do!

Hoscht de dann bei demm Gewussel,  
denk ich, geschttert in deem Dussel  
schdatts en'n Gaul e Mauldhier kaast,  
daß d'r heut der Kerl noochlaaft?

Wie ich hör mein Name nenne,  
denk ich ewe: durchzubrenne  
werd do 's beschde Mittel seyn;  
do kummt grad d'r Kellner 'rein.

Sag ich: Sag dem Kerl dem dumme,  
in 're Schdund, do sollt er kumme.  
Da! do hoscht waß. Vschdell e Schäs;  
awwer — daß es Nimand weech! — —

Hier muß ich noht schbäder höre,  
daß mein gude Freund schuld wäre  
widder an der ganze Gschicht,  
daß ich hab mein Gaul nit fricht.



Dann, wann die — grad rauszurebbe —  
nit deß Mauldhier hergschickt hätte,  
do wär jo doch, uf mein Wort,  
nit mein Gaul unn 's Drufgeld fort.

Noñ, mein Fraa hot's nit erfare,  
warum mir so luschdig ware;  
dann im Ganze, muß ich gschdehñ,  
war d'r Maimark deß Jor schön.

## D'r große Kumeet

vunn achtzehunnert achtefuffzig.

Do, harw ich gsacht, geht jetz 'mol 'raus!  
waß do am Himmel schdeht!  
Grad wie e grosie Ruth sichts aus:  
deß is —, glaab — d'r Kumeet.  
Guckt nar 'mol owwer'm Eckhaus do,  
am Schdorkenescht links schdeht 'r jo! —

Unn richtig, 's war wie ich habb gsacht,  
unn jetz do nimmt 'r zu  
an Grös unn Schönheit jedie Nacht;  
unn 's war nit emnder Ruh,  
als bis 'r glizert wie en Pau,  
als wie beim Vollmondschein d'r Dhau.

Jetz dischbedire schdumbelang  
 die Leut vunn dheurer Zeit,  
 vunn Krieg unn vunn Welt-Unnnergang,  
 wo der Rumeet bedeut't.  
 Ei, sag ich, ihr werd gar nit müd  
 mit Schtreite, kennt'r nit deß Lied?

„Da streiten sich die Leut herum  
 „wol um den Werth des Glücks;  
 „der Eine nennt den Andern dumm,  
 „am End weiß Keiner nicks.“  
 Wie's denne Leut mim Glück dort geht,  
 so geht's grad euch do mim Rumeet.

's schadd't nicks; 's dhut manch gelerdes Haus  
 nit vil d'rvuñ v'r'schbehñ.  
 Die düstle alls nor manchmol raus,  
 die Welt dhät unnergehñ!  
 Dobei is freilich nicks gewiß,  
 als wie: daß Erddhum menschlich is. —

So Gener prophezeit so waß  
 voraus uff dausend Jor;  
 g'schicht's atwer nit, do war's halt G'schbaß,  
 do kann'r nicks d'rvor,  
 wie vorremjor beim Mußikfesch; —  
 unn deß is aa noch 's Allerbescht.

Dann unser Herrgott hot kei'n Pusch  
 — v'rschdanne? — daß 'r 's leid't,  
 daß ihm do Gens in's Handwerk pusch't:  
 des gäbt nor Zank um Schreit.  
 Des is d'r Grund aa — offe gsacht —  
 warum 'r 's Wetter selwer macht.

. Dann in d'r Welt muß Ordnung jey'n,  
 so vil is 'mol gewiß.  
 Wer amwer bräacht die noch so nein,  
 daß so e Finschdarniß  
 zum Beischbil en gelerder Mann  
 uf's Dippeler berechnen kann?! —

Do is 'me jede Schdern sei'n Zeit  
 um aa sei'n Weg schunn bschdinnt,  
 voraus in alle Ewigkeit,  
 daß 'r kenne annere nimmt.  
 Nach der Kumeet folgt seiner Schbur  
 nooch dere grose Herrgottsuhr.

Sechsthalmillione Meile lang  
 is demm sei'n Hoorzopp do!  
 Weß 's Gott! do werd's eem orntlich bang,  
 do gingt der uñgsär jo  
 grad tausend Mol um unser Erd! —  
 (Wann des d'r Zoppabschneider hört!)

In eenezwanzighunnert Jor  
do macht der grad die Kund.  
E schönie Zeit, unn doch is 's wor,  
daß der Kumeet im Grund  
an dere Weltuhr ganz gewiß  
nits wie 'n Seggundezeeger is!

Noôn, könnte deß die Mensche aach? —  
Niemols nit! sag ich euch.  
Ei nit emol en ganze Dag  
gehn jo zwee Uhre gleich;  
herngege lest m'r do unn dort:  
Heut sinn zwee Bahnzüg zsammegschnorrt!

Bassirt so waß bei Bahnzüg schunn,  
wie giugt's dann denne Herrn  
erscht gar beim Fare um die Sunn?  
Do wäre Mond unn Schdern  
v'rsääft unn aa v'rbrennt schunn lang:  
's wär alle Dag Welt-Unnergang!

's Kalennermake wär gewiß  
hernocht kessn grosie Freed:  
dann do kämt bei 're Finschderniß  
oft Sunn unn Mond zu schbät.  
Sächt so 'n Kumeet nit Jedermann,  
daß so waß nor d'r Meeschder kann? —

Weil die Schderugucker awwer doch  
so heemlich dhume mit,  
unn sage, wannu'r frogt, all's noch:  
sie wüßte's selwer nit;  
do sag jetz ich's, waß der am End  
aach sunscht all's noch bedeute könnt.

Guckt so en Kerl genau nor an:  
Geñ Newwel is d'r Kopp,  
der lange Pooschwanz himmedrañ  
is nicks wie 'n großer Zopp.  
Unn „Neww'l im Kopp“ unn „Zopp“ bedeut't  
en'n Brand, deß wißt 'r selbscht, ihr Vent!

Die Bränd gerothe 's bescht, ihr Herrn,  
zur Fedd'reweifezeit;  
drum glaaw ich aa, daß so en Schdern  
en'n gude Wein bedeut't.  
Unn wüßt m'r 's nit vumun elfder Jor,  
do wär's doch ewe grad so wor. —

So haww ich gsacht ghatt selwigmols;  
unn jetz! — wie is d'r Wein?  
Ihr sagt jetz selbscht: D'r Denksel hol's!  
mir könne Zeuge seyn.  
Deiñ beschde Freund' sijn eenig drinn,  
wie gud die Zöpp gerothe sijn.

Jez wißt 'r waß der Schdern bedeut't;  
 drum ewe sehd nib blöd  
 unn holt emol en'n Zopp euch heut,  
 so lang — wie der Rumeet!  
 Unn wann die Ald bodrüwer brummt —  
 do trinkt — — bis daß 'r widderkummt!

## D'r Junggsell.

E Nachdigall, en junger Mann,  
 die singe'n alle beed  
 nor leddigerheit, weil's Jedem dann  
 vunn selwer schunn v'rgeht.  
 Dann wann emol e Nachdigall  
 sich paart unn 's Nesch sich baut,  
 do is eß mit 'm Singe'n all;  
 m'r hört aach nit 'n Laut.

Unn singt e jungie Fraa em Kind,  
 odd'r gar e aldie brummt:  
 ach Gott! waß is d'rnoh so gschwind  
 demm Mann sein Lied v'r'schdummt!  
 D'r flottschde Kerl, deß is gewiß  
 unn all' schunn dogewest,  
 daß der oft, wann 'r g'heurrath't is,  
 die Glückel hente läßt.

En warer Junggsell amwer lebt  
wie 'n Bochel uf 'm Zweig;  
wann's aach en'n lose Bochel gäbt,  
deß bleibt sich Alles gleich.  
Er lebt for sich so froh unn frei,  
guckt nooch keem Mädel um,  
unn Weltfchmerz unn so Narredhei,  
deß is em vil zu dumm.

Er is seiñ eegner Herr unn kummt  
vil besser durch die Welt,  
als wann em Gens de Kopp voll brummt,  
unn schbart V'rdruß unn Geld.  
Unn wann 'r owends heem will gehñ,  
— wann schunn d'r Dag aünbricht —  
do weesß 'r halt doch, daß 'r keeñ  
Gardinepreddig fricht.

Wann Alles Junggsell wär, juhee!  
deß wär e marie Pracht,  
do hätt noch keeñ gemischdie Eh  
kemm Mensch Verdruß gemacht.  
's hätt noch keiñ Schreit unn keiñ Schkandal  
so manchie Eh getrennt,  
unn unbekannt wär iüweral  
's Pandoffelrechement.

Do gäbt's jeh aa keen aldie Fraa  
 unn keen Schdiefmutter mehr,  
 unn 's wär noch Manches annerstcht aa  
 vunn Olinszeite her.  
 Dann 's is d'r ältstche Schband deß do,  
 's schdeht in d'r Schrift d'rvunn:  
 d'r Adam der war Junggsell jo,  
 glei vunn Geburt an schunn.

Unn weil em aa d'r liewe Gott  
 die Eva (heest's dort aa)  
 zur „Gfärtin“ narr erschaffe hot,  
 unn nit zu seiner Fraa;  
 der Esel atwer — werd ihr Mann! —  
 Hätt nicks d'rbei reßgirt,  
 unn bei demm Appelkrom sich dann  
 so heillos nit blamirt.

Do hätt 'r gsacht: „Waß is dann deß,  
 „wann ich for Schbasserei  
 „jeh mit demm Mädcl Appel eß!  
 „Waß is d'm do d'rbei?  
 „Waß ruft Er? Waß haww ich gedhañ,  
 „daß Er uf mich glei zielt?  
 „Waß geht mich die Person do an,  
 „wann die sein Appel schdielt!“ —



Er hätt halt gsacht: „'s is nit mein Fraa!“  
 unn wann se unschenirt  
 per Schubb d'r Himmelschandarm aa  
 zum Tempel naus hätt gfürt.  
 's hot anwer gheese: „Jez is 's aus!  
 „Ihr Zwee seyd jo een Leib,  
 „drum müßt 'r aa minnanner naus;  
 „dann ihr seyd Mann unn Weib!“ —

Unn zeitdeunn hot denn Feeler schunn  
 gebüßt e mancher Mann;  
 die Gschicht die is jo voll d'rounn,  
 wo's Jeder lese kann.  
 Zum Beischbil: wann d'r Lot wär gflücht't  
 als Junggsell schunn vorher,  
 daß der bei dere Schwefelgschicht  
 keñn Wittmann worre wär.

Unn wär d'r Sigfridd leddig mit,  
 do hätt'n uf d'r Facht  
 aa seiner Fraa ihr Bruder nit  
 am Brunne kalt gemacht.  
 So hätte'n aa de Salomo  
 sein Weirer nit verfür't,  
 unn leddig hätt d'r Urjas jo  
 kenne Urjasbrief schbeddirt.

Unn die Chrischdine Beckebach,  
die hätt, was ðeß betrifft,  
— ðeß is e ausgemachtie Sach —  
nit ihren Mann vergift't.  
Unn wär d'r Socrates nor aa  
Junggsell geweest, ich wett:  
daß denn do nit sein bösie Fraa  
so rungeorgelt hätt! —

Soll ich jetz anwer bloße do,  
was mich am End nib brennt,  
unn wo e Feder weest, der wo  
die Gschicht halbwegs nar kennt!  
's gibt böse Weirwer hentzudag,  
jo, mehr noch als wie's scheint,  
die wo ich nar nit nenne mag  
aus Rücksicht for mein Freund. —

O Fraa zu hawwe is durchaus  
keinn Junggsell nooch sein Sinn;  
drum kummt mir keenie aach in's Haus,  
jo lang ich leddig bin.  
Wann 's Glück so groß wär mit 're Fraa,  
ihr lieve Kent, ich wett:  
daß do sich unser Herrgott aa  
schunt selbscht een gschaffe hätt.

Schdeht amwer nit im Gattegiß  
e Schprüchel, flor wie Gold,  
daß Gens, so vil's narr möglich is,  
demm änlich werre sollt!?  
Drum, waß d' ihr Annre sagt unn schreibt,  
's verfliegt bei mir wie Raach —  
dann so lang der noch leddig bleibt,  
bleiw ich's nadürlich aach!

## Astronomische Betrachtunge durch's Schopeglas.

En Astronom — deß is kein Frog —  
wann der die Welt betracht't,  
der rechnet unserm Herrgott nooch,  
ob der kenn Feler macht.

Uun weil halt sein V'rshand nicks find't,  
is so en Astronom  
for alles Annre daab unn blind;  
deß haßt nit in sein Krom.

En luscht'ger Trinker, lieue Leut!  
kummt ehnder zu sein Ziel,  
dann der betracht't die Herrlichkeit  
unn Pracht mim volle Gfü.

Der sicht durch's Schoppeglas ganz flor,  
waß eem kei'n Fernror zeigt,  
zum Beischbil: daß der Sunn uf's Hoor  
en lusch't'ger Trinker gleicht.

Der macht die Leut, grad wie die Sunn,  
aach munter, unn gewiß  
macht der sich aach erscht dann d'rummy,  
wann's Feierowend is.

Die Sunn scheint wege'm Neue alls  
oftmols im Herbst noch heeß:  
d'r Trinker der kummt ewefalls  
oft wege demm in Schwees.

Unn wie in heese Summerdag  
die Sunn oft Flecke tricht,  
geht's in 'me gude Weinjor aach  
alls mit 'me Trinkergsicht.

Unn wann die Sunn 'me schöne Kind  
in's Gsicht'l guckt, im Nu  
dhut's blingle unn macht wie d'r Wind  
sei'n lieve Age zu, —

wie wann's en Trinker frank unn frei  
grad in de Bache peßt,  
unn freundlich ainguckt unn em glei  
en'n rechte Ruß versetzt.

Dann do meent Jedie ganz entzückt,  
sie wär die Auserwält: —  
ob die nit glei e Nag zudrückt  
unn zwee fogar, wann's felt!?

Desß glückt 'me Puscht'ge wie d'r Sunn,  
er is voll Feuer halt;  
der Traurige der schleicht d'r vunn,  
als wie d'r Mond so kalt.

Unn doch gleicht uf d'r annre Seit  
jo 'n Trinker aach em Mond,  
dann nachts is aa sein schönstie Zeit,  
wo's Geschäft am bescht sich lont.

D'r Mond der halt't jo mit d'r Sunn  
die Konkurrenz nit aus,  
drum schleicht 'r sich am Dag d'r vunn,  
nachts kummt 'r widder raus.

So is 'm schönstde Kuppergsicht  
aa vor d'r Sunn alls bang,  
daß sich's in's Wertrhs haus nein oft flücht't  
bis Sunneimnengang.

Wann ganz d'r Mond am Dag sich zeigt,  
do is nit vil mit gsacht,  
do is 'r blaß unn matt, unn leucht't  
halt doch erscht bei d'r Nacht.

Unn bis e mancher Trinker aach  
 Öl an die Lamp gschütt't hot,  
 so lang aa is 'r blaß am Dag,  
 nachts schtralt 'r wie en Gott.

Am Mond do sinn ball rechts ball links,  
 so Hörner; wann m'r guckt,  
 's schdeht im Kaleenner neuerdings  
 jo schwarz unn roth gedruckt.

So hot en rechter Trinker oft  
 e Trinthorn schdatts 'm Glas,  
 unn rechts unn links ganz ünverhofft,  
 Trinthörner uf d'r Nas.

D'r Neumond der nimmt allsfort zu,  
 deß halt't 'r for sein Pflicht, —  
 erscht wann 'r voll is hot 'r Ruh  
 unn schtralt im schönschde Licht.

D'r Trinker der halt't ewe so  
 sein Pflicht for unbegränzt,  
 bis daß 'r voll is unn d'rnoch  
 als wie d'r Vollmond glänzt.

Unn wie d'r gude Mond so schdill  
 nachts durch die Wolke geht,  
 schleicht Mancher, wo's v'rduckle will  
 vor seiner Fraa, wie's schdeht. —

E mancher Trinker anwer is  
 aach widder wie en Schdern;  
 deß is ganz sicher unn gewiß,  
 baßt uff nor in wiefern:

Wer halwedägweis odder so  
 beim Bier sitzt unn beim Wein,  
 im selwe Werrthshaus irgendwo  
 deß muß e Fixschdern seyn.

Unn wer aus eem in's gnure laaft  
 — 's gibt so solide Herrn —  
 der werd mit Recht Planeet gedaast,  
 uf deutsch: en Wandelschern.

Wer nachts mit Neww'l in sein Kopp  
 unn schtralend heemzu's geht,  
 unn schleppt sich mime lange Zopp:  
 deß is halt en Rumeet.

Unn wie alls Sunn unn Mond, wie's heest,  
 oft anner Wetter bringt,  
 so ännert Mancher, wie m'r leest,  
 aach 's Wetter, wann 'r trinkt.

Zum Beischbil: 's tricht en alder Herr  
 vunn ungfär 'mol en'n Brand  
 unn werd im Dunkle ewe err,  
 geht rechts schdatt linker Hand,

— wie's Jedem jo begegne kann  
jetz bei demm schdarte Bier —  
unn rappelt mit seim Schlüssel ann  
d'r — Köchin ihrer Dhür. — —

Sein Fraa v'rschdeht deß leg, nonn jo,  
die Lieb is ewe blind;  
wie gibt's beim klorische Himmel do  
e Dunnerwetter gschwind!

Wann Tener glänzt als wie die Sunn,  
unn so gehörig nippt,  
do weesß mar, daß eß owends schunn  
bei demm en'n Newwel gibt.

Unn geht 'r noht im Newwel heem,  
in's Bett nein, doll unn dumm,  
unn schtreckt sich schbäder ganz bequem  
unn — schmeist de Nachtdisch um,

unn greift d'rnooch unn fricht en nit,  
fallt selbscht, unn nit genug,  
er reißt aa 's Himmelbett noch mit, —  
do gibt's en'n Wolkebruch.

Odd'r wann en lusch't'ger Trinker wo  
e frohie Gsellschaft find't,  
sein Bumpeschtreech v'rzält unn so:  
Ui! — wasß macht der for Wind!



Unn trinkt 'r aa noch Schlag uf Schlag,  
do wär's jo ganz enorm,  
gäbt's nit am allerschönnschde Dag  
uf die Art noch en'n — Schdorm.

Unn so kummt ewe allerhand  
for Bitterung eem vor;  
m'r kann de Baromederschdand  
alls finne schier uff's Hoor.

Drum alls prowirt emol zum Schbaß,  
unn ordentlich gelüppt!  
do werd't 'r ball erfahre waß's  
for Wetter bei Euch gibt. —

## Die Schdorke

im Frühjor achtzehnhunnertsechzig.

Am letschde Jelowerwar, den Schdaat!  
en Dag so flor wie Gold,  
als wie wann's deß Jor ferzegrad  
glei Summer werre wollt.  
Drum nemmt mid's weider gar nit Wunner,  
wann all's en Schdork schunn kummt mitunner.

's war eem jo selwer orntlich wol,  
unn Mancher hot gedenkt:  
der Mantel werd forr deßemol  
heut glei in 'n Schrank neing'henkt.  
Ei, manchie Schönheit, so zu sage,  
hot schunn en Sunnescherm getrage!

Warum? Die Schdorke siinn jo do!  
drum glaawe jeh die Lent,  
deß schöne Wetter bleibt aa so:  
die hawwe's prophezeit.  
Als wüßt m'r nit, warum Prophete  
in ihrem Land nicks gelbe dhäte!

Uun daß deß nit so one is,  
hot glei d'r März gezeigt:  
dann, hot's nit gfreore, hot's gewiß  
gooweddelt odder gschneicht.  
Die hawwe sich in's Nescht gefauert  
unn gfreore, 's hot eem selwer gschauert! —

's bleibt freilich noch e Mancher aus;  
grad nüwwer uf 'm Eck,  
der uf d'r Lotte ihrem Haus  
bleibt schier acht Dag noch wegg.  
Der sächt: So lang die Kunne friere,  
dhu'n ich mim Kunne nib pressire.

Knapps anwer war er selwer do,  
do war's, zu seim V'rdruß,  
halt mit em Wetter grad e so.  
Well? sag ich, Piffiggus,  
jetz schdehscht de do, mit deim Graggeele,  
als wann de könnstcht keen Drei mehr zäle!

Unn 's wackelt d'r deini Herz vor Kält,  
drum kummstcht de uf's Jor aach  
am zwette März schunn, hoff ich, gelt?  
do is Simpliziusdag. —  
Hochmuth, unn iwwer Aunre schböttle  
is leichder, als wie selwer bettle!

Jetz, wo de selbscht so hungrig bischt,  
als wie e Kerchenaus,  
unn noch keen Fröschel hoscht v'rwischt,  
schdehscht d' vunn d'r Kält vil aus.  
Ich wollt d'r geern en Mantel leene;  
ich habb jo anwer norr denn eene!

Wo fliegstcht jetz all's narr morgens hin?  
's leit plätzweis Schnee noch draus;  
keen Baam unn noch keen Wiß is grün,  
keen Edechs schluppt noch raus.  
Do kannstcht schdatt's Krotte, Frösch unn Schlange  
jo hötschd'ns unser Feldmäus fange! —

Wann's narr e paar Jor friüher wär,  
do häsch't en'n schdaats V'rdrinnscht:  
zehñ Bage 's Hunnert, unn noch mehr,  
wie d's jo im Blaad noch sinnscht;  
draus vorr em Dhor, der lange, schmale,  
wollt jo'n berliner Dhaler zale!

Do wärscht du jetisch schuunt aus d'r Batsch  
unn häsch't noch profedirt;  
dann hot m'r aa de Kladd'radatsch  
derntwege konfisziert,  
do könnt m'r ewe dod'rwege  
euch Schdorke doch nit 's Handwerk lege!

Ich sag deß im V'rbeigehñ jo,  
nar daß de inne werrsch't,  
daß nit bei uns, wie annerschtwo,  
noch so en Zunftzopp herrsch't.  
Bei uns dārffsch't lese odder schreibe,  
waß nit v'rbotte'n is, dārffsch't treibe! —

Wo bleibsch't dann norr de ganze Dag?  
Heut scheint jek doch die Sunn!  
M'r sicht denn Kerl jo mit kemm Nag,  
unn 's geht uf Fünfe schunn.  
's is Sunndag! waß sinn deß jor Sache?  
willsch't doch nit heut schunn „Blooe“ mache?! —

Guck! Guck! do kummt 'r! U, wie mild!  
 Schdeht uf em eene Been  
 um wärmt sich an d'r Sunn um sieht,  
 wie die will unnergehn.  
 Neen, nit emol! — Er duckt sich lieber  
 in's Nescht, als hätt 'r 's kalde Fiewer!

Noñ Alderle, ruh norr jetz aus,  
 um hör, waß ich d'r roth;  
 du fliegst m'r scheint's in's Ausland naus,  
 do leid't dein Kunnenschaft Noth.  
 Bei uns kannst dich im Land ernäre;  
 's is nit als wannir Waldeck wäre! —

So war's gewiß e ganzie Woch;  
 narr Gens bring ich nit kleen:  
 der Schdork, so oft 'r kummt, is doch  
 halt all's fort noch alleen!  
 Noñ, dent ich, deß muscht doch ersare,  
 wo die jo schunn e Päärle ware! —

De'n annre Dag, do frog ich dann:  
 Mein, Schdork! wie sieht's dann aus?  
 Wo bleibt dein Aldie, lieber Mann,  
 haltst du desjor ledvig Hans?  
 Heen? sag emol! wie kummt deß norre?  
 Bischt d' ünwer Winter Wittmann worre?!

Sehscht in gemischter Eh, Rum'rad?  
 unn hoscht de dich, wie's scheint,  
 am End jetz wege'm Kongfordat  
 mit deiner Fraa v'rfeind't?  
 Mein! mach m'r do nar feñu so Bosse,  
 d'r Vetschde hot noch lang nif gschosse! —

Du schüttelscht mit em Kopp; ahaa!  
 nit 's Kongfordat isch schuld!  
 Gell, ganz was Annerscht's, unn dein Fraa  
 erwaartscht mit Ungeduld?  
 Narr soll se jetz noch nip pressire;  
 du willscht nit, daß se aa soll friere!

Du bischt doch en galanter Kerl!  
 ich sag d'r 's, daß d' m'r gfallscht.  
 Dein Fraa v'rdient's, deß is e Berl,  
 daß d' die in Ehre haltscht.  
 Was klapperscht dann unn dhuscht so dome? —  
 Vor Freed? — weil ich dein Fraa dhu lowe? —

Jetz hoctt 'r traurig uf 'm Haus,  
 unn rechnet nooch unn zält;  
 sein Fraa, die bleibt zu lang, scheint's, aus:  
 deß is eß, was 'n quält.  
 Er isch schunnt oft enggege gsloge  
 unn war noch alle Mol betroge.

Uun Josephsdag schunn vor d'r Dhür,  
 unn noch sei'n Fraa im Haus!  
 Der aarme Schdork, der guckt sich schier  
 jo noch sei'n Lage aus.  
 's sinn mit d'r Lieb kurjose Sache:  
 e mancher Mann dhät's annerscht mache! —

Uff eenmol klappert's: do kummt Sie!  
 do war 'r awwer aach,  
 glei widder so v'rgnügt als wie  
 d'r Pass om Dschderdag.  
 Die Freed — deß Klappre — deß Gezawwel,  
 vunn Herr unn Fraa vunn Schuimwelschnawwel!

Er hot dann glei uf's Nescht gedeut't  
 unn fickert, lacht unn schwägt,  
 hot Ihre jo vor alle Leut  
 in 'n Backe nein gepekt;  
 unn macht euch so v'rliebde Lage,  
 als wann 'r Wunner wasß wollt sage.

Jetz is 's annerscht, 's schmeckt 'm aa  
 sei'n Fresse'n unn sei'n Schloß;  
 lebt meiner Sechs mit seiner Fraa  
 näschd flotter wie bei Hof:  
 fliegt däglich uf die Wiß schbazine  
 unn dhut dort off'nie Dassel füre!

Seht, sag ich, ihr hatt one Müh  
jetz euer täglich Brod.

Drum kommt in Zukunft nit so früh;  
denkt nor: kommt Zeit, kommt Nooth!  
unn loßt m'r's Prophezeiße bleiwe,  
deß solle die Reicheimer treiwe!

Nicht Frösch unn Schlange jetz am Frack,  
schdatt's daß d'r schwindle dhut:

's is besser, e Schdück Brod im Sack,  
wie e Fedder uff 'm Hut!

Dann mit 'm Prophezeiße, seht 'r,  
deß glückt euch nit; deß sächt iich Feder.

Deß kann ich besser noch bis hent

— lob's Kongfordat wer will —

die arge Krischer vorr d'r Zeit

sinn doch v'r'schluppt unn schdill;

wie ich euch gsacht habb: Wacht keñn Bosse,

d'r Vetschde hot noch lang nit gschosse!

Gott Lob! Mir hawwe's durchgedrückt;

's werd gut jetz, wie ich dent,

unn 's ganze Land deß is beglückt

vunn so 'me Oschder-Gschent.

De Krischer is ihr Freed v'r'dorwe,

die sinn, wie gsacht, jetz wie ausgschtorwe!



's kann mit de Frösch euch grad so gehn;  
dann wann die jeh jo aach  
so laut schunn jukse, unu so schön  
unn lang vorr Jörgedag:  
v'r'schluppe se mit Jhresgleiche  
sich schbäder aach, unu dhune schweige! —

## D'r Dorschtel.

Wie ich mich bsinne mag — hin odder her —,  
waß m'r uf dere Welt 's Liebichde noch wär:  
's fällt m'r, Fraa Noehbern, halt ewe nicks ein,  
waß m'r so lieb, als wie's Werrthshaus köunt seyn!

Vorab im Frühjor, doo wees m'r recht gut,  
daß m'r sein Gsundheit uf's Schbiel seje dhut,  
wannar nit einkehrt, wann's kalt is unn feucht;  
awwer deß gingt one Werrthshaus nit leicht!

Awwer im Summer, deß kennt m'r, wees's Gott!  
waß m'r so gschwind do en Sunneschdich hot.  
's Werrthshaus gibt Schatte. — Do werd sid's gelabt;  
vorab, wann's drans uf d'r Schtros e so schdaabt!

Kummt e Gewitter noch gar onwedreën,  
— schdelst ma sich unner en Baam, do schlacht's ein —  
waß bleibt eem ünw'rig bei so eme Guß,  
als daß m'r hortig in's Werrthshaus nein muß?

Hätt mar im Herbst aa genuch schunn geleint,  
do is m'r doch halt vum Bier so v'rschleint,  
daß m'r — weil's Neue grad gibt — 'mol promirt:  
ob m'r vum dem v'rleicht Vinnerung schbürt?

Uun eerscht im Winter — Gott's-Krenz-Sapperlott!  
daß m'r doch aa noch en'n Unnerschlupp hot:  
's is oft zu kalt, uun m'r hot zu weit heem;  
do is eß Werrthshaus halt gar zu bequem!

Winters, do is m'r for's Werrthshaus recht froh.  
Als nein! dann dod'rfor hot m'r se jo.  
Geh't m'r 's ganz For nein, do muß m'r recht schön  
— deß is nadiürlich — aach Winters neingeh'n.

Zudem, do wees ich als prakdischer Mann,  
wie m'r sein Licht uun sein Holz schbare kann:  
ich geh in's Werrthshaus for deß e paar Schind,  
uun geh kalt schlose noht, deß is recht g'sund.

War's aa bis jetz noch, Gott Lob! alle For,  
kummt eem emol atwer je ebbes vor:  
's Werrthshaus — eß Werrthshaus, deß hilft ünweraal,  
wie bei de Mäde, wann's heest: „Uff de Baal!“

Kummer unn Sorge'n unn was ich so schbür,  
schüttl' ich glei allemol ab vor d'r Dhür.  
's Werrthshaus macht alle Leut gleich uf d'r Welt:  
do is doch Jeder noch Herr for sein Geld! —

Mein Schatz is noch leddig, Gott Lob! unn ich aa;  
'ch ruh awwer nit — werd sie je 'mol mein Fraa —  
als bis d'r Rodar in de'n Ehvertrag schreibt:  
„Daß es mim Werrthshaus beim Alde verbleibt!“

Um wann m'r mein Hausfraa jetz eenmol noch klagt,  
daß 'r ihr Mann schunn so lang nimmehr b'hagt,  
sag ick's 'r doch emol gradraus in's Gesicht:  
„Hausfraa! der trinkt nicks, des is die ganz Gschicht!“

All, die nicks trinke, die sinn nit recht g'scheut,  
grammliche, nutzige, trudeene Leut;  
kenne die Welt nit unn sich nit, 's is wor —:  
Trinke'n elleen gibt de ware Humor!

Der is im Werrthshaus, wie annerschtwo nie.  
Ich schdudir aa dort mein Phileosophie:  
des is die Schul, unn do kann m'r aa glei  
selwer sein Lehrgeld v'rtrinke d'rbei!

Unn is 'mol schbäder mein Krömche v'rdha'n,  
fang ich, Gott's Name, vunn vorne halt an,  
dann 's Widderhole, des is jo gewiß,  
daß des die Mutter vum Schdudium is! —

Ens norr deß kröppt mich: Ich preddig do alls  
unn bin d'r, warrhaftig, brodtrucke'n im Hals,  
daß ich kei'n Wort mehr — — Fraa Nothbern, Meini, neeni!  
do muß ich glei 'mol in's Werrthshäufel gehn!

## Bleib im Land unn nâr dich redlich.

Ich geh nit noch Amerigga,  
ich bleib dohaus am Rheim.  
Do kamm'r, meiner Seel, doch aa  
noch froh unn luschdig seyn;  
do hört m'r Musit noch unn Gsang, —  
do haus bleiw ich mein Vewe lang!

Zum Traurigseyn is alls noch Zeit,  
wann's nimmehr annerscht geht;  
hier weess m'r arwer, daß nit weit  
d'r vunn aach Gschrimwe schdeht:  
„Uun freet euch mit de Fröhlch'e“, drum  
treiw ich do haus am Rheim mich rum.

Wer schunn die Woch durch luschdig is,  
der hot 'n frohe Muth,  
der trinkt aa Sunndags ganz gewiß  
unn singt, unn deß is gut;  
dann böse Mensche hatwe jo  
fein Vieder. Neen! do bleiw ich do.

Die Temperenzer trinke dort  
fein Troppe Bier unn Wein.  
Deß muß e ganz furjosie Sort  
vunn schlechte Chrischde sein;  
dann Wein unn Bier is Gottesgab,  
drum bleiw ich hier noch, mit Verlaab.

Die Nobbler siun am Sunndag gar  
for Alles daab unn blind.  
In's Werthshaus gehn' an demun Dag, war  
vunn jeher dort e Sünd.  
Ja, wann ich gar vunn so was hör,  
gehn' ich erscht recht nit iimwer's Meer.

Doch wer dort 's bescht b'drüge taun  
unn legt die Leut uf's Schtroo,  
denn halt't m'r for de gscheltichde Mann.  
Nein, neen, do bleiw ich do,  
so lang m'r uf sein erlich Gsicht  
bei uns dohaus — gebergt noch fricht!

Dort wirft d'r „freie Mann“ jo glei  
 — nimm, in demm „freie Land!“ —  
 die Kaart wedd vor d'r Bollezei  
 am Sunndag! Waß e Schand!  
 So waß bassirt bei uns doch nit;  
 drum bringt mich donein Kenner mit!

Der Schdaat kummt niemols zu Vernunft,  
 unn hätt 'r se gepacht't,  
 der unser freie Trinkerszunft  
 wie Dagdieb inwervacht.  
 Hier kann ich Sunndags doch gausch schön,  
 mein Geschäft nooch, frei in's Werthshaus gehn!

In jo 'me Werthshaus amwer dort  
 sün oft kein Schdül unn Bänk;  
 m'r trinkt sein Schoppe'n unn geht fort  
 unn denkt: Nicht ihr die Kränk!  
 Desß is e argie Lumperei,  
 unn doch — v'rdoorscht't m'r schier d'rbei!

Waß geww ich forr Gewerbsfreiheit;  
 die is do ganz unsunscht,  
 wo mein Erwerbszweig drunner leid't,  
 mein freie Trinkerunscht!  
 Neen, wamm'r geern sich orntlich nart,  
 is 's um 'n Schoppe nit d'r weerth! —

Trink Bruder! 's schmeckt heut gar zu gut,  
dann weescht' ? — 's geht jo uf Borg;  
wer 's schbäder 'mol bezale dhut,  
deß is 'm Werrth sein Sorg.  
Bei jo 'me Werrth, deß is e Freed;  
's wär unrecht, wamma fortgehñ dhät!

Drum seyd jetz luschdig unu trinkt aus,  
unu schdimmt emol Gens an;  
d'r Werrth hot jo noch Flasche draus,  
die wolle'n aa noch drañ.  
Unn gibt d'r Werrth noch Flasche her,  
gehu ich noch lang nit ümwer's Meer! —

's is aa bei uns dohaus am End  
nit Alles schön unu gut,  
doch schmeiße mar kemma Präsedent  
keññ faules Li an 'n Hut.  
Drum — wann ich aa schunn keener bin —  
bleiw ich doch haus, 's is nicks dodrin!

Unn die Mormone erscht! — Weß Gott!  
Donein, do gehu ich nit:  
wer dort sechs Duzend Weirer hot,  
is nit zufriede mit!  
Hier atwer hot m'r ünverhöfft  
mehr wie genug an Gener oft!

's nicks mit demm Amerigga,  
ich bleib am Rhein dohaus.  
Mein guder Freund, der schreibt m'r aa:  
's is Deutschland nit, bleib draus!  
Bleib, wo de sicher (wann d' aa trinkscht),  
doch dich unn aa dein Sach durchbringscht! —

Nein, nein! Ich bleib mein Deutschland tren!  
Trotz euerm Gold im Sand  
herrscht Muckerdhum unn Schlaverei  
in euerm „freie Land“.  
Ich bleib in Deutschland, in d'r Palz,  
do bleib ich wohne, jedenfalls. —

Ich bleib! — Mein guder Freund hot Recht. —  
Ich bring mich hier allsfort  
im Werrthshaus, redlich — wie m'r sächt —  
so durch, drum halt ich Wort:  
Ich bleib im Land, ich halt's for Pflicht,  
so lang m'r wasß — — zu trinke fricht! —



## D'r luschtige Dummwacksraacher.

Wie mancher grundgelehrde Mann  
v'rliert oft die Geduld,  
unn meent — wann er nit raache kann —  
do wär seiñ Peif drañ schuld.  
's werd jo en saumrer Klowe jeyñ  
so eem seiñ Peifel, gelt?  
do gingt keiñ Schornschdeseger neiñ  
um Alles in d'r Welt.

Ich gschbeh, daß ich deß wol begreif,  
dann: „Wie d'r Herr, so's Gscherr,“  
heest's halt aa bei 're Dummwackspeif;  
do geht m'r selde err.  
Mir anwer macht meiñ Peische Freed  
unn manchen Zeito'rtreib;  
deß geht so prächtig wie e Flöt,  
do lacht eem 's Herz im Leib.

Desch schmeckt so gut unn schmeckt so süs,  
hätt so d'r Adam gschmaucht,  
do hätt 'r aus em Paredies  
so gschwind nit nausgebraucht.  
Do hätt 'r zu d'r Schlang gsacht: „Jo!  
„Meiñ Peifel schmeckt so seiñ;  
„geh mit dein sa'n're Appel do  
„unn beiß norr selwer neiñ!“

Drum mag ich hent noch keen — werß's Gott —  
zum Bier schmeckt 's Peifche süs,  
unn wammar recht getrimfte hot,  
do hot ma 's Paredies.  
Wann ich do an denn Adam denk  
unn aus mein Peifel raach,  
do wackle'n alle Disch unn Bänk  
vor Rührung, unn — ich aach.

Ach, denk ich, 's is im Paredies  
doch gar zu angenehm,  
unn geh, gerürt bis in die Fües,  
zu meiner Ehhälft heem.  
Die sorgt forr Unerhaltung aach,  
deß koscht't mich norr drei Wort;  
wann ich: „Gutt'n Dwend, Kättel!“ sag,  
do fürt se 's Gschpräch schunn fort.

Ich awwer frich nit eenmol Schtreit,  
ich hör se an in Ruh,  
unn denk: du bischt doch recht nit gicheut —  
unn raach mein Peif d'rzu  
wann's felt, noch in d'r Schtaatschtubb aus;  
dann deß is erscht 'n Mann,  
der, wo er will, im ganze Haus  
sein Peifche raache kann! —

Vor'm alde Fritz hot jo gewiß  
 der Gänshert fescht unn schdeif  
 behaupt't: „Ja, wer waß Rechtes is  
 „im Ort, raacht aa sein Peif.“  
 Daß do nit Jeder raacht! — Ich gschdeh,  
 daß ich deß nib begreif:  
 ich führ' jo aach die glücklich Eh  
 norr durch mein Dummwackspeif. —

Unn trifft jick's dann unn wann alls aach,  
 daß eem waß sele dhut,  
 ja, wann ich aus mein Peifel raach,  
 is Alles widder gut!  
 Ich raak's jetz doch schunn manches Jor,  
 unn 's is m'r noch nit bang  
 vor'm Dod, dann wer lang raacht, nit wor?  
 der lebt aach — denk ich — lang.

Ich glaab, daß, wann ich nooch mein End  
 — ich wollt schier wette druf —  
 mein Peifel alls noch raache könnt:  
 do schdünd ich widder uf.  
 Dann 's Peifelsche schmedt gar zu süs.  
 Wann ich an's Glas norr greif,  
 do denk ich: „Hoch mein Paredies!  
 mein Aldie, unn — mein Peif! —

Maacht ihr narr Siggar, als wie doll;  
 tragt euch franzö'sch, recht fein:  
 enn Bierkrug unn e Peif, deß soll  
 mein Nationaltracht seyn!  
 Unn schderw ich — daß d'r's nit vergeßt —  
 schreibt uf mein Grab: „Ruh süs!  
 „Wann du d'r Adam wärscht gewest,  
 „wär hent noch 's Paredies!“

---

's is keen Unglück so gros, 's is immer  
 widder e Glück d'rbei.

---

Kummt owends d'r Parre zum Amtmann geloffe,  
 ach, sücht 'r, was hot mich e Unglück betrosse!  
 Do gucke se norr, waß ich zitter unn beb.  
 Weß Gott! 's is e Wunner schier, daß ich noch leb!

Ja, vort hot mich Gener schier umbringe wolle!  
 Wie wann awwer Alles so kumme hätt solle,  
 kummt grad aa mein Vetter vun Münche'n uf Bsuch;  
 ich kann mich aweil noch nit wunn're genuch.

En ganz gschidter Mensch wär's, der Leichtfus, nar.  
leider . . . .

— ich muß erscht ausschnause — ganz gschickt unn so  
weiter . . . .

„Noñ, raus mit d'r Schproch!“ hot d'r Amtmann do  
gsacht,

„hot Ihne dann der nooch em Lewe getracht't?“

Ach neen, sächt d'r Parre, so macht 'r keen Sache,  
er dhut nor, zum Unglück, zu oft sein Versuch mache,  
unn nie unnesunscht, — unn des kummt mir zu dick.  
Wie gsacht awwer, vortig do war er mein Glück.

Mir hawwe so grad uf em Kannebee gesse,  
unn wie unser Mädle in d' Schdubb kummt zum Esse,  
do bringt se en'n Brief mit unn sächt, 's hätt schunn lang  
en Mann nooch m'r gfrogt, er dhät draus schdeh'n im Gang.

Der Brief awwer war so unleserlich gschriuwe,  
daß mir halt nicks Annerschts is unwrig gebluwe,  
als naus in de Gang zu geh'n, ob mir der Mann  
vielleicht mit dem Brief uf die Schbur helpe kann.

„Ja!“ sächt der, „Sie hawwe e Preddig letscht ghalte,  
„die wo hot mein Herr so gut gefalle, dem alte  
„Verwalter vunn . . .“ Dings . . . Da! jek wees ich's  
jo nit . . .

Wie hot 'r nor gsacht? . . . unn do brääch't 'r was mit.

„En'n Grus vun seim Herr," sächt 'r, „'s sollt m'r  
recht schmecke!"

Noß, denk ich, was hot der do vorne nor schdecke?  
wie der als so rumfutschelt im Kamesol,  
unn wie ich recht hinguck, do war's — e Pischdol!

„Guck," sächt do d'r Amtmann, „grad wollt ich's doch  
sage" —

Ja, sächt glei d'r Parre, ich kaun uf mein' Lage  
ganz fescht mich verlosse. Deß war aa mein' Glück,  
daß ich se hab gsehe. 's war so e schdack' Schdück,

dann 's war schunn halb duscheder. Ich atwer wie's  
Wetter

schpring fort unn freisch: Hilf! unn do kummt dann  
mein' Better,

mein' Fraa unn mein' Kindsmahd, forzum 's ganze Haus,  
unn schmeiße denn Mörder dann glücklich aa naus.

Bei all demm do war m'r 's doch angfcht, wie der  
Bauer

im Nausschmeiße schdörzt an die Barrgaardemauer.

Noß, denk ich, zum Glück is er doch nit vun Glas; —  
hauf! haut m'r der Kerl die Pischdol uf die Nas!

Zum Glück hot mein' Better de Hibb noch usgfange;  
mir atwer is Höre'n unn Sehe vergange.

Dann — wann sich's im Dunkle beurdheile läßt —  
em Kolve nooch wär's en Karwiner geweest.

Hernoht hot der Kerl aa mein Vetter hiingschmisse,  
unn hätt 'm am End alle Hoor rausgerisse.  
Der atwer, Herr Amtmann, deß war noch e Glück,  
drächt zeit seiner Krankheit e grosie Barrik.

Am End, wie der Lumbes hot Leut höre kumme,  
do hot 'r m'r gschwind noch mein Uhr mitgenumme;  
zu allem Glück atwer verreißt noch die Kett,  
wer weesß, wie mich der sunscht noch rumgeroppt hätt!

Mir atwer is 's Blut zu d'r Nas rausgeschosse,  
daß ich 'n habb halt müsse fortlaafe losse.  
's war aa vielleicht gut, dann sunscht wär ich am End  
im Dunkle noch herzaft wo weddergerennt.

Ja, lieber Herr Amtmann! so schdehne die Sache.  
Jez rothe Sie mir, waß ich weiter soll mache;  
ich weesß vun demm Schlingel jo gar niks gewiß,  
als daß eß en olwerer Baurekerl is.

„Ach“, sächt do d'r Amtmann, „do will ich schunn sorge,  
„mein lieber Herr Parre! Sie kumme bis morge  
„bei Zeit widder her, dann for heut is 's zu schbät,  
„do werre Sie sehe, wie gut Alles geht.“

Jez fangt sich mein Amtmann noch recht an zu ploge,  
schickt iwweraal rum unn löst iwweraal froge,  
ob Keens en'n verdächtige Kerl gsehe hätt;  
unn kummt schier vor Mitternacht nit in sein Bett.

's war Alles for ewevil, nicks war zu finne.  
 Keen Bauer war do, wedder vorne noch hinne;  
 unn hätt der d'rheem nit sein Maul noch verbrennt,  
 wüßt's heut noch kein Mensch, unn die Gschicht hätt  
 e'n End. —

De'n annere Morge rennt awwer mein Parre  
 zum Amtmann in d' Schdubb nein, als hätt 'r en Schbarre,  
 unn hot e Gedöz unn e Lewe verführt:  
 heut wär 'm erscht ebbes recht Arges bassirt!

„Noñ,“ sächt do d'r Amtmann, „was is dann des norre?  
 „Sie sinn doch nit widder schier umgebrocht worre?“  
 Ach neen! sächt d'r Parre, der Bauer war do! —  
 „So,“ sächt druf d'r Amtmann, „do bin ich recht froh.

„Wo is er? Denn Kerl loß ich gleich arretire  
 „unn uf d'r Schdell morge vor's Dweramt füre!  
 „Kummt der gar dun selwer — denn is es zu wol —  
 „waart, dich will ich kriche mit deiner Fischbol!“

Ba Leib! sächt d'r Parre, demm Mann därf nicks  
 gschähe;  
 zum Glück war die Gschicht nor e kleenes Versehe.  
 Mein lieber Herr Amtmann! An mir is die Schuld.  
 Ich bitt Ihne, hawwe Se jetz nor Geduld!



Heut morgent is also der Bauersmann kumme:  
 sein Herr, sächt 'r, hätt 'n d'rzwische genumme . . . .  
 — er hot m'r aa glei do sein Name genennt;  
 ich hätt 'n warhaftig nit widdergekennt. —

Sein Herr hätt gsacht, sächt 'r: „„Du hoscht  
 unnerdesse  
 „im Werrthshaus de Parre unn 's Parrhaus vergesse, —  
 „ich seh d'r 's schunn an, du hoscht Schtreit widder  
 ghatt.““  
 Korzum, was 'r gsacht hätt, hätt all nicks gebatt't.

Jetzt sollt 'r nar hortig hieher widder schpringe  
 unn sollt m'r Deß vun geschtert Dwend do bringe.  
 „Ja,“ sächt 'r, „do gucke Se 'mol her, was ich hab!  
 „Sie sinn heut so gfällig unn nemme m'r's ab.“

Do bin ich d'r schier in die Dämacht neingsunke —  
 Sie könne sich denke — wie der jetzt en'n Schunke  
 so grad vorne rausziegt! — Hei! sage Se 'mol!? —  
 „Aha!“ sächt d'r Amtmann, „war deß die Bischdol?“

„Ich wollt's schunn em Herr Dwyer-Amtmann heut  
 melde  
 „— ich wees, daß Sie aa ihren Baze dort gelte —  
 „unn hab mich aa schunt in die Reithose gschdeckt, —  
 „do war ein Poschthalter sein Schimmel verreckt.

„Jez sag ich: zum Glück! Was dhät der uns  
 jez uze,  
 „der Herr Dower-Amtmann. Demm gfallt so Schbuzze.  
 „'s hätt weiter nix gfelt, als daß der die Geschicht  
 „hätt urkundlich unner die Klaue gefricht!“

Ja! sächt jez d'r Parre, was is do zu mache?  
 En Unglück — do sollt jo keñn Mensch drüwver lache;  
 hier awwer is 's annerscht, warrhastig umm Gott!  
 Hier heeßt's: wer de Schade hot, hot aach de Schbott.

Die Uhr awwer, denke Se! find't unser Mädle  
 glei druf in meim Fingel sein Schdülscheschublädel.  
 Hätt ich se verwart besser; 's gschicht m'r ganz recht. —  
 Noñ, 's Bescht is doch noch, daß der Bauer nicks sächt!

„Hätt der narr meintwege sein Schunke behalte,“  
 sächt do jez d'r Amtmann, „der Simbach der alte!  
 „Die Uhr war jo do — m'r hätt gsehe, wie's geht —  
 „do hätt nooch dem Bauer keñn Hahn mehr gekräht.

„Umm üwver die Mordgschicht dhät Nimand jez lache;  
 „'s dhät heese, Ihr Better hätt Gschbaß wolle mache;  
 „do kummt der zum Unglück mim Schunke zurück!  
 „Beim Richt betracht't, freilich, war's widder e Glück.“ —

## En Schbaf in d'r Hand is besser, wie e Daub uf 'm Dach.

---

En Bauer hot 'mol gute Gschäfte gemacht  
mit Säu; unn wie's manchmol so geht,  
die wollte Drei schdele noch grad sellie Nacht;  
do war's awwer freilich zu schbät.

Do sächt Gener: gell de, die Säu ware fett?  
'ch hab's immer gsacht: „macht nit lang Gschbaf“;  
unn wamm'r se ganz aa noch mager gholt hätt,  
do hätt m'r doch wennischdens was.

Demm Bauer seiñ Nochber sächt nooch verzeh Dag:  
Meiñ! Franz, was hot Er norr gedenkt,  
daß Er so schbottwolsel seiñ Säu gewwe mag?  
Die ware jo dreiverdels gschenkt.

Wann eenie vum meine nit's Doppelte gilt,  
— harw ich gsacht zum Meksder, uf Ehr! —  
do eß ich se selwer, noht mach, was de willst;  
do geww ich se gar nimmehñ her.

Neen! sächt d'r Franz, Nochber, do gäbt ich se drum.  
En kleiner Profit unn gewiß,  
haww ich gedenkt, alls her! was plogschd de dich rum,  
bis daß am End gar nicks mit is. —

Wie jetz die Dieb höre: d'r Meksder war do,  
hot's gheese: Die Säu müsse her,  
gemäsch't odder mager, 's geht desmol nit so;  
funscht finne m'r widder 's Nescht leer. —

Do sächt die Fraa morgens: Grad kumm ich draus rein,  
wie m'r doch aus Gewonheit oft laast;  
ich wollt die Säu süd're, do fällt m'r 's erscht ein:  
du hoscht se jo geschtert verkaast.

Was! sächt do der Bauer, verkaast sinn die Säu? —  
Js 's wor? seyn se ernschtl'ich nit draus?  
Do hawwe se halt die Hallunke, die drei,  
wu geschtert do ware'n im Haus! —

Die prächtige Säucher — unn beinoh ganz fett —  
Ei! ghöre so Kerl dann nig ghenkt? —  
Ja Nochber! wann id's nor wie Er gemacht hätt!  
Was haww ich dann aa nor gedenkt? —

Er werd gedenkt hawwe, sächt der: Hot d'r Franz  
sein Säu schunn dreiverdels verschenkt,  
do schenk id se denne do lieber glei ganz. —  
Die amwer die hawwe gedenkt:

Zuviel zu verlange, deß wär jo e Schand.  
Die Säucher die hawwe ihr Sach;  
m'r wolle se hole: „En Schbätz in d'r Hand  
„is besser, wie e Daub uf 'm Dach!“

---

## D'r Glaawe macht seelig.

---

Do haww ich körzlich waß verzäle höre,  
ich habb d'r doch mich orntlich drau gelabt,  
unn gfunne, daß sich Viel mit Unrecht bschwere:  
daß heutiks Dags die Welt an nicks meh'n glaabt.

Vor Dschdere — 's hot gschneicht grad unn gereg'nt —  
do is m'r uf d'r Gäß, in aller Eil,  
mein Nothbersfrraa vun frühersher begeg'nt,  
do sag ich: Noû, wu wout d'nn Sie anweil?

Ich habb Se schunt e paarmol wolle froge.  
Ich haww Gen gsehe letscht, wie Ihren Franz —  
jetz wees ich nit, ob ich mich habb betroge;  
gegliche hot 'r 'm wennisch't'ns 'mol ganz.

Neen, sächt se, Gott bewar! Der Deuwelsbrote  
is vor zwee Jor — 's hot's gar keën Mensch gewist —  
uf eenmol do nooch Alhier neingerothe,  
unn hot jetz aa mit in die Krimm gemüßt.

Do driinn do, schreibt 'r, wär keën rechter Seege,  
's ganz Jor Aprill. Wår's schön mol zwische nein,  
gäbt's glei en'n Bummie- unn Granaterege. --  
Deß, sag ich, muß e ningsunds Klima seyn.

Ja, hot se gsacht, die kämte nit zu Odem.  
's wär Dag unn Nacht keën Ameslang keën Ruh;  
sie gängte mehrschdendheels schunt uff em Bodem  
mit ihre Füß; 's hätt Keener ganze Schuh.

Noochgewwe awwer dhät vunn denne Kenner.  
Do, sächt se, schickt d'r Brief noch im mein Schorß;  
do kann Se's lese, waß der Deuwelsbänner,  
der rothe, fricht hot; der kummt nit zu forz. —

Unn läßt denn Brief mich lese; ich verzäl iich  
die Sach wie's war. — Deß hätt 'r fricht: E Börsch  
unn e Paar Schdissel vunn sein Batter seelig;  
sein Reibschbeiß: Schdockfisch unn sechs Knowwlockswörst.

Do bin ich her glei, sächt se, unn habb gschriwwe  
unn den: m'r schickt's 'm glei, do hot's noht Ruh;  
weil er jo gar zu arg hot druff getriwwe.  
Unn wie ich an die Poscht kumm — do war's zu.

Jetz, sächt se, mit de'm Schleppets nor nib bsunne,  
haww ich gedenkt, nooch dir kräht doch kei'n Hahn;  
unn wann d' dich zehnmol umesunscht häscht gschunne,  
gehscht ewe so mehr naus uf d' Eisebahn.

's war atwer aa kei'n Deuwel meh'n am Schalder,  
wie ich bin kumme; grad so newedraus  
war Gener gschdanne. No'n, demm ruf ich: Alder!  
Do is 's scheint's zu. Wie s'cht's dann do jetz aus?

Könnst Er m'r nit des Päckel do noch bsorge?  
's is for mein Sohn; daß 's jo nit leie bleibt!  
Nee'n, sächt der, ich bin gut d'rvor, bis morge  
in aller Früh, — wann äuscht Ihr Sohn glei schreibt —

hot Se schunt Antwort. — Ja, ich mach kei'n Boffe, —  
die Poscht nimmt freilich 'n ganz ann're Laaf. —  
's kummt fort. Ich habb nonnie nicks leie losse;  
wann's Eilgut is, geht's jo mim Telegraph!

Wann des so gschwind geht, sächt se, is 's kei'n Schade,  
haww ich gedenkt; 's geht rechter gschwind als schief.  
— De'n ann're Morgent kloppt's schunt am mein Lade:  
do is e Päckel kumme minne Brief.

Meim Sohn, demm haww ich gschriwwe: Schick kei'n  
Schlappe,  
wann d' jetz die Schdiffel hoscht; sie möge seyn  
grad wie se wolle. For so rumzudappe,  
seyn die noch lang gut. Pack se orntlich ein.

Unn richtig — sinn die Schlappe drinn! Am mehrschte  
freet mich nar deß, daß m'r Gewißheit hot:  
Er hot aa sei ñ Sach fricht. Dann deß war's Erschte;  
sunscht hätt der nit die Schlappe gschickt, weiß Gott!

Ich habb doch erscht drum gschriwwe! unn heut morge  
sehn se schunn do, ew ich narr zsamme bring:  
wie so en Mann deß Ding so schnell kann bsorge.  
Ja Telegraph, deß is en auner Ding!

Der Mann is gschwinder als wie siewe Poschte!  
unn sorgt doch noch for Unserrens d'rbei;  
dann 's Schönnschte is: 's dhut noch kenn Heller koschte,  
m'r därf narr uf seiñ Päckel schreiwwe: „frei“.

## Mit Schbeck fangt m'r die Mäus.

D'r Schbadtdirekter hot emol erfare,  
daß die Nachtwächter in d'r letschte Zeit  
nit, wie sid's ghört, uf ihrem Poschde ware,  
do denkt 'r: Waart't nor, euch v'rwiß ich heut!

Unn sächt zum Fordebach: Dhu Er mich wecke  
so nooch de Zwee: do gucke m'r heut Nacht,  
wo dann die lüdderliche Öser schdecke,  
dann 's hot m'r 's geschttert widder Jemand gsacht,



's dhät awweil Reener mehr nooch Gens noch bloße.  
 Unn wann deß wor is, sächt 'r, geht's 'n schlecht!  
 d'r allerärstchte wär der Franz, der grose.  
 So, denkt d'r Fordebach, jez werd's schunn recht;

unn geht glei owends hiñ unn dhut's demm schdecke.  
 Sächt: Franz, denk nar 'mol, sächt 'r, so unn so!  
 Um Zwee heut Nacht muß ich 'n jo schunnt wecke!  
 A, sächt d'r Franz, bis dorthiñ bin ich do.

Noñ, bis die Gäul nachts ghörig aügscherret wäre,  
 unn Er war ferdig, do war's ann demm Drei;  
 knapps awwer war 'r zwee, drei Gasse gfare,  
 do macht sich dann mein langer Franz 'erbei,

unn denkt: Aha! jez wolle m'r dich friche,  
 mein lieber Schdadtdirekter, baß norr uff;  
 unn hot sich sachte an die Schees hiügschliche,  
 unn setzt sich ganz gemächlich hinne druff. —

So sinn se jez lang in d'r Schdadt rumgfare,  
 mehr wie e Schdund, unn Alles war bummischdill,  
 bis 's gschlage hot, unn wo se do grad ware —  
 d'r Rutscher, der mag halde wo 'r will —

war do nit Gener glei, als wie d'r Dunner,  
 vunn seine Kammerade bei d'r Hand —  
 do hupst mein Franz ganz sachte hinne runner  
 unn schleicht sich fort ganz schdill, so an d'r Wand,

unn fangt uf eemol anwer an ganz mächtig  
zu bloße wie vunn üngfär, hinnerm Eck.  
Do sächt d'r Schdadtdirekter: Des is prächtig,  
wie die all bloße! unn war ganz eweck. —

So hamwe se's e Weil noch fortgetriwwe;  
uf eemol anwer war die Gschicht v'rbei:  
do sinn am Mark die Gäul rad schdeh'n geblinwe,  
unn v'rluschiere sich jek do am Hai,

an so 'me Wage voll. Unn der Nachtwächter  
schloft hinne druf, so schdeif als wie en Schdock;  
d'r Schdadtdirekter schnarkst als wie en Trechter,  
unn vorne schloft d'r Gutscher uf 'm Bod.

Uff eemol zerre jek die Gäul unn schdose,  
bis daß d'r Franz uf's Pläschder runner fällt.  
Der anwer uff glei unn fangt an zu bloße;  
d'r Kutscher der wacht aa jek uf unn knallt.

D'r Schdadtdirekter dhut sein Age reitwe,  
unn wie 'r dann d'rheem is, sächt 'r: So!  
do wäre m'r. — Neen! so lang auszubleiwe,  
sächt do d'r Fordebach, ich bin waß froh,

daß Se 'mol dosinn! Ich war schunn do drunne,  
am End d'r Welt, unn habb nooch Ihne gfrogt,  
unn denk, wie 'ch Ihne nit habb gfunne,  
Sie hätte sich for ewevil geplogt,

wie ich so Schlag uf Schlag hab bloße höre. —  
 Neen, sächt d'r Schadttdirekter, wann die Leut,  
 wo so v'rläumde, nar beim Deuwel wäre!  
 Se hawwe'n all gebloße uf die Zeit.

D'r allerärkſchte war der Franz, der groſe;  
 ſchier ünweräl do war der vorne draß,  
 hot wie 'n Poſaune=Engel heut gebloße,  
 unn mehr als wie ſein Schuldigkeit gedhaß! —

Ja Fordebach, waß die ſo machſam ware!  
 Wann ich mein Schloß hätt ehnder d'raügewogt,  
 unn alle Nacht wär in d'r Schadt rumgfare —  
 ich hätt mich nit for ewevil geplogt.

Ich wollt en' aa ſchunn 's Neujor abgewinne,  
 wann's ſele dhät: Die Mäus fangt m'r mit Schbeck!  
 Unn wer die rechte Mittel weeiß zu finne,  
 wie ich heut Nacht, der kummt aach zu ſeim Zweck! —

## Ehrlich währt am längschde.

Do woltst jo en Geizfrage körzlich am Dhor  
en'n prächtige Kalbschlächel schmuggle;  
'n Metzder hot's awwer verrotte zuvor:  
do hot 'r 'n nit könne verducke.

Halt, denkt 'r, so kummst de deinem Schade jetz bei:  
du wettscht, um do kann d'r 's nit fehle,  
unn macht sich in's Wertrhschaus unn dhut dann aa glei  
brüwarem die Gschicht do verzähle.

Was vorthin e Herr minne Schlächel ghatt hätt,  
am Dhor; 's wär aa gar nit zu sage,  
wie der Einnemmer Acht gäbt. Ei, sächt 'r, ich wett:  
Mit e Bund werd do so reingetrage!

Zum Unglück muß awwer der Metzder do jehn;  
der zieht 'n erscht recht durch die Hechel,  
unn sächt dann: Ich wett, e ganz Kalb trag ich rein;  
zehñ Dhaler gilt's unn noch 'n Schlächel!

Do schlächt dann natürlich der Annere ein  
unn fascht't schunt e Weil uf denn Brote;  
is awwer, um seiner Sach sicher zu jehn,  
an's Dhor naus unn hot denn v'rrotte.

Noñ, denkt der Einnemmer, dich haww ich v'rwischt  
 minn Schlächel, ich will d'r nor sage,  
 daß wannu de minn Kalb jetz nip pissiger bißcht,  
 do geht d'r 's erscht recht an de Krage.

Unn richdig: glei druf hot sich's Blädel gewend't:  
 der Meksder hot's besser getroffe  
 unn — weil er 's minn Einnemmer gut hot gekönn't —  
 demm Geizhals de Rang abgeloffe.

Er macht mit demm Einnemmer Alles hübsch aus.  
 Noñ, sächt der, do kunn du nor morge,  
 ich bin gege'n Owend uff alle Fäll draus;  
 v'rschdehst? ich hab mehr noch zu bsorge! —

Der kummt minne Sack jetz de'n annere Dag,  
 unn wie er hot rein wolle schleiche,  
 do sicht's d'r Einnemmer unn ruft 'm dann aach:  
 Hee! dhu er sein Kalb emol zeige!

Ach, sächt der, Herr Einnemmer! 's is jo en Hund.  
 Ich kann narr de Sack nit ufbinne:  
 ich haww 'n erscht laaft, sächt 'r, zeit e paar Schdunn,  
 der dhät junscht de Weg widder finne.

Her! 's Wort is zu viel, sächt der Einnemmer. — Mein!  
 ich dhu halt kein Katz im Sack laafe,  
 unn wann's aach en Hund is. Do geh 'r 'mol rein,  
 in d' Wachtschdubb unn loß er 's Kalb laafe!

Der Meßder der schwört, 's wär keen Kalb unn keen Rag.  
's hatt't nicks; er hot's nein müsse bringe,  
unn wie er jetz ufbind't, do dhut mit eem Sag  
en Hund durch die Scheiwe naus schpringe. —

Der Meßder laaft nooch, unn d'r Einnemmer brummt:  
Wart Geizhals! dir geht's an de Krage;  
unn sächt 'm, wie der e Weil druf widder kummt,  
der Meßder der wollt 'n v'rflage.

Unn grad kummt der jeger t minn Kalb im Sack her;  
aufsch, denkt 'r, jetz bischt de v'rlore!  
Der Einnemmer awwer gibt sellem keen Ghör,  
unn wann 'r zehñ Feder hätt gschwore.

Er drückt halt e Nag zu unn löst denn in d' Schdadt,  
hot awwer, genauer genumme,  
vunn viele Budrücke nor e eñ Nag noch ghatt,  
do hot dann 's Kalb rein könne kumme. —

Der Geizhals denkt: Wo ich gewunne doch habb,  
do soll ich zehñ Dhaler v'rliere?  
unn aa noch en'n Schlächel! Ja, Meßder, waart's ab!  
unn soll mich noch for losse füre!

So meent ihr, ihr freecht mich zum zwettemol dran?  
Ich loß mich am End aa noch schtrofe?  
Die Gumm dhut ich euch zwee Hallunke nit an:  
do könnt 'r ganz ruhig hent schlofe. —

Deß dhune die aach alle zwee die ganz Nacht.  
Wie morgens der Meksder is kumme,  
hot anwer der Geizhals noch selbicht nit gewacht;  
deß hot denn doch Wunner genumme.

Uun wie er jetz noochguet: — hent der an d'r Wand  
uun hot aa keen Wien mehr v'rzoge!  
Noû, sâcht 'r, du Schbitzbuh! Is deß nit e Schand,  
mich hoscht um die Wetzung betroge, .

uun hoscht mich falsch ângeklagt, h r ich jetz aach,  
als h tt ich e Kalb wolle schmuggle;  
uun 's war doch 'n Hund! Ja, 's kummt Alles an 'n Dag;  
do l st sich keen Schl chel verdacke,

wie gschweih noch e Kalb! 's kummt nicks d'rbei raus,  
m'r dhut sich nor selwer betr ge.  
Do s cht m'r: Herr G nnemmer! So s cht's hent aus;  
uun dhut so en Mann nib bel ge,

wie du ges tert Dwend. Sunst geht's eem e so;  
deß s nn noht die Folge; drum hentst de  
jetz aa nit unisunst, anwer ich bin noch do:  
dann — ehrlich w hrt immer am l ngschde!

## Untren schlächt ihren eegene Herr.

---

En Schulz, der wo zämme hot gscharrt um die Wett,  
unn 's liebscht noch uf auner Leut Roschde,  
denkt wie seller Schwob: Selwer esse macht fett;  
m'r hot nit umjunscht so en Boschde.

's hot in d'r Gemeen awwer düchtige Leut,  
die wo em so ebbes veränwle,  
drum denkt 'r: Die Ginkuaddirung kummt hent  
grad recht, for die Kerlicher zu zwinwle.

Uun bitt't sich vum Hauptmann die gröbbschde Zwee aus  
unn sächt zu demm Gene: Herr Gfreiter!  
Sie kumme zum hungrige Müller donaus.  
Ich sag Ihne awwer nicks weider,

als daß es en schdeenreicher Mann is. Wie gsacht,  
norr is 'r vum Geizdeufel bjesse,  
unn wer sich nit rechtschaffe hinner enn macht,  
der kann sich nit satt bei em esse!

Sie — sächt 'r zum Ann're — Sie kumme zum: Peit,  
zum Bäcker. Sein eensiger Fehler  
is, daß 'r nicks daugt unn mit alle Leut Schtreit  
unn Händel anfangt, der Graggeeler.



Wann sich for die Kerl do e Mittelsche find't,  
daß Gener de Bäcker dhut kloppe,  
unn Gener em Müller 's neu For abgewinnt,  
do zahl ich euch Jedem en'n Schoppe.

Deß war atwer Wasser uf denne'n ihr Mühl,  
drum kann 'r sein Freed nit v'rhehle,  
unn reibt schunn die Händ zum gewunnene Schiel:  
Heut, denkt 'r, kann's sicher nit fehle. —

Wie also der Gfreite zur Müllern naus kommt,  
do dhut 'r, als wollt 'r se fresse,  
unn dobt unn hot's Gweer uf de Boddem hängschdumpt,  
unn bschdelst sich glei selwer sein Esse. —

Zu Dörrfleisch unn Sauerkraut trinkt m'r doch Bier?  
Demm — müsse se Wein d'rzu holer!  
Noht bschdelst 'r glei Kaffee. 's war Ihre so schier  
als schdünd se uf glütige Kohle. —

Jetzt gar, wie der sächt: „Dhut die Wieg aus 'm Haus!  
„Ich kann deß Getrisch do nit höre;“  
do trächt se d'r Müller mit Ihr ewe naus  
unn sächt: Deß kann so nit lang were!

O grein nit! unn dhu em denn Hahn do noch ab.  
Ich frich 'n noch; do wollt ich wette.  
Wann ich d'r 'n emol in de Klubbe drinn habb,  
do will ich schunn deutsch mit 'm redde.

„E Bett will ich;“ — ruft der Soldat jetz in 'n Hof —  
 „Narr gschwind, dhut mich narr nit v'rzörne!  
 „Do merwer de Dffe, unn daß ich gut schloß:  
 „aa Feuer! sunscht werr ick's euch lerne!“ —

So, sächt jetz d'r Müller, unn schmundselt d'rzu:  
 For Feuer do will ich schunt forge.  
 's Bett is jetz in Ordnung. Ich wünsch gudie Ruh!  
 denkt: Alleweil bischt de geborge.

Noht holt 'r sein Hund unn sächt: Jez is 's gemunt!  
 Do Suldan, wie der sich will rühre,  
 do packcht 'n glei fescht an d'r Brust, denn Hallunt!  
 Ich will eweil 's Feuer draus schüre.

Unn macht euch e Feuer, wie in ere Höll;  
 unn Der muß im Bett jo drinn schdecke,  
 ganz ruhig, dann sunscht knorrt d'r Hund uf d'r Schdell  
 unn dhut glei die Zähñ noch 'm blecke.

Unn bei dere Hitz in demm Bett unn dem Gschür,  
 unn demm Dorscht löst keññ Mensch sich mehr blicke,  
 vunn Drei bis am Bertel uf Siemwene schier!  
 do war er doch näckscht am Verschiede. —

Wie endlich d'r Müller jetz reinkummt unn lacht  
 unn sächt: Ich muß Euch emol bsuche;  
 harw ich Euch dann aa ghörig warem gemacht?  
 do dobt Der unn fangt an zu fluche.

„Ich wollt, daß Dihr selwer im Ofse drin wärt!...“  
 Ist! sächt do der Müller, nicks sage!  
 Mein Hund verschdeht Alles; wann der so waß hört,  
 do packt 'r Euch sicher am Krage.

Ich frog Euch nor, ob D'r jets orntlich wollt sehn,  
 unn nimmehr die Leut so wollt quäle?  
 sunscht schberr ich denn Hund die ganz Nacht zu llich rein!  
 Jetz redd't; Ihr hatt selwer zu wähle.

Do hot 'r dann doch um gut Wetter gebitt't.  
 Jetz holt 'm der Müller glei Esse  
 unn Trinke, unn nimmt aa sein Hund widder mit;  
 do war noht aach Alles vergesse.

Unn hot 'n noch selbscht zu beruhige gsucht  
 unn dhut 'm brav Nothe eüschente;  
 der anwer hot ünwer denn Schulz ebbes gflucht:  
 Demm Lump — sächt 'r — will ick's gedente! . . . —

Beim Reit do war's annerscht. Der sächt: „Rummerad!  
 „nit ufbegert — deß loß 'r bleiwe —  
 „ich weeiß, waß sich ghört, ich war selwer Soldat;  
 „sunscht werd m'r 'in die Bösse vertreiwe!“

Dodrüüwer fricht Der anwer aa jets e Wuth  
 unn wollt nooch mein Bäcker glei schlage;  
 der anwer v'rschdeht deß Gschäft selwer zu gut  
 unn packt 'n glei omwe'n am Krage,

Uun haut d'r denn Kerl wie en'n Dazhbär do rum.  
 „Bei mir," sächt 'r, „kummst an de Lege;  
 „geh nütwer zum Schulz un bedank dich jetz drum;  
 „for waß hojcht dich losse v'rhege!"

Deß Mittel hot gholfe. Jetz war Der ganz schdill,  
 un 's war widder Alles beim Alde.  
 Der Bäcker, der gibt 'm jetz, waß 'r nor will,  
 un hot 'n wie's Kind vum Haus ghalde. —

De'n annere Dag sinn se all widder fort;  
 do fangt schunn mein Schulz an zu prahle:  
 zwec Mann d'r vum atwer, die hawwe'n im Ort  
 ihr Rechnung noch erscht zu bezahle.

Die schdörme zum Schulz nein, mit aller Gewalt;  
 do war der een Freed — dann, wie kann er  
 an so waß aa denke? — de Haupt=Sachv'rhalt  
 denn seze die 'm erscht ausenanner.

Als Gfreiter, nadürlich, do hawwe se Schdöck  
 un sage 's denn jetz, wie se 's meene,  
 dann 's ware Dichtreicher, wo sich vornewegg  
 gut uf denn Ardicke v'rschdehne!

Die mache sich fescht an ihr Arweit jetz draß.  
 Der Schulz der fricht beinoh kenn Odem,  
 un jomert un ruft alle Heilige an,  
 un wergelt sich rum uff em Boden.

Zum Glück for denn hamwe se weiter gemüßt;  
do hamwe se 'n ewe recht herzlich  
vum Müller unn vum Bäcker Beit noch gegrißt:  
der Abschied, der war emol schmerzlich.

Vorab for denn Schulz; der hot lang draß gefant.  
So oft der des Schprüchwort müßt höre  
vun d'r Untreu, do juckt 'm vor Angscht schunn die Haut:  
's könnt sich widder so schlagend bewähre.

**Wäsch m'r de Belz, narr mach m'r 'n nit naß.**

Letzt war ich drumme, Du, unn hab's erfahre,  
warum die Gasladerne fellie Nacht,  
wo's schdicke dunkel war, nit angschdeckt ware;  
d'r Herr Direkter hot m'r 's selwer gsacht.

Wie unser Herrgott — sächt 'r — mit d'r Dauer  
vun Licht unn Finschderniß in seim Revier,  
so wär mit Hell unn Dunkel Keens genauer,  
als wie die Herrn Verfinschdrungsräth vunn hier.

Die sage — sächt 'r — 's wär en growwer Poischde,  
was m'r, wann's dunkel wär, v'r'brenne dhät  
's For durch; m'r bräucht nit die Beleuchtungsloischde  
aa noch, wann „Mondschein“ im Kalenner schdeht.

's is denne eens, ob's trüb is odder heider;  
do heest's: Hät norr bis morge früh Geduld.  
Wann's neww'lig is, goowedelt um so weider: —  
kein Mensch wie unser Herrgott fricht die Schuld!

Do brenne die Laderne, awwer — dunkel.  
M'r sicht kein Licht; nadürlich — 's is jo Nacht!  
Grad so e Gschichdel, sächt 'r, hätt sein Unkel  
v'rzählt, vunn sellem Bauer — hot 'r gsacht.

Zu sellem Bauer sächt 'mol en Professor,  
die Drehung vunn d'r Erd gäbt Dag um Nacht.  
Nein, nein, sächt der, die Sunn — deß weess ich besser —  
die geht nachts widder rümmer, hot 'r gsacht.

Sächt der Professor: Ihr seyd m'r en rechter....  
M'r müßt se jo doch sehe, hot 'r gsacht.  
So! sächt der Bauer, Herr Professor — sächt 'r —  
wie kam'm'r se dann sehe, 's is jo Nacht!? —

Do löst sich — sächt 'r — nicks d'rgege sage;  
's weess Jedes, daß m'r nachts die Sunn nit sicht.  
Drum sollt m'r awwer aa nit allfort klage,  
daß Unfereens am End die Schuld noch fricht.

Die Sach wär freilich nomit ganz im Reine;  
's hätt Alles sein zwee Seite, deß wär wöhr.  
Wann awwer nachts der Mond halt nit wollt scheine,  
do könnte doch die Schdadträth nicks d'rfor! —

Ann scheint d'r Mond nit — jächt'r — bleibt's halt dunkel;  
d'r Schein der trügt: d'r Mondschein also aach.  
Ann doch gäbt's e Gëuz noht unn Gemunkel,  
wann keen Laderu grad brennt an jo 'me Dag! —

W'r meent, die Rothsherrn wäre nor die Wächter  
vunn Sunn unn Mond! unn deß is doch nit wöhr:  
dann gäbt's schdatt Mondschein Schnee unn Newwel — jächt'r —  
kömmt unser Herrgott ganz alleen d'rfor.

's hätt früher's gheese: Die Laderne brenne,  
narr daß ma sieht, wie dunkel 's is, unn so.  
Unn jetz, dhät's heese, kamm'r's Hern einrenne,  
bricht Hals unn Been unn sieht noch gar nit wo! —

Recht! — jächt'r — früher's ware's Gsel, dunne!  
Sag mir een Mensch, zu waß d'r Fortschritt daugt',  
wann 'r nip pradtich wär! 's is jo weit kumme —  
daß m'r zum Falle keen Laderu mehr braucht!

Drum sage se, 's wär jo d'r schdärtschde Poschde,  
waß mer, wann's dunkel wär, verbrenne dhät  
im Johr: m'r bräucht nit die Beleuchtungsfochde  
aa noch, wann Mondschein im Kalenner schdeht. —

So — jag ich — is es nor de Herrn ums Schbare?  
Ich glaab's, dann Summers gar keen Licht  
aach one Mondschein. Ich hab zwar erfahre,  
sie hätte Bang, daß m'r se dorfle sicht! —

Er hot nit „neen“ gsacht. — Weescht d'? er kennt die  
Geschichte.

Drum, meent 'r, macht m'r 's rechder glei bekannt,  
daß Jedermann sein Handladern köunt richde.  
Des war am besche — sacht 'r — vord'rhand.

Uun iwwers Johr köunticht's im Kalemmer lese,  
„wann's Gas nit brennt.“ Er sacht, er hätt keen Ruh,  
als bis der Fortschritt im Verfinchd'rungsweise  
secht bschlosse war — unu 's kämt aach noch d'ru.

Noht känte, wann's die Umschdänd auscht erlaawe —  
„Gasfinchdernisse“ regelmäsig vor;  
grad wie bei Sunn unu Mond. 's dürt's Jeder glaawe,  
wo Luscht d'ru hätt — sacht 'r — dann 's war wohr! —

Uun, renut m'r nachts an so 'n Paderneposchde,  
wann's noch so dunkel is, m'r sicht doch was;  
unu war's d'r Grundsatz bei Beleuchtungsfoschde:  
„Wäsch m'r de Belz, narr mach m'r 'n jo nit naß!“



## Wie m'r in de Wald neinkreisch, so schallt's aa widder raus.

's hot aa 'mol en Müller, en schdeesreicher Mann —  
nit dumm, atwew luschtig unn leicht —  
uff Dschdere, weil er nit ausweiche kann,  
sein'r Mutter zu Gefalle gebeicht'.

Unn grad bei d'r letschde, uf die 'r sich bsinnt  
unn meent schier, 's wär keenie: „Ach Gott!“  
— sächt do jetz d'r Dschent — „kein gröserie Sünd,  
„als gege die Kerchegebott!“

„Wer uf de Charfreidag — e Lewwertworcht ist,  
„ist Fleisch! unn der kummt in die Höll! —  
„Dafß Dihr deß nit aus meine Preddige wißt!  
„Narr Bus gedhañ, glei uf d'r Schdell!“

„Unn bringt, — daß d'r's orntlich bereue aach dhut —  
„enn Wage voll Holz; unn for deß  
„les ich ganz alleen noch — Ihr seht, ich meen's gut —  
„for Euch aach e heiligie Meß.“ —

Mein Müllern war atwer do, glei bei d'r Hand:  
 „Jez Hannadem“ — sächt se — „norr schdät!  
 „En Wage voll Holz is zu viel; 's wär e Schand.  
 „Folg mir, du werrest sehe, daß 's geht!“

„Mac's, wie ich d'r gsacht habb.“ — Demm Müller  
 war's recht;  
 wie 'r atwer zum Dechent hiinkummt,  
 mim Holz, do war's demm seiner Köchin zu schlecht;  
 die hot emol ebbes gebrummt:

„Daß Ihr Lent so geern euer Pflichde v'rgeßt!“ —  
 Der atwer sächt: „Schänn se mein Fraa;  
 „die sächt, 's wär jo doch narr e Wörschtel gewest,  
 „unn — en Wage voll Welle dhät's aa!“

„Ja“, sächt do die Köchin, „deß glaaw ich 'm schunn;  
 „sein Fraa is e Keßern! — Als fort  
 „jetz mit denne Welle, do simm'r d'r vunn —  
 „mir halde'n uns schdreng do an's Wort!“

Unn wie jetz der Müller vum Haus eweggfart,  
 ruft's: „Nemmt euer Welle nor mit!“  
 „Die Müh“ — sächt d'r Dechent — „die hätt ich m'r  
 gschbart;  
 „do wäre m'r jetz schunn lang kitt!“

„Mit demun Zeufs, do bringt m'r kunn Brete jo gar,“  
 sächt Der in sein geistliche Schdolz  
 zum Müller: „Ihr bringt m'r, was ausgemacht war. —  
 „Im mein Land sinn Welle kein Holz!“

„Wann ich,“ sächt der Müller, „des Glückels norr  
 hätt,  
 „ich bräacht se mit Welle ganz rösch. —  
 „Wann Welle kein Holz sinn, sinmir awer weit,  
 „do sag ich: is Woricht aa kein Fleisch!“

## Wann Zwee minnanner prozesse, gibt's forr de Dritte e Presse.

Vor Zeite, do hot's emol in ere Schdadt,  
 — meintwege'n am Rhein odder Neckar —  
 gar gscheute, durchdrinwene Handwerksleut ghatt;  
 die pissfische ware die Bäcker.

Die sage'n emol: „Bei d'r jetzige Zeit,  
 „do kunn'r die Brodtax nit losse;  
 „do kummt m'r zu forz mit. Die Zunft hot sich heut  
 „derutwege'n aach annericht entschlosse.“

„Mir müsse zum Schdadtdirekter jek gehn  
 „unn müsse’n em gradzu erkläre,  
 „bei dere Tag könnt m’r durchaus nimmer bjschdehn;  
 „uf die Art könnt’s nimmehr lang währe.

„Unn“ — sage je — „schlächt ’r mim Schwarzbrod  
 nit uff,  
 „do dhune m’r ’s annerscht aûpache;  
 „do muß ’r mim Weißbrod uf alle Fäll muß,  
 „sunscht — höre m’r ganz uf zu bache!“ —

So führe die Bäcker do Sache’n im Schild,  
 unn eener wett’t gar mit seim Heizer,  
 daß näfschdens zehñ Penning ’s Halbbazebrodt gilt,  
 e Bazebrodt awwer — fünf Kreuzer! — —

D’r Schdadtdirekter war nonnit zurück,  
 — der war bei Verwandte beim Esse —  
 deß war for die Bäcker warrhastig e Glück,  
 dann der hätt sich ann ’en vergesse.

Do klage je dann seiner Alde ihr Noth:  
 Sie könnte’n unn könnte nit schweige;  
 d’r Herr Schdadtdirekter könnt am ’me Peeb Brod  
 sich selwer hernoh’t iüwerzeuge.

Unn schicke’n en’n derfische Bund awwer hiñ,  
 — m’r sicht sunscht nib ball so en’n zwette —  
 unn denke: Jek schdeht unser Nüliche grün;  
 der derfische Bund werd schunn redde. —

Wie awwer mein Schdadtirekter deß hört,  
do sächt 'r: Deß war euch gerothe,  
daß ich nit d'rheem war. — Wie eener sich bschwert  
vunn euch Kerl, do ghört 'r gebrote

im eeg'ne Backoffe! — Js deß euer Grund? —  
Euch soll jo glei 's Wetter verschlage!  
Da, Fordebach! — dhu er denn derfische Bund  
zum Quardjan in's Kloschder neintrage. —

Uun bschdell 'r die Bäcker uf morge'n am Drei,  
beim Junftmeeschder Wülhuwer drunne! —  
Do schmunzle die Bäcker um denke d'rbei:  
Halt Alder! jetz hamn'r 's gewunne.

Dags druf awwer, wie er 'n' die Meemung hot gsacht,  
do hot sich ihr Hochmuth v'rlöre;  
do hawwe die Bäcker all Gsichter gemacht,  
als wär 'n' d'r Duwwack v'rfore.

„Waß“ — sächt 'r — „ihr traut mir so Sache do zu!  
„Wie könnt 'r euch so waß erfreche! —  
„Glaabt ihr dann im Ernicht, daß ich so ebbes dhu —  
„unn loß mich so gradeweßs bschdeche?

„Waß meent dann ihr Schlingel vunn dreihunnert  
Bund! —

„— Ja freilich! — denk dodrañ nor Renner,  
„daß ich weg 'me lumpede derfische Bund  
„euch narr so die Brodtag v'ränner! —

„Grad wie ich heut morgend meim Fordebach schell  
 „unn sag 'm, ich dhät euch v'rklage,  
 „hot der 'n (zum Glück for euch) hinnerrücks, schnell  
 „noch nitwewer in's Kloschder getrage....

„Sunst! . . . .“ „„Dunnerschdag!““ freische die  
 Bäcker jekund.  
 „„Herr Je! waß is deß for en Schade!  
 „„Ei denke Se norre, der derfische Bund,  
 „„der war jo voll lauder — Duggade!““ — —

Do fällt der vor Schrecke rack um uf d'r Schdell.  
 D'r Zunftmeeschder löst 'n grad liche,  
 renut naus, v'rwischt awwer die unrecht Budell  
 unn hot 'n mit — Baamöl aügschtriche.

's war aa gut; er hot sich ball widder gemacht.  
 „Zhr Herrn“ — fangt 'r gleich an zu brummle —  
 „deß ännert die Sach — hätt' ihr's geschtert nor gsacht! —  
 „D'r Fordebach soll sich jo dummle! —

„Denn Bund gibt d'r Quardjan schunn widder mit —  
 „Waß meent 'r dann, sag 'r 's 'mol ehrlich.“  
 „„Ja!““ sächt der, „„Herr gheime Rath — ich weef  
 eß mit —  
 „„'s könnt schunnt seyn — ich glaab awwer schwerlich.““

Unn richtig, mein Quardjan sächt, ew er sich bsinnt:  
 „En'n dertische Bund mit Duggade?! —  
 „Deß wär jo e Wunner vunn Gott, liewes Kind.  
 „Denn schickt uns d'r Himmel in Gnade! —

„'s wär gar nicks gedhañ do mit unserer Macht,  
 „dann do dhut die Vorsehung walde, —  
 „unn zudem, d'r heilige Paulus hot gsacht:  
 „„Prüft Alles unn 's Beschde dhut — bhalde!““

## Gedanke sinn zollfrei.

Vor Amt hot 'n Bauer de Neue 'mol gschbürt,  
 unn hot e Gezuchtel unn Wese v'rführt,  
 daß so e kleünwunzig kleen Schreierle do  
 so grobb mit 'm war, als wie Sauboneschtroh,  
 unn jagt 'n zur Dhür naus. Do denkt der halt: Mein!  
 der muß e gross Dhier, seiner Grobbheit nooch, seyn;  
 dann vornäm unn — Growwjan; noñ 's Gschäft bringt's  
 scheint's mit,  
 hot der Bauer gedenkt, awwer — gsacht hot 'r 's nit.

's hot aach 'n Haupt-Jäger e Wetzung gemacht:  
 Heut schies ich sechs Hase gewiß uf d'r Jacht!  
 Seim Johann war awwer deß Schleppets zu schdarr:  
 Mir schiese die Hase doch sunscht uf 'm Mark,  
 warum dann nit heut? — Noñ schieb's narr uf dein  
 Flint,  
 wann d' alls emol fehlscht, dann ich lad d'r se blind. —  
 M'r schleppt nor so Hase'n unn Hünkle unn Füchs!  
 hot d'r Johann gedenkt, awwer — gsacht hot 'r nicks.

E'n aldie Vetschwester — ich habb se gekennt —  
 die hot wie en Korschbaß uf's Heurathe gschännt.  
 Die Männer, liebs Bäsel — schunt oft harw id's gsacht —  
 sinn 'm Deuwel zu schlecht for e Neujor. Gebb Acht!  
 — Ich kenn se. — Nimm norr kenn. — Neen, lieber  
 de Dod! —  
 Du aldi Vetschwester, frich du die schwerr Noth! —  
 Denk narr 'mol an's Schprüchwort — um was ich dich  
 bitt! —  
 hot's Bäsel gedenkt, awwer — gsacht hot se 's nit.

Do hamwe drei Fremde'n im goldene Hecht  
 'mol orntlich gewickelt unn gschbielt unn gezech;  
 beim Zahle gibt's Schtreit, dann d'r Werrth legt sich  
 nein,  
 — d'r Dummische, hot's gheese, soll Zahlmeeschder seyn! —



Der meent do, 's wär gschickelt — schmeist eene glei  
naus:

Husch! ware se fort. — Jetz lacht ihn Alles aus.

Ja, lacht nor, jetz zalt d'rerst ihr die ganz Wicks!

hot d'r Werrth do gedenkt, awwer — gsacht hot 'r nicks.

Em Graf sein lieb' Früchtel, en batiger Buh,  
der läßt uf d'r Kerwe kemm Mädle kein Ruh.

Wupp! hot 'r sein Jäng, daß die Schwart hot gefracht.

D'r Schulz hot sich beinoh en'n Buckel gelacht,

dhut awwer, als wann's 'm gottschträfflich arg wär:

's därf nit d'rbei bleiwe, Herr Graf! uf mein Ehr!

Dann 's näkcht Mol gibt's mehr noch; m'r sinn  
nonnik fitt!

hot d'r Schulz do gedenkt, awwer — gsacht hot 'r 's nit.

U Rassebas lächt zu de Namesdagsgäsch:

Noñ! löst's üch recht schmecke, so gfallt m'r 's am bescht'.

Da! 's is euch gegunnt, unn wann's fehlt, 's is noch  
do. —

Ei! freßt eem zum Haus naus! for euch bin ich froh —

Ihr kummt m'r ball widder; — ihr hatt mich heut  
gsreet. —

Unn gar die dick Bummel — wie deß widder geht! —

Du Fressern — du Süßern — du Schnuppdunwaksbüchs!  
so hot se gedenkt, awwer — gsacht hot se nicks.

's macht Gener Gedichte unn gibt se aa raus; —  
 e Mancher der lest se unn macht sich nicks draus;  
 der find't se so so, — unn der impertinent  
 unn meent, daß eß gschdichelt uf ihn wär, unn schännt. —  
 Mein, denkt 'r, ihr könnt mich doch all, wann d'r wollt; —  
 noch Redde is Silber, unn Schweige is Gold,  
 unn — Gedanke sinn zollfrei; do tröschd ich mich mit!  
 So hot 'r gedenkt, awer — gsacht hot 'r 's nit.

## Was Recht is, muß Recht bleiwe.

Noch hör! Ich war d'r noch im Bett gelege,  
 do fahrt die Thür uf, unn mir grad enggege  
 schdörzt do mein Fraa rein, in die mitte Schdubb:  
 Herr Jesses! 's brennt! 's dhut bloße schunt unn schdörme!  
 Ich raus unn denk, 's is widder blinder Pärme,  
 guck awer doch zur Vorsorg naus unn hupp.

Unn sag: Rumrad, was werd d'r Hauptmann sage!  
 Ich meen ich hör 's schunn; der dhut doch narr klage,  
 so lang 's nit Ernscht werd, sächt 'r, is 's keen Freed!  
 Zeit seller Prob, schunn sitter zehñ, zwölf Woche,  
 hot denn in eem Schdlick fort d'r Hawer gschdoche,  
 weil 'r sein Düchtigkei geern zeige dhät.

Jetz hot 'r, sag ich, doch emol sein Wille:  
do kann 'r heut sein „Feuer“-Eifer schdille;  
der is gewiß d'r erschde uf em Platz!  
haww ich zu 'm gsacht unn hab d'r nit bedappelt,  
wie arg 's pressirt hot, hätt mich schier verbabbelt;  
noñ, sag ich, kummisch in d' "Palz" nooch der Schtrawat!

Unn dhu mich schnell in mein Mundur neiß schdecke,  
unn denk, du willst die Feuerweerleut wecke,  
dann die sinn doch noch mehrschdendheels im Schloß:  
— 's is Mondag heut — unn fang d'r an zu renne,  
die Planke naus; do seh ich's aa schunn brenne  
in heller Flamme im alde meenger Hof.

Bum Hauptmann, denk ich, kunnst de nit mehr  
schpringe,  
denm werd en Aunerer schun Nochrict bringe;  
der wohnt aach gar zu weit do hinne draus.  
Wann ich mein Schdissel heut noch dhät laase:  
mein Hauptmann dhät m'r aa keen neue laase;  
's is weit gemunt schunn bis an's Feuerhaus! —

Staum war ich dort, do kummt en ganzer Haufe,  
die könne all vor Schpringe schier nit schnause,  
unn kreische: 's brennt! Jetz nar die Schbrige bei!  
Waß braucht 'r euch do lang noch rumzuschduse;  
hört 'r dann nit deß Schdörme unn deß Bloße?  
macht hortig — sacht d'r Obmann — Eins, zwei, drei!

Bei uns heest's nit: „Erst muß m'r 's Schloß  
auskloppe,  
„weil deß die Kinner alls mit Dreck v'rschdoppe;  
„im Nothfall ruft m'r Schlossersgelle her!“  
Bei uns geht's schneller, do heest's: Halt e bissel,  
mir hawwe vierezwanzig Feuerschlüssel  
zum Feuerhaus, unn kenne der geht schwer.

Die Nachtwächter in demm Bertel hot en jeder  
en' Schlüssel; newer 'm Feuerhaus d'r Peter  
hot aach een', unn d'r Hauptmann — sunscht wär's  
gfeht —  
unn die Gemeinderäth; d'r Rummendant hot eene;  
e paar Mischkönig een; e Schdücker zehne  
die sinn an Bürger extra noch v'rdheelt.

An lauter Leut, die wo schbät heemgehn, weescht de?  
unn schunn vertraut sinn mit de Bränd, v'rschdehscht de?  
wann die all kumme, gibt's en ganze Troß!  
Ja gebt nor Acht, sächt Gener, wie se kumme!  
Die denke: 's werd so ewe nit genumme,  
bei vierezwanzig Schlüssel unn een Schloß! —

M'r bräucht sich gar nit minne Schloß zu quäle!  
dann 's dhät kein Mensch die Feuerschbrige schdehle:  
m'r macht en'n Michel drañ, do is 's v'rbei!  
Deß gingt noch schneller, glaaw ich alls, e bissel,  
wie mit 'me Schloß unn vierezwanzig Schlüssel,  
wo all nit dosinn; zudem wär's aa neu!

Ja ihr, unn neu! — Ihr bleibt halt alls beim Alde.  
Wann die Gemeinderäth dann Sitzung halde,  
unn 's Unglück will, 's brennt grad beim Dag wie heut?  
do kummt doch keener! unn wer kann se schtrofe!  
Nachtwächter unn Mischtkönig dhume schlofe:  
die hawwe dod'rzu jo nachts keîn Zeit.

Unn grad die Zappe, die wo immer lösche  
unn schunt am Dag die Gorgel düchtig wäsche,  
die sinn bei so waß regelmäsig voll.  
Do kräächt m'r gar 's Kummendo noch genumme,  
wann grad so zwee Bränd zsamme dhäte kumme;  
m'r weefß oft so nit, waß m'r mache soll!

Recht hot 'r, sag ich, Männer! dann do schdeht 'hr  
wie's Kind beim Dreck, wann ich nit mit em Peter  
seim Abtrittschlüssel 's Dhor ufmake könnt!  
Denn will ich 's näschtmol sicher nit v'rgesse! —  
Die Schprige hortig raus; unn unnerdesse  
laaft Gener vor unn guckt, ob's aach noch brennt! —

Bis mir do kumme, ware schunn die Gauwe  
unn all die Schdnuwe ganz voll Pickelhaute  
unn anner' Leut, wo hawwe 'nanner gschännt.  
Unn Gener freischt: Ja! defß wollt ich keem rothe;  
euch werd m'r noch e extra Werschtel brote;  
's muß Alles helse, wie's emol heest: 's brennt!

Ja, do könnt Jeder kumme; deß därf kenne,  
 sächt do en Annrer, nor ge'ibte Männer,  
 mir dürfe ganz elleen, wann's brennt, in's Haus!  
 Deß därf nit seyn; ich werr's aa nit v'rduische.  
 Ihr hatt uns nicks in's Handwerk neinzupusche;  
 ich sag's zum letschdemol: Ihr geht jetz naus! —

Do ruft d'r Schdadtdirekter: Ei, bei Leime!  
 Kost ihr die Leut nor ruhig drowwe bleiwe;  
 sie hawwe Recht; nor 's Schänne leid ich nit.  
 Könnt ihr dann nit ganz gut minnanner lösche?  
 's 'heest jo doch: Een Hand muß die anner wäsche;  
 unn wann die Gschicht v'rbei is, seyd 'r fitt.

Do war's dann schdill. Jetz awwer gibt's e Leue:  
 jetz schpriht's vunn vorne unn vunn hinne, newe=  
 unn owwe=her, vumm Abbedhefedach!  
 Do schmeise d'r jetz gschwind die Möwelretter  
 die Nachtdisch, Wäschdisch, Kannebee unn Better  
 zum Fenschder naus; deß war d'r e Gefrach!

So! haww ich gsacht, schmeist nor de Plunner:  
 die Bilder, Schbichel, Fenschder, Glässer nunner;  
 's verschberrt de Platz, am End verbricht's jo doch!  
 Uf eenmol friche mir keen ümwle Schrecke:  
 zwee breche durch unn bleiwe awwer schdecke  
 noch in d'r Deck, dann 's war kein großes Loch.

Mit knapper Noth hammir die rausgezoge;  
 e jeder hot dreihunnert Bund gewoge,  
 def war d'r meiner Seel kei'n kleenie Müh.  
 Unn aa denn scharfe Raach noch in die Lage!  
 unn 's aller Arfscht: mimm lodderleere Mage!  
 Mir hamwe gschafft, grad wie e Schdückel Vieh. —

Unn ümwerdenum ruft's: Def sinn schöne Sache!  
 En Hauptmann, meen ich, müßt im Schloß noch wache  
 for's Wohl d'r Schtadt! so sage alls die Lent.  
 Heut awwer muß ich Ihne aa 'mol schtrofe:  
 dann, wie ich seh, dhun Sie im Wache schloße,  
 bei so 'me Brand! wo schdecke Sie dann heut? —

Wo ich heut schdeck? — fächt der — Ich dhu nooch  
 Kräfte  
 mein Pflicht, def heest: ich habb Famillieggeschäfte,  
 die wo m'r nit so grad v'rschiene mag.  
 So mir nicks dir nicks vunn d'r Kindeaaf laafe,  
 geht nit: e Kind kann'r nor eemol daafe;  
 herngege brenne, def kann 's alle Dag!

Im schwarze Frack kann ich doch aa nit kumme,  
 Herr Kummendant! wie dhäte Sie do brumme!  
 do wär's nit meiner Hauptmannschaft ball all.  
 In mein Mundur muß ich mich heemlich schdecke:  
 weil ich doch nit mein Fraa will so v'rschrecke;  
 Sie wisse selbscht, wie 's is in so 'me Fall!

Uun zudemu sollte Sie mich ehnder lome,  
daß all mein Leut schunnt aus de Feuerprowe  
jo ohne mich gewöhnt zu schaffe sinn!  
E'n Annerer wär frant d'rheem geblitwe,  
bis daß m'r 'n mit Gewalt hätt 'rausgetritwe;  
atw'r ich bin do — unu do licht's ewe drinn! —

Sie dhun 's ganz Johr nor vunn de Pflichde redde,  
wie wann mir nit aach unser' Rechte hätte! —  
Harw ich die Pflicht zu kumme, — ganz gewiß  
is 's noht am Platß — (ich dhu nit üwertreitwe),  
daß ich doch 's Recht aach habb eweck zu bleitwe! —  
Beweise Sie mir, daß es annerscht is!

Do hot d'r Kummedant sich groß verwunnert,  
wie der so owwe runner hot gedunnert,  
unu sächt: Herr Hauptmann! nor gemacht, ich denf,  
ich dhu vunn Ihne nit zu viel verlange.  
An Ihne is 'en Pass verlore gange;  
Sie harwwe d'r emol heut recht die Kränk! —

Jetz will mein Hauptmann grad in's Haus neiß renne;  
deß atwer dhut arg raache noch unu brenne,  
do schpringt 'r raus unu sächt zu unsre Leut:  
Eß Erschde is, deß Feuer auszumache,  
deß Annere sinn alles Newesache;  
deß löst nor Alles leie unu seid gscheut!





So, sächt d'r Hauptmann, gelt ich soll mich ploge,  
's ganz Johr for euch; noht sehnd 'r ungezoge,  
wann dihr nicks könnt! unn for mein eege Geld  
soll ich noht omwedreiß noch Vortwürf kriche;  
wie oft bin ich for euch in 'n Sack schumm gschdiche! —  
So geht's halt: — Undank is d'r Lohn d'r Welt!

Meiñ, kreischt 'n Amrer, do loß uns erscht klage:  
mir aarme Deuwel mit em leere Mäge;  
— wer dhut dann uns? — mir müsse aa dosenh!  
Mir schdecke drinn unn könne jetz nit weiter;  
häst du en Schunke mitgebrocht, wär gscheiter,  
unn so e Fässel vunn beim Kinddaafswein! —

Jetz hamm'r noch e Weil uns müsse wehre,  
do fangt's dann allgemach an ufzuhöre;  
's war Zeit, dann viel hot 's Lösche nit gebatt't.  
Ich habb's jo gsacht: Mir mache die Hansworschte,  
dann unser Hauptmann ließt uns hent verdorschte;  
so ohne Bier, do schafft m'r sich ball matt. —

Um's Lösche hot sich aüfängs Keens gerisse;  
jetz awwer hot doch Alles wolle wisse:  
wie so en Brand dann eigentlich entsteht.  
Do hammir in d'r Rump'lkammer gfunne,  
daß so en ganz verbrennter Balke, unne  
im Boddem, in die Gaue nitwergeht.

D'r Kunmedant der dhut en unnersuche:  
 Gott's Dunnerwetter! fangt 'r an zu fluche,  
 schunn zeit drei Dag — wer hätt jeh deß gemeent! —  
 do is keen Mensch mehr in die Schdubb reingange:  
 do hot der Brand doch vor drei Dag aüsfange!  
 Jeh bin ich mit 'm Hauptmann ganz versöhnt;

Dann der sächt aach: 's muß Alles ausmarschire,  
 unn schdörme unn die Schbrige glei prowire  
 drei Dag eb's brennt, do hot m'r 's noht gewiß! —  
 Heut dhät m'r 's schunn in alle Blätter lese:  
 die Düchtigkeit vunn unserm Feuerwese,  
 unn wie's beim Brand so prächtig gange'n is!

So weit wär's mit demm Feuer gar nit funne,  
 m'r hätt 'm glei die Nahrung weggenumme;  
 mim nasse Kumpel hätt m'r 's ausgedrückt!  
 In fünf Minutte do war Alles gschehe!  
 Do hätt deß Mol die Menschheit könne sehe:  
 wie mer en' Brand drei Dag vorher verschdickt! —

's war gut so weit; ich will mich nib beklage;  
 nor — sächt 'r — Gens, deß muß ich euch noch sage:  
 alls rascher in die Unneform neüßgshluppt!  
 unn guckt uf mich unn sächt: Ja lach nor, Kleener;  
 ich wees es wohl, daß heut do drunne Gener  
 im bloße Heimm zum Fenschder raus hot ghuppt!

Deß haßt sich nit. Waß geww ich for die Boßse,  
m'r muß sich so genuch alls uze losse,  
wann schunn im Dinscht keen Feuerweer uns gleicht!  
Drum bei 'me Brand in Zukunft bleib'ts beim Alde;  
nor, daß drei Dag zuvor e Prob werd ghalde,  
dann deß is prakdisch, wie der Fall do zeigt! —

Hätt deß der alde Schdadtdirekter gsehe,  
der dhät vor Freed sich noch im Grab rundrehe,  
waß ich sein Ausspruch Ehr habb aingedhañ.  
Denn sollt m'r 'm heut noch uf sein Grabschdeen schreime:  
's heest nit umsunst: „Was Recht is, muß Recht  
bleime.“ —  
Die Mitwelt, freilich, die erkennt 's nit an! —

## D'r Mensch denkt unn Gott lenkt.

Do muß ich euch emol en'n Gschbaß verzähle!  
Vorgefchtert säch der Doster, der fideele,  
— ihr kennt 'n schun, draus wohnt 'r vor em Dhor —:  
mar muß deß Wetter sich zu Nuzge mache;  
Johann! schbann ein, bsork schnell dein sieme Sache, —  
unn fahr emol glei mit d'r Halbschäs vor!

So lang m'r jung sinn, wolle m'r 's genieße,  
 sunscht dhät's eem jo noch nooch em Dod verdrieße. —  
 Jo! sächt 'r, weil m'r doch nit wisse kann,  
 gell Alldie! wie m'r ümwer eenmol schderwe,  
 do wolle m'r 'mol heut noch uf die Kerwe —  
 dann 's war e gar e guter Weiwermann.

Ja, sächt seiñ Fraa, do haww ich nicks d'rgege;  
 Nimm nor de Hund nit mit, schunn deßentwege:  
 ich hab keen Ruh sunscht. Is eß dann nit wohr?  
 Sag nor 'mol selwer, sächt se; neen, Schbaß ohne,  
 wo mir jo ganz eleen dohausrum wohne.  
 M'r wees doch nit, 's geht manchmol ebbes vor.

Sächt Er: Willst 's Haus nit uf de Buckel hente?  
 Wann d's doch nit weescht, brauchst aa nit dran zu denke;  
 waß m'r nit weesß, deß macht eem jo nit heeß!  
 Mach jetz nor fort unn mach m'r nit lang Boße.  
 Soll ich die Hünkel-Reeder hole losse?  
 Do schdeig jetz nuff unn hock dich in die Schäs!

Jetz hot die Doktern sich recht abgezawwelt,  
 die Moof, unn is in's Schäfel neingeframwelt  
 mit Ach unn Krach, unn hot keen Wort geredd't;  
 war arower doch schunt halb unn halb vergrumpelt,  
 weil se ihr Mann so barsch hot abgerumpelt,  
 unn denkt: Wart! heemzu's frickscht de schunn dein Fett!

Noû, uf d'r Kerwe hot se iwwer'm. Esse  
unn Kaffetrinke ihren Zorn vergeffe.  
Deß war do owwenuff e wahrer Kahl!  
Do sinn e Schdücker drei, vier Schdadtfrabase  
noch dogewest, mit Brille'n uf de Nase;  
bei denne war's 'hr dann jetz eerdewohl.

M'r kann sich's denke, dennedo ihr Gschichte,  
wo die verzähle unn die Leut ausrichte,  
vun Middags an bis in die sinkend Nacht.  
D'r Dokter, der war mehrschendheels als hunne  
unn hot d'r, Schlag uf Schlag, nicks wie gewunne;  
die hawwe düchtig Neue rausgemacht.

Wie dann die Kaffebase fort jetz ware,  
sächt Sie: Ich denk, daß mir jetz aa heem fahre;  
's is hochie Zeit, es löst m'r sunscht kei'n Ruh.  
So! sächt d'r Dokter, fangscht schunn an zu brummle?  
Da trink! Waß brauche m'r uns so zu dummle?  
So jung wie heut kummscht doch nimmehr d'rzu.

So! sächt sein Fraa, deß sinn'r schöne Sache!  
Ei, ich dhät lieber glei mein Bett neimache  
in's Wörfle! Noû, for dich bin ich dann froh!  
Mein, sächt d'r Dokter, 's is nit allsfort Kerwe.  
Ich werr m'r wege dir mein Freed verderwe . . . .  
Ja jo! sächt Gener, bleibt jetz nar noch do!

Ach ija, sächt en Ann'rer, 's is viel gscheuter,  
 sunscht geht's euch noch am End wie sellem Schneider,  
 demm wo 's hot uf d'r Hochzich so pressirt.  
 Neen, sächt Sie, Alder komm! mach m'r feññ Bosse.  
 Ich habb jetz schunn die Schäs einschbanne losse.  
 Geh! wann eem schbäder dann sunscht was bassirt! —

Jetz hoscht de Dokter nimmehr halte könne,  
 dann demm war's angscht, sie fangt recht an zu schänne;  
 unn wann Sie aüfangt, halt't Er nimmehr Schdich.  
 Verschdehst d'? Sie hot 'n halt e Bissel drumme.  
 Ich glaab, die dhät 'm 's Schnause ball vergunne!  
 Der Hochzichwolf — denkt allsfort nor an sich!

Noñ, forz vorm Ort jetz, daufend Schritt meütwegen,  
 do kummt 'n schunn e Ruddled Bich enggege,  
 do sächt d'r Dokter: Träudel, deß jinn Säu!  
 Deß gibt e Unglück, do wollt ich druf schwöre!  
 M'r wenne um! — Hoscht aroweil dunn're höre?  
 — So schwere Wetter jinn alls ball verbei —

m'r därf nar waarte — unn die Annre siße  
 jo aa noch dort — unn bei demm arge Blitze  
 sicht doch feññ Mensch, waß haar is odder hott! —  
 Ja! sächt Sie, du hoscht nooch em Wein Verlange.  
 Mit dir is ewe gar nicks aüzufange;  
 du kennsch kenn annre Vochel wie e Krott!

Du därffcht dich ümwer's Blige noch beklage:  
die Säu, die hamwe 'mol in meine Lage  
ihr Lebhdag doch kei'n Hörner unn kei'n Woll!  
For so en Fächter, fächt se, so en alte,  
noch gar die Hämmele do for Säu zu halte!  
Ich dhät mich schäme; du bischt bolevoll!

Sächt Er: Ja du braufcht waß vun voll zu sage!  
Bischt aa kei'n Schäfele wie d' Woll dhücht trage;  
dann waß de Wein betrifft, do sey nor schdill!  
Mir kämte doch heem bis e'n Uhre'n else. —  
Wenn nit zu rothe'n is, is nit zu helse;  
jetz fahr ich heem, for mir kann's geh'n, wie's will,

hot Er jetz gsacht, unn is aa weider gfare,  
bis daß se an de Wisse drunue ware.  
Schunn vor em „Plug“ draus, do bligt's ümweraal  
unn duntert unn fangt schrecklich an zu dome;  
mit knapper Noth hot 'r de Gaul noch ghowe,  
daß er 'm nit durch is ümwer Berg unn Thal.

So schütt's unn fracht's unn bligt's an alle'n Effe;  
's schdeht Alles wie im Feuer, Bääm unn Hecke,  
unn Häuser. Korzum, 's duntert Schlag uf Schlag.  
Ach! fächt die Fraa, Gott soll deß Elend wisse! —  
Daß mir grad in deß Wetter kumme müsse! —  
M'r meent jo schier, 's wär heut d'r jüngschde Dag!



So, sächt d'r Dokter, häscht du nig getrimme,  
do wär m'r noch e bissel draus gebliwwe.  
Mit dir fahr ich ball widder, mit dir Bläß!  
Du werrscht warrhastig nit am Bliße schderwe;  
wie sächt m'r als? Unkraut dhät nit verderwe.  
Ja, wenn ich ebbes glaab, do glaaw ich des! —

Jetzt, wie se amwer an de Kerchof kumme,  
— weescht d'? wo der Lindebaam do schdeht, der krumme,  
e bissel herzu's, näscht am Zimmerplatz —  
wumm! hot d'r Bliß en'n alde Rußbaam gschbalte!  
Do war der Gaul durchaus nit mehr zu halte,  
unn baamt sich unn werd scheu unn macht en Satz;

unn, wupp dich! mit em Schäsel newenunner!  
D'r Dokter amwer, der schnorrt omwerunner  
vum Bock, kopp vor grad in en'n Hause Hai.  
Non, sächt 'r, des war glücklich abgelade!  
Ich wollt nar, des wär unser größter Schade;  
do wär schunt Alles widder in d'r Reih.

Unn sucht unn macht unn kann die Schäs nit sinne,  
unn schlächt noch hiñ unn dhut sich's Gsicht verschinne,  
unn schprengt sein Hoffe uf e Moler drei.  
Wo is dann die? fangt 'r jek an zu fläde;  
ich hätt die Kränk jek ball do vunn demm Suche!  
Ei, Gschwindigkeit is doch keen Hexerei!

Die is doch aa mit dere Schäs dorunner! —  
 Noñ! Gschehe heutigsdags dann aa noch Wunner?  
 unn is die, vunn der Kerwe do, so schnell  
 als wie d'r Elias in de Himmel gfahre?! —  
 Wammir nor uff 'em rechte Weg aa ware,  
 sunscht is se schtatt in 'n Himmel in die Höll.

Ja! 's dhät 'r freilich nit viel besser ghöre! — —  
 Zum Glück hot 'r sein'n Hund jetz belle höre,  
 unn iwwerdemum do hot's aa grad gebliht.  
 Ach, sächt 'r, da! Doborne schdeht mein Schinmel! —  
 Jez is mein Aldie freilich nit im Himmel;  
 wann se nar orntlich noch im Schäfel sitzt! —

Wie jetz d'r Dokter anwer hiñ is kumme,  
 do fangt sein Fraa glei widder an zu brumme:  
 So! kummscht emol, — bischt du m'r aach en Mann? —  
 unn löscht dein armie Fraa im Unglück hocke?!  
 ich war die ganz Zeit unnerm Schäfel gschdcke,  
 daß ich noch jetz beinoh nit schnaufe kann!

Fascht wär ich uf em truch'ne Land versoffe,  
 so is m'r 's Wasser iwwer's Gsicht geloffe —  
 wo ich gelege habb in so 're Dall.  
 Dann wie ich mich so aus demm Hai hab gschtrampelt,  
 do is m'r ebbes alls um's Been gebambelt,  
 Noñ, denk ich, jetz gutt Nacht! jetz is es all!

Unn ew ich mich noch los hab mache könne,  
do fangt der Gaul uf eenmol an zu renne,  
unn schleest mich alls do uff de Wisse rum.  
Wie's gange is, deß is m'r selbst e Rääthsel,  
ich hab mich, scheint's, verwickelt g'hatt in's Veetsel;  
do schdörzt zum Glück die Schäs jetz um unn um.]

Wer weesß, wie mir's am End sunscht noch wär gange,  
bis du wärscht kumme unn de Gaul häschd gfangen! —  
Ja, Aldie, sächt 'r, 's is m'r herzlich leed;]  
du muscht dich awwer halt mit mir jetz tröschte,  
dann dein Unglück, deß is noch lang nit's gröschte,  
denk nor! m'r lewe jo noch alle beed!

M'r hamme jetz keen Zeit mehr zu verliere.  
Geh netze her; ich will de Gaul do führe  
bis uf die Schtros, daß der sich nicks verrentt. —  
Nou, wie se jetz eingschdiche widder ware,  
do is er wie en Schitzbuh heemzu's gfare;  
so hot 'r 'mol zum wennitschde gedenkt.

Weit gfeht! 's hot vil e schöner End genumme,  
dann, wir er meent, er müßt ball heem jetz kumme,  
do war er, wo er middags war am Drei;  
am selwe Werrthshaus unn keen Schritt weiter.  
Nor älter war er unn e bissel gscheuter  
v'rleicht jetz; — unn 's Gewitter war v'rbei.

Jetz, sächt 'r, geh's wie's will, in Gottes Name!  
 Der Werrth weëß, scheint's, die Gäl gut anzusaame.  
 's isch Schicksal! Do kann Nimand drüüwer naus.  
 Do muß m'r ewe noch e Fläschel trinke,  
 wann unser Herrgott selwer eem dhut winke.  
 Hee! Werrthschafft! Johann, schbann de Schimmel aus!

Wie jetz d'r Dokter is e Licht usgange,  
 hot's Dunnerwetter in d'r Schäs aüfgefangen:  
 Hältsch du so wenig, sächt se, uf dein Ehr!  
 Mit dir bin ich nit länger mehr im Zweifel:  
 du bißcht en Süßer! — Reit't dich denn d'r Deufel? —  
 Keen guter Geißcht, der fñhrt dich nit doher! — ...

So? sächt d'r Dokter, willsch mit mir jetz schänne?  
 deß hot kein Mensch denn Gäl ansehe könne,  
 daß der schier dreimol gscheuter is wie du!  
 Häsch du nit mit Gewalt heem wolle fahre  
 die Vorzelbääm, die hätt m'r könne schbare,  
 unn wär noch kreuzfideel gewest d'rzu.

Schdeig aus, unn mach m'r do jetz kein so Lewe!  
 Gemm'r dein Hand; ich will dich runnerhewe. —  
 Do sächt Sie: Keen, bleib m'r nor ganz ewegg; —  
 deß is zu arg; — deß heeß ich üüwertriuwe; —  
 unn is mim Kleed am Schäsel henke bliuwe,  
 unn bauß! do leit se gschtreckerlängs im Dreck!

Halt, sächt d'r Dokter, halt! Nor sachte, Mutter!  
 des nimmt jo heut kein End mit demm Gebludder;  
 Geh her, mein Herzel, komm! — ich heb dich uff.  
 So dhut d'r Uwwermuth sich selwer schtrofe.  
 Geh du in's Bett; ich denk du werrest gut schlofe --  
 unn hot se gleich am Nrem kricht — unn nuff.

Do kummt d'r Wertrh raus, so en kuckelrunder.  
 Ach, sächt d'r Dokter, seyd 'r aa noch munter?  
 Ihr habt jo 's ganze Haus noch voller Vent!  
 Mir müsse 's ganz For schinne uns unn ploge,  
 sächt do d'r Wertrh, — do braucht m'r noch zu froge —  
 's is Kermeskuchebackesamsdag heut! —

Unn wie er neinkummt, ruft's: Oho! d'r Dokter!  
 Ja, sächt 'r, fell mich Jhne! — Gell, do host 'r  
 unn wörfelt euern Wein raus unn graggeelt? —  
 Ich haww e schönes Vergnüge heut ausgschdanne, —  
 grad loß ich widder jeh mein Gaul aussehbanne —  
 unn hot 'n Alles Hoor unn kleen verzählt.

Ja, hot 'r gsacht, wär's nar nooch in eim Kopp gange!  
 Mein Fraa dhut anwer immer heem verlange,  
 wamm'r wo is; die plogt die Ugeduld.  
 — Die hot ihr Fett. — Sie hot euch, uf de Fehler,  
 e Schdücker zwanzig Baufe unn Bleomähler.  
 Ja nonn, sie is jo doch an Allem selwer Schuld!

U! deß heeßt anwer nig gut rausgebisse!  
 sächt Gener, Dokter, ich hätt's 'r gewisse;  
 ich hätt mich an deß Maule wennig gschört!  
 Die därf waß redde, wo nicks gilt. — Deß hot se,  
 deß Recht. — Mir sinn so schön beisamme gsoße.  
 — Wär Er nar dogebliwwe, wie sik's ghört.

Gut, sächt d'r Dokter, jegeret bleiw ich siße:  
 d'r Better soll nar 'weil die Kreide schbiße;  
 m'r mache'n e paar Fläschelcher noch raus.  
 M'r wolle anwer knöchle umm nif knorre. — —  
 Noß! — aus de Fläschelcher sinn Flasche worre,  
 umm, wamm'r 's recht is, — sinn se heut noch draus.

## Der nit höre will, muß fühle.

Die Gschicht vun dere Nacht letscht wollt 'r wisse?  
 — die haww ich schunt waß oft verzähle müsse; —  
 wart't, wann mein Peif brennt, sag ich se euch glei.  
 Noß, selwigmol, wie mir am Dampschiff ware,  
 is doch d'r Dokter umm sein Fraa mitgfahre, —  
 uf Dings do nummer, — 's fällt m'r schun noch bei —

unn hot zu mir gsacht, Er wär eingelade  
do zu 're Nacht mit noch e paar Rum'rade,  
unn frogd mich noch, ow ich nit aach mitwoollt.  
Do, sächt 'r, dhäte'n Gem drei Hämmele fehle — . . . .  
So send aa schdill! — wer kann d'n'n do verzähle! —  
Ich glaab, daß dihr mich for en'n Narr verzollt. — —

's is jo doch woahr! — — Noñ, sächt 'r, der dhät schreime:  
die Hämmele wäre nergends uszutreime;  
— wie's jo gewönnlich bei so waß geht. —  
Jez dürst m'r nimmehr hinner'm Diffe hoche.  
's wär 's Bescht, m'r giugt demm düchtig uf die Soche,  
in aller Früh, eb narr en Hahn noch fräht,

wann's äuscht die Umschdänd, sächt 'r, nor erlaawe;  
dann 's hätt's, wie er zum wennischde dhät glaawe,  
feññ ann'rer Mensch als wie 'n Wolf gedhañ.  
— Der hot de Rachel uf de Kopp getroffe. —  
Noñ, sag ich, unn die Fraa? ich will nit hofte! —  
geht die dann aa mit? hot die Freed dodrañ?

Jo, sächt 'r, ich loß mir de Kopp voll knorre.  
Die is jo geschttert schunn schier hüppig worre;  
Ich hab's 'r glei gsacht — sächt 'r — bleib d'rvaun!  
's is nicks for dich; do kannscht for Langweil schderwe.  
Do unnerhaltst dich nit, wie uf d'r Kerwe,  
wie vorremjor. Zuck! nar nit vorher schunn!

Ja, haww ich g'acht, 's is wohr; 's sinn Jächtlers-  
hoffe. —

Sie bleiwe hier! Der Wolf werd doch nit g'schosse. —  
Die hocke do unn hawwe Hüttlin uf,  
unn losse sich verrotthe unn verkaafe.  
Wann dihr en' Wolf wollt, müßt 'r sich een laafe;  
sunstcht fricht 'r keene, do verlost euch druf.

Ja, sächt d'r Dokter, wamm'r so wollt denke!  
Die Nürenberger dhune aa kenne hente,  
eb daß se 'n hawwe; so gscheut simmir aa . . . .  
Noñ, sag ich, nicks for ungut. Bil Vergnüge!  
Ich will euch nit um euer Freed betrüge.  
Grüßt m'r de Förschder, sag ich, unn sein Fraa! —

Noñ, wie se dann mim Dampschiff drumme ware,  
war's bis an's Förschthaus noch drei Schdund zu fahre.  
Do sächt Sie: Noñ? is dann kein Fuhrwerk do?  
Jo, sächt d'r Dokter, do werscht dich verlunne;  
's is gar nicks do, als wie zwee Bau'refuhre,  
unn nit emol kein Bänk nit druf, nar Schtroo.

Herr meines Lebens! was macht die for Age!  
Ja, sächt d'r Dokter, neen kannscht nimmehr sage,  
dann 's Dampschiff geht erscht morge früh zurück;  
heut muscht halt in en'n saure Appel beiße.  
Unn wie se nusschdeigt, dhut se 's Kleed verreiße;  
's war amwer nor d'r Saam zu allem Glück.



Noñ, sächt d'r Dokter, hoscht jo Schbelle bei d'r;  
schbell's hortig nuff. So Dicker! jeh fahr weiter.  
Brenn ein! um herzaft jeh in's Gscherr gelegt! —  
Do denke se, wie se an's Forschtthaus kumme:  
Jeh simm'r wennigstens gut ufgenumme;  
do hot sich awwer aa kein Mensch geregt.

Ach! sächt do Gener, macht nor nit lang Bosse,  
m'r könne's jo em Förschder hinnerlosse,  
wo er uns trifft; 's is jo nit weit in d' Schbadt. —  
Noñ, mit demm schlechte Gfärrt werd's doch schier Achte;  
unn All en'n Dorcht! — en'n Dorcht! — schier zum  
Verschmachte;  
do hot die Dokteru schunn die Leede ghatt.

Raun awwer sicht d'r Dokter die „drei Krone“,  
do freischt 'r: Halt! dohin, do is gut wohne!  
Aaa! vunn demm Hocke werd m'r jo ganz schdeif! —  
Do werd dann orntlich jeh zu Nacht gewickelt,  
unn noch em Esse um de Disch gerückelt;  
— erscht schdoppt sich Jeder awwer noch e Peif. —

Noth werd verzählt, daß heeßt uf deutsch: geloge;  
der Durchzug hot sich an d'r Deck geboge;  
die annr'e Gäscht die laafe all bloo an.  
Uf eenimol awwer heeßt's: Waß macht d'r Neue?  
Herr Kronewerrth! 's werd Ihne nig gereue,  
daß Se sich orntlich hawwe heemgedaan!

Neen, sächt d'r Kronewerrth, in denne Hoffe  
reut miß's non nit. Der därf sich sehe losse;  
unn wie der jetz sich in d'r Gähr schunn macht!  
Guck! sächt d'r Dokter, er dhut glei fraggeele.  
Noñ? sächt d'r Kronewerrth, waß dhut demm fehle?  
E schlechter Kaufmann, der sein Waar veracht't!

Do löst d'r Förschder sage: 's dhät 'n fröe,  
die Herrn bis morge'n aa beim Fescht zu sehe.  
Er hätt noch Bsich, -- do könnt's nit sehñ for heut, —  
er wär zu schdarrk in Anspruch heut genumme —  
sunscht wär er jedenfalls noch selwer kumme;  
so awwer kämt 'r morge früh bei Zeit.

Noñ, sächt d'r Dokter, jetz is vil gewunne!  
M'r hamwe doch e'n Anhaltspunkt jetz gfunne;  
m'r weesß, woraü m'r sich zu halte hot.  
Ja, sächt sein Fraa, du bischt halt alls d'r Alte;  
du weescht dich an denn Neue do zu halte,  
do geht eem jo d'r Grüßel aus, weß Gott!

Wach jetz nor fort! 's is jo schun halwer Elfe.  
Ich muß d'r so alls morgens uffschdehñ helfe.  
D'r Dokter awwer hot se glei geduppt.  
So, sächt 'r, hoscht's schun widder ganz vergesse?  
Dampnuble hammir jo heut Mibdag 'gesse!  
— Noñ ja! — do hot der Woscht sich nein verschluppt!

Was dhäte ganz e Schopp'ner fünfe, sechse? —  
 Wann dich Gens hört, do meent m'r, du könnst here;  
 bei dir geht's morgens aa nit Extra-Poscht. —  
 Du bist m'r mit deinem ewige Gemoschtel  
 en Jäger, wie d'r Deufel en Aposchtel!  
 sächst do die Dokter. — Waart nor mit deinem Moscht!

Ich weck dich nit; meinthalwe bleib du liche.  
 — Bun dere Nacht werst nicks zu sehe kriche;  
 dann bis du wachst, is früh unn schbät v'rbei. —  
 Uf eemol, wie se lang schun schlofe ware,  
 do is d'r Dokter aus em Bett rausgafahre  
 mit gleiche Füß so am e'n Uhre drei.

Do sächst die Dokter: So! bist aa schunt munter?  
 Bleib nar noch leie! Du bist, glaaw ich, vun d'r; —  
 wo doch d'r Förschder vor d'r Schadt draus wohnt! —  
 So lang d'r Mond scheint, werd's demm nip pressire.  
 — Bleib nor noch liche! — 's geht jo knapps uf Viere. —  
 Jo! sächst d'r Dokter, du bist aach d'r Mond!

's is heller Dag; ich habb mich nib betroge.  
 Warscheinlich is die Uhr nit ufgezoge;  
 's könn aa d'r Fall seyn, daß se nicksnuzt geht.  
 Bleib du nor hinn; ich will gschwind nümwerfchpringe.  
 Ich muß die Annre sehe rauszubringe,  
 dann bis der Förschder kummt, is eß zu schbät. —

Noht schleicht 'r — wie er meent — als wie e  
Mäusel,  
erscht — mit Verlaab zu redde — noch uf's Häusel,  
unn sächt, so vor sich hin: Der Neue treibt;  
is awwer, wie er so im Gang runnholpert,  
ümwär 'n Häusleschlüssel erscht noch gscholbert,  
daß 'r e vertel Schdund näschtl liche bleibt.

Mein Doktern denkt: Desß Ding, desß is nit richtig;  
wo bleibt d'nn der? unn war schun eifersüchtig,  
bis daß se 'n sucht. Do sächt se: Gell jetz hoscht?  
Du willscht halt alsfort Alles besser wisse.  
Du säscht: Der treibt. Ich meen, der hätt dich gschmisse!  
's is Rißer desß, und du säscht alls, 's wär Moscht.

Ohu du dich widder in dein Bett neinschdecke;  
's is in 're Schdund noch Zeit die Herrn zu wecke;  
d'r Förchter, der schdeht aa nit früher uf! — —  
Jez hot 'r dann e Schdund aa noch geduffelt,  
noht awwer is 'r narr so rungewuffelt  
vor Eifer, unn rennt glei die Schdeege uf.

Unn is vor Freed jetz, daß se soweit ware,  
als wie en Erwisch do im Haus rungsfahre,  
unn freischt alls: Vivat Hoch! Alls raus, ihr Leut!  
Die Doktern sächt: Zuck' narr nit vor d'r Kerwe!  
du könnstcht d'r sunscht dein ganzie Freed v'rderwe;  
wann d'hr de Wolf hatt, is eß aa noch Zeit.

Uun wie vorausgsacht, kummt der alde Schuffel,  
der alde, üwverzwerche, in sein Duffel,  
kummt richtig an e legie Thür unn kloppt.  
Noß, denkt 'r, dich dhut unser Herrgott schtrofe  
mit denne; die dhun wie die Dchse schlofe.  
Habt 'r, dann Baanwoll in die Dhre gschdoppt?

Uun kloppt unn kloppt, bis drinn sich waß dhut rege:  
en Engellänner war bodrinn gelege,  
— heut muß ich lache noch, wann ich draß dent —  
dann wie er sächt: ihr schloft jo, wie die Dchse!  
reißt der die Thür uf unn fangt an zu boze  
unn sächt uf englisch: Kriche Sie die Kränk!

Wie könne Sie mich aus mein Schloß verschdöre?  
Mir scheint's, daß Sie gern rungeprüchelt wäre;  
waß dhune Sie so früh atweil schunt uf?  
D'r Dokter atwer denkt: Do is 's nit richtig,  
do maßcht dich aus 'em Schdaab, unn geht glei flüchtig;  
der atwer hinne nooch unn alls norr druf.

Die Dokter — ja, waß wöhr is, muß m'r sage —  
die lößt ihr'n Mann vunn anner' Leut nit schlage;  
sie dhut's jo selwer, glaaw ich, nit emol. —  
Wie die en rufe hört: Hee! Tründel! Tründel! —  
Hörscht d' nicks? — Kumm raus! — do fahrt der  
Kauschebeutel  
mit Ihn sein Nachtrock — nimm nor denn Krambol! —

unn mim Saumage uf — raus wie en Drache,  
unn dhut d'r 's ganze Haus rewellich mache.  
Wie meenscht d'? die kummt mim Schdisselzieger glei!  
unn wie se grad recht ghaue hot unn gschdoche,  
is eß Geländer an d'r Schdeeg gebroche,  
do rumple se dann nummer alle drei. — —

Roß! muß m'r dann mim Scheuerdhor euch winke?  
Seyd nar so ehrlich, löst eem aa 'mol trinke.  
Ich habb jo schunn en'n ganze rauhe Hals!  
E Kleenigkeit! — So! — jek geht's widder ennder.  
Wo war ich dann? — Ja so! an demm Geländer:  
— Die Annere, die schlose atwer alls,

bis daß se dann jek deß Gerumpel höre.  
Deß könne se sich d'rerscht gar nit erkläre,  
— wie gsacht, sie ware'n All' noch voller Schloß, —  
unn Gener sächt: Waß ihr euch nar verwunnert;  
m'r meent, 's hätt sein Lebtag non nig gedunnert!  
Neen! sächt en Annrer, deß war draus im Hof.

Unn wie der naussummt, macht 'r e Paar Age,  
wie die die Doktern hawwe nufgetrage,  
d'r Hausknecht unn d'r Werrth, in aller Eil.  
Gell! hot 'r gsacht, ei frich doch glei die Schawe!  
Jek mögt ich selbscht an e Gewitter glaawe:  
do bringe se jo schunn de Dunnerkeil. —

Die Dokteru hot sich recht ihr Been verschunne  
unn ümweretrete noch am Knöchel unne;  
do hawwe se waß Ümwerschläg gemacht.  
Em Dokter war sein rechtie Hand verschwolle  
unn 's Gsicht; do hot der schier verzwayle wolle,  
daß 'r nit mitgehñ köunt heut uf die Nacht.

Do hot die Dokteru gsacht: Mit mir wiltt brummle?  
haww ich dich g'heesse, daß d' dich so sollscht dummle?  
Gell! jey hochst do, wie: Gott, verloß mich nit!  
Häschst du die Muure ruhig schloße losse;  
die mache all minnanner feññ so Bosse  
wie du, unn kumme jey doch aa noch mit.

Ihr wärt minnanner uf die Wolfsjacht gange,  
unn hätt't 'r 'n ganz aa nit lewendig gfangen,  
do hätt m'r doch Vergnüge ghatt, weß Gott!  
Schdatt desse muß ich mir mein Been verschdauche! —  
Häschst narr im Haus nit runzudorkle brauche,  
Eb daß d'r Deuwel Schlappe'n ainghatt hot!

Du bist an Allem Schuld. Du brauchst zu  
brumme! — ....  
unn ümwerdem do is d'r Förschter kumme:  
„Gutt Morge, meine Herrn! Ich bin nar froh,  
„daß Sie uns aa heut bei dem Fescht beehre, ....“  
Ja, sächt d'r Dokter, deß löst sich schunn höre,  
do gucke se, Herr Förschter, — antwer do!

So is m'r 's gange. Wann Se do mit denne  
unn Ihre Kent denn Wolf nit fange könne,  
— ich kann nit mit — do schdeht die Sach heut schief...  
Ja, sächt der, wann mir eenig werre solle,  
do dörfe Sie heut uf keñn Wolfsjacht wolle,  
Herr Dokter! . . . Noñ, sächt der, do is d'r Brief. —

Bin ich nit heut mit meine Kamerade  
vunn Ihne Ihrem Jäger eingelade  
zum Fescht? wie Sie jo selwer hamwe gsacht? —  
Do hot d'r Förschter höflich sich entschuldigt:  
Herr Dokter, sächt 'r, heut werd bei uns g'huldigt,  
deß is deß Fescht; ich weeiß nicks vum 're Jacht!

Denn Brief, Herr Dokter, hot en Ann'rer g'schriuwe,  
der wo sein Uz mit Ihne hot getriuwe.  
Ihr Freund — is Ihne dann deß nit bekannt? —  
is in Amerigga. 's is nicks zu mache.  
Waß mache Sie dann atwer aa for Sache?  
Deß is jo doch e ganzie ann'rie Hand!

M'r därf jo nar die Umerschriift betrachte! . . .  
Noñ, sächt d'r Dokter, meine Herrn! Mor sachte . . .  
Die Doktern atwer freischt: Jeg bin ick's müd  
mit deiner Wolfsjacht! — unn die Herrn do lad't 'r  
dann aa noch eñ. Neen! 's is e wahr's Theater!  
's is woñr, deß geht jo unwer's Bohnelied!



D'r Förchter sächt: Ums recht aa zu verzähle,  
's is wohr, daß Gem vunn hier drei Hämmele fehle,  
unn 's hot's kei'n Mensch als wie en Wolf gedha'n.  
Letst hot en Werrth hier — doher werd's aa kumme —  
mit Namens „Wolf“ drei Hämmele mitgenumme;  
in sofern is doch ebbes Wohres dra'n.

Dich, heeßt's jetz, solle alle Krotte peße! —  
M'r wolle'n uns gleich in e Schäs neihseze;  
— zu Middag gesse werd im näschte Ort. —  
Als fort vunn hier, dann hier is ausgeloge! —  
— Der Englänner? — Ihr könnt eem anwer froge —  
is mit d'r Bahn noch vor em Dokter fort.

E Kleenigkeit! Der war jo ganz verpläschtert,  
unn grüengeel wie en Dischdelfinkebäschterd,  
gwiß uf e Wochener viere, im Gesicht.  
Bei Ihre heeßt's: „Je krümmer“ jetz „je schlimmer!“  
's gschicht Ihm ganz recht, dann gheurath' is for immer;  
er hot genug jo abgerothe fricht. —

Wie heeßt jetz nor des Nescht? 's is doch zum Lache!  
's fahrt m'r im Maul rum; 's dhut sich ennder „bache“,  
wie „heime“ — meen ich. — 's fällt m'r halt nit ein. —  
Frogt nor de Dokter selwer, der werd's wisse;  
Der hot jo lang genug dra'n denke müsse,  
weil er nit uf mich ghört hot draus am Rhein.

## Proswire geht ümmer schdudire.

Mein! sächt 'mol en vornehmer Herr zu seim Sohn:  
 Franz, dhu nor nit zu vil schdudire.  
 Bedenk, du bischt doch so wie so en „Herr von“;  
 schdudire, deß heeß ich nor gschafft in d'r Frohn,  
 dod'rbei werst de nicks profedire.

Die Ümwerschdudirte und alles deß Gschmees,  
 wo nicks dhut ohne Bücher d'rnewe,  
 die sehe de Wald zsamt ihrem Geles  
 vor lauter Bääm doch nit, umm kenner der weefß,  
 wo Barthel de Moscht holt, im Reme.

Do geh du m'r lieber uf's Praxdische aus.  
 For hinner de Bücher zu hoche,  
 wie's Viel dhun, do schmeis ich mein Geld nit so naus;  
 die könne All zsamme, deß weefß ich voraus,  
 ken'n Hund aus 'm Dffeloch locke.

Noñ! sächt d'r Sohn, wie ich vunn hent añ schdudir,  
 do sollscht dich nit drümwor beklage . . . .  
 Wo Barthel de Moscht holt, de Weis umm aa 's Bier,  
 hot richtig in Korzem fest'n Genziger schier  
 so gut als wie der könne sage;

dann do war jek gar vun Schuldire keen Redd,  
 deß muß sich bis schbäter gedulde.  
 Schdatt desse verdhut 'r sein Geld um die Bett,  
 wie wann's 'm sunscht doch nar de Platz verschberrt hätt;  
 unn 's End vun Lied ware halt — Schulde.

Dodriüwer hot freilich d'r Alde geknorrt,  
 so hätt 'r deß Ding nit verschdanne;  
 gibt awwer doch 's Geld her und redd't sunscht kein Wort,  
 unn denkt: sinn nor denn sein Kam'rade 'mol fort,  
 werd 'r annere Säte usschbanne.

Der hot awwer so lang gar nimmehr gewaart't  
 unn denkt: hätt ich nor nicks verschwiche,  
 do wär ich d'r vunn uf die allerchönnscht Art,  
 unn hätt all die Müh unn deß Plänmake gschbart.  
 Wie werr ich 'n jek widder friche? —

Wie die Ferie schier rum war, bis uf die letscht Woch,  
 denkt d'r Alde: ich muß doch promire,  
 ow ich's dann nit rausbring, warum d'r Franz noch  
 in eem fort so schdill is; deß kummt am End doch  
 vun nicks, wie vun viele Schuldire!

Unn richtig! de'n annere Dag hot 'r gsacht:  
 Hör, Franz! ich dhu jek nimmehr bitte,  
 do gschdehst m'r 's jek, waß d'r denn Kummer do macht:  
 ich weesß es jo doch, ich hab's rausricht heut Nacht:  
 du hoscht letscht en'n Gaul dodtgeritte!

Dein Leegle mußt nichts, sag norr, ich hätt d'r's gsacht! —  
 Jetz, denkt d'r Sohn, awweil könn't's lange,  
 unn 's hot 'm vor Freed 's Herz im Leib drin gelacht:  
 Poschthalter! deß hoscht emol pissig gemacht;  
 er is an die Keimruth noch gange!

Mein! sächt 'r jetz, Vatter, deß bring ich nit klein!  
 Do sink ich jo schier in de Vode! —  
 Deß weescht d' nit vun dir aus — non, deß is jetz schön! —  
 weil d's awwer doch wisse dhust, will ich's aa gschdeh'n,  
 wann d' mir sägscht, wer d'r deß hot verrotthe.

Mein! sächt do d'r Alte, do hätt 'n Schdudent  
 gewett't mime englische Reiter,  
 hätt awwer am Schlagbaum sein Gaul dodtgerennt,  
 hot d'r Poschthalter gsacht, unn er hätt 'n gekennt  
 vun Sehe, wüßt awwer nichts weiter.

Mir awwer war deß schunn zu vil, dann ich weesß,  
 im Reite do bischt du en Schode.  
 Drum is m'r 's uf eesimol jetz kumme siedheesß:  
 deß müscht du geweßt seyn; do war ich recht böß,  
 weil ich's noch hab jelsbscht müsse rothe.

Gsacht hot mir's keen annerer Mensch als wie du;  
 's weesß jo in d'r Poscht — wollt ich wette —  
 keen Mensch wasß vun dir. — Da bezahl', do hot's Ruh.  
 Weil 's die Mutter nit weesß, drück ich aa e'n Nag zu;  
 norr häscht awwer glei solle redde.

Do hätt m'r gewüßt hernoht, wie odder wann.  
 Mußt ich dann nit selwer prowire,  
 waß ich aus d'r rausbring? Mar dhut, waß m'r kann;  
 ich sag d'r nar so viel, als prakdischer Mann:  
 „Prowire geht üwwer schdudire!“

## Wie gewunne, so zerrunne.

En Quardjan wollt 'mol am 'me schöne Middag  
 beim Korförcht e'n Nüliche bsorge;  
 a! sächt do d'r Hofnarr, deß bsorg ich d'r aach,  
 sag mir's, do hoscht Antwort bis morge;

dann du verschdehst's doch nit, so viel is gewiß.  
 Haha! sächt der Quardjan, waß Sache!  
 So gscheut wie so 'n Zwerigel vunn Hofnarr do is,  
 simm'r aach; deß wär m'r zum Lache!

So, sächt der, Herr Quardjan, schickt do d'r Wig  
 drinn?

jetz will ich d'r erscht emol zeige,  
 daß Narre noch gscheuter wie gscheute Peut sinn;  
 du muscht dich zu mir nit vergleiche.

Was gilt's, du verlierst's, unn mag's seyn waß es  
will;

ich wett um mein letschtes Paar Hoffe!....

Halt! ruft do d'r Korförscht, nor ruhig unn schdill!

Der kann doch keens ungeroppt losse.

Mein lieber Herr Pater! do kumme sie rein;

Sie müsse an demm sich nit schdöre;

der werd widder heut in seim Kappler drinn seyn.

Wo fehlt's dann? m'r wolle 'mol höre.

U Güte wär frei, durch 'n Schderbsfall, Durchlaucht!

deß könnt m'r 'em Kloschder jetz schenke,

sächt der, dann deß hätte m'r lang schunn gebraucht;

wann Sie Ihr Gewisse bedenke,

do dhun Se's: unn hot 'm die Höll heeß gemacht,  
er sollt for sein Seeleheil forge. . . . —

Noß, jo doch! hot endlich d'r Korförscht do gsacht,

ich schick euch die Urkund bis morge.

Ich dank, sächt der Quardjan. Euer Durchlaucht  
viel Glück! . . . .

Dobei, sächt d'r Korförscht, solls bleibe;

nor lost m'r denn Schenkungsbrief, wo ich euch schick,

vum Minischder erscht noch unnerschreibe. —

Wie deß, hinnew Vorhanf, mein Hofnarr jeh hört,  
is er glei zum Minischder hingange  
unn hot demm ganz offe sein Anschlag erklärt;  
ich denk, jächt er, so kamm'r 'n fange.

Der Quardjan, wie der zum Minischder dann kummt  
unn sicht 'n am Urweitsdich hocke,  
do hot er for sich in de Bart neingebremmt:  
hätt der e Barrück uf mit Locke,

der kämt uf de Hofnarr am mehrschde noch raus;  
die nämliche Gsichter unn Gschalte.  
's sicht freilich verleicht narr im Schloßrock so aus,  
funscht dhät ich 'n noch d'rvor halte.

Jeh nimmt d'r Minischder die Urkund in d' Hand  
unn lest, dreht se rümwär unn nümwär,  
unn schreibt aa waß drunner, schütt't awwer schdatt Sand  
husch! glei 's ganze Dintesaß drümwär.

Ach! jächt 'r, deß is m'r doch selwer jeh leed;  
's werd awwer nicks ümwärig bleiwe,  
als daß d'r Herr Quardjan zum Korförscht hingecht  
unn löst sich e'n annerie schreiw. —

Grad awwer war aach d'r Minischder bei Hof.  
Noñ! jächt 'r, m'r sollt awwer denke,  
mir sinne die Güter nor grad so im Schloß,  
for widder de Paffe zu schenke.

Ë Passesack, der hot kenn Boddem. Ihr Lohn  
is am End — mit Erlaabniß zu sage:  
Euer Durchlaucht dārse noch Zep̄ter unn Kron  
For die uf de Grömpelmark trage! . . . .

O ho! sächt d'r Korförscht, mac's nor nit so fett.  
's is wöhr zwar; 's sinn freilich so Sache;  
wie d' sächscht awwer, hoscht jo minim Hofnarr geredd't:  
do wolle m'r 's aach e so mache . . . .

Unn üwwerdenum kummt d'r do reinšchwadroniert  
mein Quardjan: Euer Durchlaucht! Heut morge  
hot jo d'r Minischder mein Urkund verschmiert!  
Jez soll ich en annerie bsorge . . . .

Gut! sächt do d'r Korförscht; hot's der do gedhan?  
— deß is er — do will ich een schreibe;  
war's awwer e'n Ann'rer, do geht's mich nicks an,  
do loß ich's for's zwettemol bleibe.

Ja, sächt der, 's werd freilich e'n Annerer sehn,  
— ich kamm'r die Gschicht aa schunn denke —  
(dann 's fällt 'm uf eenmol d'r Hofnarr jez ein).  
Do läßt er die Flüchel dann henke,

unn hot sich ganz schdill aus 'm Schdaab jez gemacht;  
's is annerscht nicks üw'rig gebliwwe.  
D'r Hofnarr hot awwer jez gschmunzelt unn gsacht:  
Demm hamn'r sein Sache vertriwwe.



Deß gschicht so 'me Schlaufopp vun Quardjan ganz  
 recht;  
 demm haww ich heut nar wolle weise,  
 daß mannichmol — wie Dokter Luther schunn sächt —  
 die Wölf aach e gscheut's Hund'l beise!

---

## Gleich unn gleich gsellst sich geern.

---

Uf's Uneverfedätsgebäu'  
 baut 'mol en Schdork sein Nescht  
 unn freet sich schunt unn denkt d'rbei:  
 Deß Plägel is es bescht.

Wann der gelehrde Raach unn Dunscht  
 do aus demm Schornschde geht,  
 sinn doch mein Rinner nit umsunst  
 uf Uneverfedät.

Guck, inja! sächt die Schdörkin do,  
 uns hot 'n guder Schdern  
 dohergeführt; waß bin ich so froh  
 for die gelehrde Herrn!

Wann die bodrunne dischbedirn  
mit ihre gscheute Nase,  
do kamm'r Manches profedirn,  
sächt Sie. (Sie war vunn Sahse\*.)

Sächt Er: M'r is nit grad vunn hent  
unn kennt e gut Schdück Welt,  
drum geht eem die Gelehrsamkeit  
aach ümwer Gut unn Geld.

V'rschdeht m'r 's Gschäft aach uf d'r Wiß,  
haww ich doch allsfort ghört,  
daß so wasß höfischdens prakdisch is  
unn lang nonnik gelehrt.

Deß werre bei de Herrn jek do  
die Kinner ohne Müß:  
die Praxis die lern ich se jo,  
unn die die Theorie.

Unn eb se ausgewachse sinn,  
do sage schunn die Leut:  
Hott's Kreuz, wasß sinn die Schdorfelin  
so piffig unn so gscheut!

---

\*) Großsachsen bei Weinheim an der Bergstraße. Die dortigen Bewohner pflegen statt der sonst im Pfälzischen üblichen Endung „re“ die Endung „rn“ zu gebrauchen, welche Gewohnheit auch die junge Störchin noch nicht abgelegt hat, trotzdem sie schon längere Zeit in der Stadt wohnt.

Unn Mancher denkt: Is des e Kunst?  
Die hamwe jo — wie gsacht —  
in die Gelehrsamkeit umkunst  
ihr Bett nit neingemacht.

Was Ähnlichs hot, scheint's, im Senat  
'n Herr dann aa gedenkt;  
sächt, 's wär kei'n Zufall, daß 'r grad  
die Ehr hätt ihne gschenkt.

's sinn jo noch mehr so Schornschde hier,  
— beim Hans noch unn beim Kunz —  
der atwer, als e gscheutes Dhier,  
macht sich doch gleich an uns.

Dann: „Gleich unn Gleich des gellt sich geern,“  
des is jo ausgemacht,  
so hot d'r Deufel schunt, ihr Herrn,  
zum Schornschdefeger gsacht.

Drum is mein eenz'ger Brascht am End:  
Wie macht m'r 's, daß 'r bleibt?  
daß denn nit gar noch en Schdudent  
aus Dummheit uns vertreibt?

Mach't e Geländer um sei'n Nescht!  
Wann's aa was koscht't — was dhut's? —  
Sunst, wann 'r fortgeht, glaabt narr fescht,  
do hätt m'r nor 's Ge'uz. —

Der Satz war richtig do so weit  
unn wie die Sunn so klar,  
drum bringe'n aa so gscheute Leut  
sein Wort d'rgege vor.

Der muß es wisse, war d'r Schluß,  
dann 's is en Mann vum Fach; —  
unn schunn de'n ann're Morge muß  
d'r Maurer naus uf's Dach.

Der baut dann des Geländer schnell,  
unn macht sein Sach recht gut; —  
m'r wees jo wie 'n Maurersgsell  
so hortig schaffe dhut. —

Unn wie die Herrn jenz uf d'r Gass  
rumschbehne, do unn dort,  
do kummt mein Schdork unn — peist 'n' was  
unn macht sich widder fort.

Unn baut sein Nescht jenz ganz vergnügt  
uf's Hochberghaus sich nuf,  
unn wann 'r iwwer's alde fliegt,  
do guckt 'r schböttisch druf,

unn denkt: Ihr habt doch vil Verdruss  
mit eurer Theorie.  
Ich bin unn bleib en Praxdigus —  
drum bass' ich zu euch nie!

Nar Gleich unn Gleich gefellt sich geern. —  
 In euer Schdorkenescht  
 hoßt ihr euch selwer neîn, ihr Herrn,  
 deß is es Allerbescht!

---

## Ir unn Sie.

(E Räthsel.)

---

Ich erschter Dheel bin, wie sid's ghört,  
 vunn Lübeck bis uf Donauwörth  
 zu gleicher Zeit zu finne.  
 hab awwer ümmeraal keen Ruh,  
 geh ewe nar so ab unn zu,  
 unn dhu mich nergends binne.

Deß is bei mir e Minnerschbiel,  
 Ich bin zu rechter Zeit am Ziel,  
 im Winter wie im Summer.  
 Unn geh'n ich winters schbäter fort,  
 bin ich sogar noch früher dort;  
 deß macht mir gar kunnummer.

Unn is mein Weg aa noch so weit,  
do kumm ich doch zur rechte Zeit,  
wie gsacht im mitte Winter;  
unn hab doch ganz deselwe Weg,  
alls gradaus, ümwer Schdock unn Schdeeg,  
unn geh doch aa nit gschwinder.

So weit wär mir schunt Alles recht;  
wie antwer unser Schprüchwort sächt:  
Keen Nos is ohne Dorne —  
bin ich aa schwarz ball, wie en Krabb,  
ball weiß; ball nimm ich zu, ball ab,  
vunn hinne'n unn vunn vorne.

Zsamt meiner friedliche Nadur,  
helf ich — wie fröhers d'r Merkur —  
Schbizbuwe, Dieb unn Räuber.  
Unn manchen Mann schunn hatw ich bschügt,  
wann er sich schdill hot fortschdunwigt,  
zum Ärger vun de Weirer.

Dann ich nimm ohne Gegenutz  
aa die Verliebde im mein Schutz,  
unn habb noch keen verrothe.  
Wanns demm nooch aach schunt annerscht scheint,  
do bin ich doch kein Menschefreund  
unn Schuld an manchem Dodte.

Ich zwetter Dheel geh ewwe drum —  
 als Ganzes schunn — im erschte rum,  
 um Unglück zu verhüte.  
 Ich nenn, mein Vorderdheel zum Trutz,  
 all die Vererrte in mein Schutz  
 umm sorg for Ruh umm Friede.

Die schlechte Kerl verfolg ich all;  
 Schitzbuwe pack ich, Knall u Fall,  
 die kleene wie die grose;  
 e Päärle awwer, deß m'r kennt,  
 do denk ich aa: Waß dich nib brennt,  
 deß brauchschd d' aa nit zu bloße.

Wann's Feuer, waß ihr bei euch tragt,  
 mein erschte Dheel aach alls verjagt,  
 hot's wenig zu bedeute;  
 's Ärkcht is, wann ich vun Feuer hör,  
 — wo mir oft grad mit gholse wär —  
 kann ich's doch aa nit leide.

Drum hilfst m'r der, so lang er kann;  
 ja! ich dhät ohne Boddermann  
 ganz um mein Poschte kumme.  
 Norr demm verdank ich mein Gewalt:  
 umm nie noch hot 'r vum mein G'halt  
 enn Krenzer angenumme.

Wo der narr alls fort schdecke mag  
de ganze, lieve, lange Dag?  
Bei meiner Seel! do dhät ich  
jo ganz verfoome! Wißt'r's schunn?  
Der Kerl, der förcht't sich vor d'r Sunn!  
deß wär warrhaft nit nöthig.

Die Sunn hot jo, mein lieber Freund!  
kenn Bauer noch zum Land nausgscheint;  
grad dich dhut se vertreibe.  
's Gewisse drückt dich awer aach,  
du förk'scht, sie dhut dein Schtreech an 'n Dag;  
do kamm'r jo nit bleibe.

's is jo e „Sie“! Jez fällt m'r 's bei.  
Förcht't die sich vor d'r Bollezei,  
unn meent, mein Fraa gingt klage?  
Deß wär jez erscht e wahrer Schdaat,  
dann ich bin mehrschdens gheurrath't;  
ich will's üch nar grad sage.

(Wachwüchsig)



## Abbes Aldes, was immer neu is.

(E Räthsel.)

Mein Vorderdheel is immer lieb  
de Kaufleut unn de Weirwer,  
de Mäble unn de Dashedieb,  
unn aa de Zeitungschreier.

Unn schickt's aa schunn in keener Haut,  
do harwe's doch die Kenner  
gewöhnlich gern beim Sauerkraut  
unn bei de Wandkalenner.

Vor Holland schechts in guter Ruh,  
unn des is ganz erklärlich;  
die Grossmacht sinn jo schdill d'rzu —  
do is es, scheint's, nig gefährlich.

Im Pinnerdheel gibt's viel zu dhun  
for Parre, Werrth unn Amme;  
wann's aus is awwer, geht's d'roun,  
drum kumme nie zwee z'samme.

Uun wann's aa schunn vil Dausend sinn,  
m'r werd nie klage höre;  
dann do herrscht grosie Ordnung drin,  
uun keens därf 's ann're schdöre.

Mein Hinnerdheel schdeht nie nit schdill.  
's is aa nit eens, wie 's anner  
so gros; uun wer's betrachte will,  
noh, mir zu Gfalle kann 'r.

Do find't er, daß es kalt uun naß,  
uun warem is uun truche.  
's kummt ewe nar druf an, nooch was  
uun wann 'r grad will gucke.

Ich Ganzes — daß id's recht verzähl —  
werf Manche in de Grawe,  
uun bin e Schdick vum Hinnerdheel;  
des werd nit Jeder glaawe.

's schad't nicks, ich kumm doch grad so oft  
zu Herrn, wie Frauenzimmer.  
Uun kumm ich aa nie unverschafft,  
was Neues bin ich immer.

Ich bring; drum, wann ich öfter kämt,  
dhäts aa Nimand verdrieße;  
uun doch sinn Vent so unverschämt  
uun dhune uf mich schiese.

Ich amwer laaf nit wie en Has,  
ich loß se ruhig blöffe  
unn schdeh ich 'n aach vor d'r Nas,  
nit Gener dhut mich treffe.

Keen telegraphischie Depesch  
sächt waß vun demm Mirakel,  
herngege mache als die Frösch  
enn Krimenalschbekdakel.

(1901/1902)

## D'r Schbazirgang.

(E Räthsel.)

D'r Batter sächt: 's is heut so schön,  
— unn dhut sein Fingel winke —  
m'r wolle 'mol in's Ausland gehn,  
enn grose Schobbe trinke.

Unn wie en unnerwegs der Buh  
mit Allerlee dhut plog,  
do denkt 'r: Wart ich schaff m'r Ruh;  
jetz will ich aa 'mol froge.

Frit! sächt 'r, willst de hinnedrus?  
 Do her; unn langsam gange!  
 Erscht krickst de waß zu rothe uf,  
 hernohst dhu ich dich fange.

Deß bringscht du raus, gebb nor recht Acht,  
 do kann sich's gar nit fehle.  
 Noñ, 's war 'mol Jemand, deß hot gfaht:  
 „Ich will euch waß verzähle.

„Ich wett, 's gibt ohne mich keen Land,  
 „— unn trau m'r 's zu gewinne —  
 „bei All demm is doch Keens im Schdand,  
 „mich nor in eem zu finne.

„Unn doch laaf ich am helle Dag,  
 „bei Sunneschein unn Rege,  
 „— wann's Mancher aa nig glaaue mag —  
 „euch oft noch selbscht enggege.

„Ich geh ball grad, ball widder frumm  
 „unn zickzack, wie en Voller,  
 „unn wann ich an e Brück hinkumm,  
 „do mach ich keen Geboller,

„unn schdolber nit, wie anner Lent,  
 „grad so d'r Läng noch nümwer;  
 „neen, do is mir d'r Weg zu weit,  
 „ich geh d'r Quer nooch drüwer.

„Heeft's aach im Herbst: Gott's, Moore Blitz!  
 „die Wingert sein jo gschlosse;  
 „do muß mich ewe doch d'r Schütz  
 „oft mitte durchgeh'n losse.

„Ich geh allcein oft durch de Wald,  
 „'s darf geh'n aa nachts unn schbucke.  
 „Ich bin ball neu, ball bin ich alt,  
 „ball naß, ball widder trucke.

„So oft ich aa durch's Wasser geh,  
 „ich kann keen Bissel schwimme,  
 „unn muß sogar alls durch die See,  
 „wie's grad mein Weg dhut bschwimme.

„Geh't der schdatt grad aa zickzack fort,  
 „'s is eens, im Grund genumme,  
 „ich bin am End doch widder dort,  
 „vun wo ich her bin kumme.

„Unn schdatt's m'r meent, die dumme Vent  
 „die sollte'n eem des danke,  
 „war wege mir — wie oft schunn — Schtreit  
 „unn Raaferei unn Zanke.

„Unn ware johrelang nit müd,  
 „mit Kipplerei unn Knorre,  
 „bis daß ich oft am End vun Vied  
 „noch gar verrückt bin worre.

„So lang ich noch in Ordnung war,  
„is Alles friedlich gange,  
„noht — hawwe se oft Krieg sogar  
„noch wege mir aügfange . . .“

Ach, sächt d'r Fritz, deß is zu lang,  
deß is nit rauszubringe.  
Guck, Vadder, 's werd m'r angfacht unn bang.  
Loß mich e Weil jek schpringe!

Die Gschicht, die is m'r zu verwerret. —  
Hoscht's aach in Acht genumme —  
heñ Vadder? — simmer nit vererret? —  
's will gar keen Werrthshaus kumme!

Bischt schdill, sächt der, wann ich verzähl!  
Baß uf, for deñ Gebabbel;  
ich kumm jek an de zwette Dheel.  
Wann d' 's rothscht, do frickscht en'n Appel.

„Hot der aa noch so gesunde Beest,  
„sinn's Baure odder Grafe,  
„er kann halt ewe doch alleen  
„gewöhnlich nit laafe.

„Deß hot 'n awwer nie noch gschdört,  
„die Preddig alls zu schwänze,  
„unn wamm'r 'n dann verzähle hört,  
„do kennt 'r gar keen Gränze.

„Gewönlich red't 'r do Latein,  
 „— oft leichter wie d'r Parre. —  
 „Unn manchmol trügt die Leut d'r Schein,  
 „ich weeß, eß gibt so Narre.

„Eß Ganze is de Mensche gfäh'r  
 „unn guckt als wie en Schberwer  
 „nooch denne, wie wann's aingschdest wär  
 „vunn England aus als Werwer.

„Dann die nimmt's immer, Mann für Mann,  
 „uf's Korn vunn alle Seite,  
 „unn wann's deß nit zu Fus dhun kann,  
 „do hilft sich's durch mit Reite.

„Unn wie sich um de heeße Brei  
 „die Raß oft rum dhut schleiche,  
 „so dhut deß allsfort noch d'rbei  
 „um's Vorderdheel runschtreiche. —“

Do sächt d'r Fritz: Is 's jeger't aus? —  
 Bis an die Hoppeschdange  
 — gell Vadder? — schpring ich d'r voraus,  
 hernoochtert muscht mich fange!

Waart! sächt sein Vadder, gem 'mol Acht!  
 Gehscht glei her! Mit deinem Schpringe  
 rothscht's doch nit, Kerl! Waß haww ich gsacht,  
 daß d' kräfscht, wann's raus dhäfscht bringe?

Non, Fritzel! höscht's dann noch nit haus?  
Du meenscht, ich hätt's vergesse?  
Wann'r im Werrthshaus sinn, is 's aus;  
noht is dein Appel gesse. .

Do sächt am Dhor noch 's Fritzel schnell:  
Ätsh! ich hab's doch gerothe!  
& Räthsel is eß! Wadder gell,  
ich därf mein Appel brote?

(Aussprache)

## D'r Vatter.

(& Räthsel.)

So schnell, wie ich — unn ohne Füß —  
laaft sicherlich, ihr Leut! keen Ries,  
in aller Herre Länder;  
unn doch hängt, waß ich binn unn habb,  
fascht ganz vunn meine Kinner ab,  
als wär ich 'n Verschwender.



Bei all demm bin ich Handelsmann,  
treib Alles, was m'r treuwe kann,  
unn uf meim breete Buckel  
trag icks haufiere rum im Land,  
kee n Arweit is' bei mir e Schand,  
ich helf sogar beim Schmuggel.

Unn weil ich aa zu gleicher Zeit  
Gränzwächter bin, do meent ihr Leut:  
Geld wär mein Hauptartifel.  
Gott! do kummt nit viel raus d'rbei;  
höfchtens haww ich mein Trunkes frei;  
wo awwer bleibt d'r Wickel?

Ja fröhers war's e'n anner Ding!  
Jez lernt mid's, daß ich was erschwing,  
mich ehrlich zu ernähre.  
's heeßt 'ufgebast jez — lieber Gott!  
zeit m'r die Eisebahne bot,  
därf Unfereens sich wehre.

Unn weil ick's bei de'n Annre seh,  
hand'l ich halt aa mit Allerlee,  
's kann Alles jez nicks batte.  
Ich führ jez, was m'r braucht im Land:  
Dorf, Bauholz, Backeschdeen unn Sand,  
Fisch, Durwak, Bord unn Latte;

unn Schbichselglas, schön, groß unn dick.  
 Macht aa 'mol so in d'r Jarwrik;  
 ja gelt, deß löst 'r bleiwe;  
 Is euers aa durchaus nig grün,  
 so wolfel bringt ihr's halt nit hiin  
 unn keen so grose Scheiwe.

Wann ich die allmännanner aach  
 vun Schdadt zu Schdadt haufiere trag,  
 unn dhu aa manchmol falle,  
 do dhun ich m'r doch niemols weh,  
 unn 's bricht keen eenzigie erzwee,  
 keen Perl unn keen Koralle.

Grad winters harw ich manchmol Ruh.  
 Do mach ich dann mein Krämche zu  
 unn denk: Geht ihr zum Schinner,  
 dann Alter schützt vor Dhorheit nit,  
 masgir mich als noch selwer mit,  
 zsamt meine viele Rinner.

Do gucke mir die Leut alls zu,  
 wann ich mich demasgire dhu,  
 unn kumme gar mit Richter.  
 Deß nimm ich freilich manchmol schief,  
 unn werr alls aach emol massiv,  
 unn denk: Wart't, deßmol tricht 'r!

Ihr wißt, daß mich so leicht nichts errt,  
als wam ma m'r de Weg verschberrt;  
deß will ich euch verleede.  
Wann ich mit meine Bume kumm,  
ich schmeiß üch die ganz Herberg um;  
noht macht euch e Weil bleede.

Herngege laasts ganz gnädig ab,  
wann ich mein freie Schbielraum habb.  
Jez könnt 'r selwer wähle.  
's is jo doch aa for euch e Freed  
unn besser for uns allebeed;  
deß kann sich gar nit fehle.

Wißt 'r jez noch nit: wie unn wann,  
do sucht üch Gens, wo's rothe kann,  
sunscht is es for die Raze.  
Nach morge früh nar Jeder sich  
in 'n Üwverrheiß, — do seht 'r mich.  
Zu viert koscht's nar 'n Baze.

(Der Witz.)

## 's Schätzel.

(E Räthsel.)

Keen Mädcl, oder gar e Fraa,  
unn ewe doch e Sie, —  
geht's richtig mit de Mannsleut aa,  
mit Weibslaut awwer nie.

's geht mit d'r jedie Schdund d'r Nacht,  
do hörscht kenn Fluch, keen G'schänn;  
keen eenzig mol hot's „neen“ noch gsacht,  
jo lang ich's habb unn kenn.

Schbielt noch so arg eem 's Schicksal mit,  
aach in d'r gröschte Noth  
verlooft eem so e Schätzel nit;  
's scheut nit sein eegne Dod.

Geht nit des Schätzel, treu wie Gold,  
mim Bauersmann durch's Feld;  
durch Land unn Meer? — wohin d'r wollt —  
unn will keen Gut unn Geld!

Uun bukt sich nie; is sanft unn schdill,  
 — 's hätt Manchie Ehr d'rvuñ; —  
 wer's doch gebuht geern sehe will,  
 der muß es selwer dhun.

Die Kerwe amwer bsucht se aa,  
 unn dhut mar noch so doll,  
 do sächt se nit, wie manchie Fraa:  
 Geh heem jecz, du bischt voll!

Neeñ! sie geht mit eem iwweraal,  
 grad odder iwwerzwerch;  
 nor in's Thiader, uf ken'n Baal  
 unn nit mit in die Kerch.

Wann ganz d'r Mann sein Ehhälft küßt,  
 unn schiebt die newenaus,  
 — wo sunscht e Jedie ärg're müßt, —  
 geht die doch höfchtens aus,

vor Langweil, nit vor Eifersucht.  
 Mag's geh'n im Haus wie's will,  
 unn wann die Fraa aa schännt unn flucht,  
 is die doch mäufelschdill,

unn redd't aa nit e Wörtel nein,  
 wann's Schtreit gibt mit 'em Mann.  
 's muß schunt e gscheutie Ael sehn,  
 wo 's Maul so halte kann;

bis daß am End die Fraa, die gut,  
gar ihrem Sabberlot  
sein Schängelche noch bringe dhut,  
so geern se 'n selwer hot.

Am liebscht' geht's mit Schudente rum,  
mit Offezier unn Räth.  
Um Raasleut guckt sich's wennig um;  
an denne hot's kein Freed.

Unn manchem Abt unn Erzbischoff  
gfallt's Schängel anwer aa;  
ihr nemmt's nit ümwel — wie ich hoff —  
die hawwe jo kein Fraa.

Unn is d'r Babscht noch so bigott,  
er drückt e Nag doch zu,  
wann Gener sunscht nicks uf sich hot,  
min löst 'n geern in Ruh.

Unn wees aa Jeder, wo er's find't  
for Geld unn gude Wort,  
bei all demm is e ehrbar Kind  
mein Schängel allsefort.

Unn doch guckt's nit uf Schdand unn Ghalt,  
ob d' gros bischt odder kleen,  
unn ob de jung bischt odder alt,  
's guckt nit druf, des isch schön.

Zhr Weibcher! nemmt e Beischpiel dran,  
seyd aa treu bis zum Dod!  
Unn jecz schtrengt euch e bissel an,  
wer's Schätzkel is, unn roth't!

(Hochspannung etc.)

## Abbes for Jedermann.

(E Räthsel.)

Ich mööcht d'r nar wisse, woran als deß licht,  
deß Ding zahlt keen Zoll unn keen Schdeuer,  
unn is doch so koschtbar; 's isch schunn so e Gschicht,  
daß Keens hier deß Ding noch zu kaase hot kricht:  
mag's wollfel aa seyn odder dheuer.

Unn doch richt't sich ewe e Feder d'rnooch;  
gar wichtig werd's oft in de Schlachte.  
Em fleißige Gschäftsmann demun is es keen Blog;  
die Braut unn d'r Bräutigam halte's aa hoch,  
wann's schunn widder Ann're verachte.

Dann 's is aa d'r sicherschte Dokter d'rbei  
unn kummt umesunscht zu 'me Jede,  
zu Reiche wie Arme; unn bleibt m'r emm treu,  
do werd m'r vunn all seine Krankheite frei;  
der heelt alle Unwel unn Schäde.

Unn doch hot's hier aa Leut, die sinn em nig gut  
unn sage, 's dhät Alles verfresse.  
Die meene, 's macht's aa wie ihr eegenie Brut.  
Ich mööcht doch nar wisse, mit wasß esß deß dhut,  
wo's nit emol Zähü hot zum Esse.

's gibt awwer aa Leut noch, die schlage's gar dobt;  
unn Annere sage, 's hätt Flüchel,  
m'r könnt's gar nit fange. 's leid't awwer keen Noth  
bei all demm; wann's kummt, gibt esß Manchem en Noth.  
Wer gscheut is, demm dient's aach als Schichel.

So, jetz will ich schdill seyn, sunscht geh ich zu weit;  
— ihr riecht am End jetz schunn de Brote, —  
dann 's is nit so gefährlich; unn find't 'r's nit heut:  
bis Sunndag Middag hatt 'r's sicher, ihr Leut!  
Do dhut sichs vunn selwer verrotthe. —

(1118 111)



## Anhang.

---

### Die Kraniche des — Piffikus.

---

Wenn Gott e Amt gibt — sächt m'r als gewöhnlich — demm gibt 'r aach de Verschdand d'rzu. Weil atwter keen Regel one Ausnam is, do war's halt aa beim alde Herr gheime Rath selig annerscht. Warum 's jetz atwter grad bei demm annerscht war, des ghört nit doher, unn ich wüßt's aach ütwerhaupt gar nit zu sage; forzum! 's war ewe so, unn des is die Hauptsach.

Domit soll atwter jetz dorchaus nit gsacht seyn, daß d'r Herr gheime Rath keen Amt ghatt hätt, des beweist jo schunn d'r Titel; odder gar, daß sein Kammerdiener, d'r Fordebach, gscheuter gewest wär wie sein Herr — wann 'r 'm schunt als emol hot aus d'r Brenn helfe müsse (wie sellmols, wo er die Nachtwächter viffedirt hot) — weit entfernt! — dann: blos weil demm alde Herr sein Amt hot keen hiüslänglichie Beschäftigung gewäre könne, do is er als — aus Gsundheitsrückichte — so hie unn do uf die Facht gange; unn wann innerdesse d'r Fordebach en'n Lumpeschtreech ausgefürt hot, wie 'n sich nit jeder Kammerdiener gege sein Herr erlaawe därf, do war der nit glei fuchs-deuwels-wild, wie d'r Amtschreiber vun Braßenheim ütwer sein Hannschdoffel, unn

hot sich die Geelsucht an 'n Hals geärgert — Gott bewahr! — do hot 'r de Gscheute gschbielt unn allemol herzlich mitgelacht — nadürlich! alls widder norr aus Gsundheitsrückfichte. —

Wer awwer jetz glaabt, d'r Herr gheime Rath wär nor uf die Nacht gange, um Böck zu schiese, weil def die Gsundheit am wennischde angreift, der is doch gross err. O neen! er hot recht geern aach annere Viecher genumme — wann er se fricht hot — unn grad, wie er 's letscht Mol mit 'm Fordebach draus war, wollt d'r Zufall, daß 'r zwee prächtige Kranich gschosse hot. —

De annere Dag — was gschicht? Mein Fordebach geht, so um die Eßeszeit, zufällig an d'r Küch v'rbei, unn wie er dann do die Panne unn die Häffelin all hot broddsle höre, unn d'r Geruch d'rvunn is 'm so eifladend inner d'r Nas v'rbei gezogen, do hot's 'n orntlich gezoppt, unn er hot ewe neingemüßt, 's war nicks anerschts zu mache. M'r meent grad, 's hätt so seyn solle; dann — do braucht m'r nit awerglämvisch zu seyn — was gschehe soll, gschicht; do helfe die Plaskderschdeeu uf d'r Gäß d'rzu! D'r Koch awwer — was d'r Zufall nit dhut — grad, wie wann's aa hätt so seyn solle — der hot hordig noch wohin gemüßt unn sächt: „Gut, daß d' do bischt; ich muß do gschwind noch wohin; geww e Bissel uf die Kranich do Acht, daß nicks basirt mit!“

„Daß nicks basirt mit?“ sächt d'r Fordebach, „was soll d'm damit basire? Die gehne nimmehr durch.

Erſchdens ſinn ſe dobt, unn zwettens is em eene  
's Veen näſcht ganz abgſchoffe, owwe, am dicke Dheel."

"Ja!" ſächt d'r Koch, "ewe derntwege!"

Noñ, deß Ding war gut; ſaun war der draus, do  
macht d'r mein Fordebach aa ſchunn de Deckel uff, unn  
wie 'm der Schwaddem dann gar zu appedittlich in die  
Naß gſchdiche'n is, daß 'm 's Waſſer im Maul zſamme  
laaft, do hot 'r die Gawwel genumme unn hot drañ  
rinnſchduppt, ob ſe aach ball gar ſinn, unn hot ſe ge-  
wendt, daß ſe nit verbrenne ſolle — meent 'r? Ja, ſell  
mich Ihne! Erſcht hot 'm der Zufall widder en'n Boſſe  
gſchbielt, dann grad is eß Schdutwemädel reinkumme  
unn hot gſacht: „Do hinn riecht's atwver e Mol! waß  
hawwe Se dann Gut's, Fordebach? Gewwe Se m'r  
aa e Viſſel!" — Do war's aus. Unn wann 'r ſchunn  
gſacht hot: „Waart Laſchder! du häſcht aach e gudie  
Eva gewwe; do werd nicks draus!" do hot 'r 'hr doch,  
zum Beweis, daß 'r die Worheit geredd't hot, weil ſe'm  
gar keen Ruh hot geloſt, e Müſſele zukumme loſſe,  
dann er hot gedenkt: Noñ! wann's dann doch nit an-  
uerſcht ſeyn ſoll! Recht hot ſe eegentlich: „Unverſucht  
ſchmeckt nit!" unn hot gſacht: „Geh her! du Schnuckele!  
du herzgebbbeltes, du biſcht m'r aa nonnit feel um ſo  
e Schnipſele Kranich; wann d' ſchunt e Nag uf de Koch  
hoſcht!" Dobrüwver hot freilich 's Lenche gedhañ, als  
wann ſe in Verlegenheit kämt, hot atwver doch deß gude  
Bröckele genumme unn hot's fern ſchnawwliert. Unn ſo  
is eß jey ewe rüwver unn nüwver gange: er e Schdückele,

sie e Schnitzele, bis d'r Koch kumme'n is unu der Kranich hot kenu verschossene Schleichel mehr ghatt.

Wie amwer jekert der Koch kumme'n is, do is der glei in die Hitz kumme wie en Rühbauer, unu hot d'r euch glei en'n Heide-Krawall ufgeschlage unu gflucht unu g'sackermentirt, daß sich die Balke hätte biege könne, wann's 'n'n grad drum gewest wär: Deswege hätt 'r de Fordebach nit in d'r Ruch bleibe heese — er hätt schunn lang ebbes gemerkt, amwer deß wär 'm doch zu bunt — unu 'er wär jek nit mehr schdill d'rzu; — „ich hab's wol gemerkt, waß vorgange'n is“, hot 'r gsacht, unu so fort unu so weiter, dann: unner d'r Thür is eß Leuche an 'm v'rbei unu hot sich grad 's Mäulche abgewischt, unu do hot 'r Wunner gemeent, waß basirt wär, verschdanne?

D'r Fordebach amwer hot sich nit err mache losse unu hot gsacht: „Ruhig im Glied! Du hoscht am End noch nie kenu Brote versucht, hein? weil d' so freischt?! — Kreisch nar recht! do werd Er's glei merke, waß d'r Mär is; do brauchst 's 'm gar nit emol mehr zu sage. -- Waß is dann jek ganz dod'rbei, wann ich demm eene Kranich sein verschossene Schleichel abgschnitte habb? hein? Wann d'r 's nit recht is, do schdeck du en'n Schdecke d'rzu! — odder mach 'm en'n Schdügel-fus! Du Dummkopp, daß de bist! —“

Wie d'r jek mein guder Koch gar so waß hört, do war er wie aus de Wolke galle, unu guckt d'r ganz verschdawert in denn Haffe nein, wo die Kranich drinn ware. Gensdheels war er amwer doch widder froh, daß

sich d'r Fordebach mit demm Kranich abgemwe hot unn nit mit d'r Venche, unn do hot 'r nor en'n diese, diese Seufzer gelöst unn hot gsacht: „Fordebach! Fordebach! deß häschd m'r nit dhun solle — deß kann m'r böß uffschdöse“.

Der anwer hot norr gsacht: „O mei! du dummer Deumel, wie kann dann dir ebbes uffschdöse, waß ich gesse habb?“ unn hot 'n ausgelacht; unn sogar 's Venche hot mitgelacht, dann die war forz vorher widder in die Küche kumme, unn hot's End vunn denne ihrem Dischbedat mit anghört ghatt.

„Ja! ihr hatt gut lache,“ sächt d'r Koch do, „deß geht ümwer mein Buckel, wann's d'r gheime Rath merkt. Ihr habt denn Schlechel minnanner gesse, unn ich werr die Rag durch die Bach schleese müsse! dann, waß in d'r Küche vorgeht, deß geht mit mir heem. —“ „Ach!“ sächt d'r Fordebach, „'s werd de Kopp nit kochte, du aldie Greinels! Loß mich nör mache. — M'r schneid't demm annere Kranich aach 'n Schlechel ab, daß eener aussicht wie d'r anner, do weep er noht nit weiter. Hot fröhers die halb Welt geglaabt, die Parediesvöchel hätte gar kee'n Been, do kann d'r gheime Rath aach emol glaawe, die Kranich hätte nor eens; er hot schunn mehr geglaabt unn is nit drañ gschdorne. Ümwrigens glaaw ich gar nit, daß 'r Dwaht druf gibt.“

„Nee! nee!“ sächt d'r Koch, „'s hot Alles sein Gränze. Deß dhun ich durchaus nit. Deß muß m'r jo sehe.“

D'r Fordebach anwer hot sich hoch unn dheuer ver-

schwore'n unn verheesse, er dhät Alles uf sich nemme. D'r Herr dhät ganz gewiß nids merke. „Du werschst sehe,“ hot 'r gsacht, „wann Er ganz aa was merkt, mit Ihm bin ich noch allemol gut zu Schtreech kumme. Er hot's geern, wamm'r 'n e Bissel ufzuheitere wees mit eme lusttige Schdückel.“ Unn eb mein guder Koch recht gewüßt hot, wie 'm gschicht, hot aach schunn d'r Fordebach denn annere Kranich in d'r Arweit ghatt, unn hot d'r Lenche e Schdück d'r vunn abgschnitte'n unn hot gsacht: „Da Lenche! gewwe Sie's 'hm. Vunn Ihne nimmt er's vielleicht ennder, wie vunn mir.“ —

Was war do jey zu mache? Ganz weißbrenne konnt 'r sich doch nit mehr, dann er hot jo sein Poschde verlosse ghatt, wo 'm d'r gheime Rath noch hot extra ains besole ghatt, er sollt die Kranich doch jo nit aus de Lage losse, daß nids basire dhät mit, unn daß er Ehr mit einlege könnt. Uingschehe war's aa nimmehin zu mache — unn 's Lenche — neen! 's Lenche hot 'm denn Bisse aa gar zu noh unner die Nas ghalte, unn er hätt aach ohne des schunn viel zu gut geroche, als daß er 'n am End nit aach em Fordebach abgenumme hätt. Zudem is er sich uff een Mol gar zu dooblich vorkumme, dann 's Lenche hot 'n schunn widder ainsange auszulache, unn des is 'm 's erscht Mol schunn so arg gewesen. Do hot 'r dann in Gottsname zugegriffe, unn hot gedenkt wie seller Schwob: Vunn gschehene Sache soll m'r 's Beschde redde, unn war schbill. Gschmeckt hot's 'm nadürlich aa, awwer ganz wol war's 'm doch nit d'rbei.

D'r Fordebach atwer hot gelacht unn hot gsacht: „Jez geh's, wie's will: Haut odder naut! Merkt Er's, do is eß gut, do werre m'r uns schunn zu helse wisse. Merkt Er's nit, do is eß noch besser; wie gsacht, ich glaab nit, daß er's merkt. Zieg norr die Haut e Bissel drüwer unn loß eß widder schön brote.“ —

Deßemol atwer hot's d'r gheime Rath doch gemerkt; unn wann schunn d'r Koch die Gschicht widder zsamme gebeschtelt hot, so gut 's ewe hot geh'n wolle: Er hot's jo gemerkt — in de erschte fünf Minutte schunn, wo se uf 'm Tisch gschdanne ware, unn hot gleich de Koch rufe losse. Der atwer hot nadürlich Alles uf de Fordebach gschowe: Deß wäre die erschte Kranich, wo er gebrote hätt im seim Bette; er wüßt nit, wie viel Beeñ so Böchel hätte. Er hätt de ganze Morgent Acht gewwe druf, grad e paar Minutte hätt 'r hordig wohin gemüßt, unn do wär atwer d'r Fordebach in d'r Küche gewest, unn wann do was vorgange mit wär, do müßt der's wisse; bei ihm wär nicks basirt. —

Wie d'r atwer jekert mein Fordebach kumme'n is, hot d'r gheime Rath die Gsundheitsrückichte so weit außer Acht gelost, daß 'r nit mitgelacht hot. Neen! er hot sogar 'm Fordebach de Roscht runner gemacht, daß der's geern besser ghatt hätt, unn hot euch en'n Schbeldafel verfürt, der war mehr wie arg. Mein Fordebach atwer hot 'n ruhig ausdome losse — dann er hot 'n gekennt — unn noht hot 'r ganz ruhig gsacht: „Herr gheime Rath!“ hot 'r gsacht, „Ihr Wort in Ehre!

awwer was Sie do vunn denne Kranich sage, daß die zwee Füß hätte, daß is emol vornwegg nit wöhr! Deß hot der Eselstopp, der Koch aa behaupt't, unn ich hab schunn de ganze Morgent Dischbut mit 'm ghatt deßwege. Ich kann's 'm eigentlich nit ümwel nemme, dann deß siun jo die erschde Kranich, wo er brot't, deßwege hanwe se awwer als nit mehr, wie een Bieñ. So ebbes muß m'r leipenndig, in natura gsehe hanwe, wie mir geschtert Owend; nit wöhr, Herr gheime Rath? Unn derntwege sag ich aach, Herr gheime Rath, daß Sie sich selber widderichbreche dhinne, dann Sie hanwe jo geschtert selbstcht gsacht: Fordebach, do guck er emol, wie die uf ihrem eene Bieñ schdehne; deß hätte Sie awwer doch nit sage könne, wann Se ümwerzeugt gewest wäre, daß se zwee hätte, wie Se jetz heut behauptet, Herr gheime Rath! Wann ich nor wüßt," hot 'r gsacht, „daß heut widder draus wäre, d'r Weg wär m'r, weß Gott! nit zu weit, eene zu schieje, um Ihne zu ümwerzeuge d'r vunn, Herr gheime Rath!"

Wie d'r deß jetz d'r gheime Rath ghört hot, do hot 'r Maul unn Nas usgschberret, unn hot gar nit gewüßt, was 'r demm forr e Antwort gewwe soll; dann daß 'r deß zum Fordebach gsacht ghatt hot, deß hot 'r nit bschtreite könne. Um awwer jetz nit aus d'r Röll zu falle, hot 'r etwe weiter gschännt in seiner blinde Wuth, unn zwar, wie's gewönllich geht: Kraut unn Rüwe durchnanner, wie's 'm grad vors Maul kumme'n is. „So!" hot 'r gsacht, „Er Simbach Er! — Er will eleen naus-



geh'n, Kranich schiese? — Uz Er sich mit Seinsgleiche, Er Ejselstopp! — Do bin ich aa d'rbei; — sunscht werd nicks draus! — Was glaabt dann Er? Er Dummstopp! — So gscheut wie Er is, bin ich aa noch. — Heut Owend, wann ich vum Amt kumm, do will ich's 'm schunn beweise — do kann'r's mit eegene Lage sehe, wann'r's dann doch nit glaawe will! — Also, wann ich vum Amt kumm! Verschdanne?"

„Ja wol!“ hot d'r Fordebach gsacht, „ja wol, Herr gheime Rath! 's hot gar kenn Anschdand. —“

Noû, deß Ding war gut: die Zwee sinn richtig minnanner naus unn hawwe'n aa, glücklicher Weis, widder viel Kranich angetroffe, schier am nämliche Plätzel. Die ware all uff eem Kluppert beisamme gschdanne, arwer Jeder nar uff eem Been.

„Aha?“ hot d'r Fordebach jetz gsacht, „do gucke Se jetz emol hiû, Herr gheime Rath! — Wie sicht's dann jetz aus? — Ich meen als, 's wär so, wie Sie geschtert selbscht ganz richtig bemerkt hawwe. — Do gucke Se jetz hiû unn üwerzeuge Se sich, ob eener vunn denne Kranich mehr als wie een Been hot! — Ja! ja! D'r Fordebach is nit so dumm, daß 'r sich mit Seinesgleiche uzt, wann 'r mit Ihne uf die Nacht geht! — Denn kamm'r nit so leicht in de Gänsdreck führe. — Do! gucke Se — — —“

„Was?“ hot d'r gheime Rath gsacht, „jetz mach 'r arwer, daß 'r bleede kummt! — Er Ejselstopp! Er will sich — glaab — noch mit mir rumnarriere! Ich will Em glei zeige, wo Hase laafe; baß 'r nar emol

uf jek!“ — Unn do hot 'r „bft!“ „bft!“ gemacht unn in die Händ geklatst, unn do harwe die Kranich — wie uff een Schlag — all die Kräge in die Hüh gschtreckt, unn sinn fortgepurrt wie d'r Wind, unn ihr zwee lange Been harwe hinnen aus geguckt wie bei de Schdorke.

Do hot d'r gheime Rath gsacht: „Noñ, Fordebach, hot 'r 's jek gsehe? — Wie sichts dann jek aus? Heñ? Wer hot dann jek Recht?“ — D'r Fordebach antwer hot 'n ganz ruhig angeguckt unn hot gschmunzelt: „Herr gheime Rath“, hot 'r gsacht, „Sie froge mich, wer Recht hot? Demmnood schein Sie doch selwer im Zweifel zu seyn. Noñ, ich will Ihne aus d'r Verlegenheit helfe: Ich hab Recht! — Ja, gucke Sie mich nor an! — Sie, ganz alleen, harwe de Fehler gemacht! Hätte Sie bei denne gebrotene Kranich aa „bft!“ „bft!“ gemacht unn in die Händ geplatscht, eb Se se gschosse harwe, do hätte die gewiß aach ihr anneres Been nausgschtreckt; deß bin ich fescht ünwerzeugt! — Wann Se also in Zukunft widder emol uf die Kranichjacht gehne, do müsse Se erscht „bft!“ „bft!“ mache, eb Se schiese, unn herzast in die Händ batsche; do werre Se sehe, daß Sie nie mehr — en'n eenbeenige Kranich schiese. Sie werre 's sehe, Herr gheime Rath! — Jek antwer wolle m'r heem gehn, daß Se sich nit verkälte in demn nasse Gras; 's is so schunn ball Nachtessezeit. — Nor schad, daß Se heut nicks getroffe harwe! — —“

Uf so 'n Ausgang vunn dere Gschicht war d'r gheime Rath freilich am allerwenigschde gfaßt; weil 'm antwer

em Fordebach sein Gründ eingeleucht hawwe — unn namentlich d'r letschte — do sijn se dann in Gott's Name jetz heemgetrollt minnanner. Unn schunt unnerwegs hot 'r sich allerhand Gedanke gemacht, unn 's is 'm nooch unn nooch immer deutlicher worre, daß d'r Fordebach warscheinlich doch nit so dumm wär, als forr wie er 'n heut morgent noch verzollt hätt, namentlich schunn deß-entwege, weil er e Mittel hätt ausfinnig gemacht, daß m'r nie mehr 'n eenbeenige Kranich uf de Disch trägt.

D'rheem anwer hot 'r sich's düchtig schmede losse, unn nooch 'm Esse hot 'r seiner Fraa die ganz Gschicht verzähst. Unn wie 'r ferdig war mit, sächt 'r: „Ja, Aldie! so kamn'r sich däuße in seine eegene Leut! Deß hätt ich gar nit hinner demm Fordebach gsucht; ich habb denn die ganz Zeit her for so dumm ghalde; anwer jetz, wo 'r m'r deß Mittel gsacht hot, do seh ich erscht, daß noch waß aus demm Kerl werre kann, wann der so fortmacht. Ich sag d'r, wann ich emol nimmehr sehn sollt: halt m'r 'n jo in Ehre! Der kann d'r aus alle Verlegenheite helfe“ — hot 'r gsacht — „dann Der is nit hinne wie vorne! — Neen! ich hätt mein Lewe gar kenn bessere Kammerdiener friche könne“ — hot 'r gsacht — „als wie Denn. Der macht sein Poschde Ehr, waß druf schdeht“ — hot 'r gsacht. — „Do sicht m'r halt widder — wie alls d'r Hofkammerad sächt —: Wemm Gott e Amt gibt, demm gibt 'r aach de Verschdand d'ezu!“





DUE 1 FEB '80  
SUBJECT TO  
RECALL

~~CCL-ILL~~

~~DEC 19 1979~~

CIRCULATES




A0000004442684

831  
238d

252093

Zeller

D'r Vetter aus  
D'r Palz



BOUND BY  
HERBERT C. FENN  
PHILA.

Digitized by Google



A0000004442684